

Namo tassa bhagavato arahato sammāsambuddhassa

Vinayapiṭake

Cūlavagga-aṭṭhakathā

1. Kammakkhandhakaṃ

Tajjanīyakammakathā

1. Cūlavaggaṃ paṭhame kammakkhandhake tāva **paṇḍukalohitakā**ti paṇḍuko ceva lohitaḥ cāti chabbaggiyesu dve janā; tesam nissitakāpi paṇḍukalohitakātveva paññāyanti. **Balavābalavaṃ paṭimantethā**ti suṭṭhulavaṃ paṭivadatha. **Alamattatharā**ti samattatharā.

Tajjanīyakammakathā niṭṭhitā.

Adhammakammadvādasakathā

4. **Asammukhā katanti**dāsu saṅghadhammavinayapuggalasammukhānaṃ vinā kataṃ, cuditakaṃ appaṭipucchitvā kataṃ, tasseva appaṭiññāya kataṃ. **Adesanāgāminiyā**ti pārājikāpattiyā vā saṅghādisesāpattiyā vā. Ettha purimakesu tīsu tikesu nava padā adhammenakataṃ vaggenakatanti imehi saddhiṃ ekekaṃ gahetvā nava tikā vuttā. Evaṃ sabbepi dvādasa tikā honti. Paṭipakkhavasena sukkaṭṭhesupī eteveya dvādasa tikā vuttā.

6. **Ananulomikehi gihisaṃsaggehi**ti pabbajitānaṃ ananucchavikehi sahasokitādīhi gihisaṃsaggehi.

Tiṇṇaṃ, bhikkhave, bhikkhūnantiādī ekenepi aṅgena tajjanīyakammaṃ kātuṃ vaṭṭatīti dassanattaṃ vuttaṃ. Tajjanīyassa hi visesena bhaṇḍanakāraḥkataṃ aṅgaṃ, niyassassa abhiñhāpattikattaṃ, pabbājānīyassa kuladūsakattaṃ vuttaṃ. Imesu pana tīsu aṅgesu yena kenaci sabbānīpi kātuṃ vaṭṭati. Yadi evaṃ yaṃ campeyyakkhandhake vuttaṃ – “tajjanīyakammārahassa niyassakammaṃ karoti...pe... upasampadārahaṃ abbheti; evaṃ kho upāli adhammakammaṃ hoti avinayakammaṃ, evaṃca pana saṅgho sātisāro hoti”ti idaṃ virujjhatīti. Idañca na virujjhati. Kasmā? Vacanattanānattato, “tajjanīyakammārahassā”ti imassa hi vacanassa kammaṃsannīṭṭhānaṃ attho. “Tiṇṇaṃ, bhikkhave”tiādivacanassa aṅgasambhavo, tasmā yadā saṅghena sannipatitvā “idaṃ nāma imassa bhikkhuno kammaṃ karomā”ti sannīṭṭhānaṃ kataṃ hoti, tadā kammāraho nāma hoti. Tassa iminā lakkhaṇena tajjanīyādikammārahassa niyassakammādikaraṇaṃ adhammakammañceva avinayakammañcāti veditabbaṃ. Yassa pana bhaṇḍanakāradāsu aṅgesu aññātaraṃ aṅgaṃ atthi, tassa ākaṅkhamāno saṅgho yathānuññātesu aṅgesu ca kammesu ca yena kenaci aṅgena yaṃkiñci kammaṃ vavattapetvā taṃ bhikkhuṃ kammārahaṃ katvā kammaṃ kareyya. Ayametta vinicchayo. Evaṃ pubbenāparaṃ sameti.

Tattha kiñcāpi tajjanīyakamme bhaṇḍanakāravasena kammavācā vuttā, atha kho bālassa abyattassa āpattibahulassa tajjanīyakammaṃ karontena bālaabyattavaseneva kammavācā kātabbā. Evañhi bhūtena vatthunā kataṃ kammaṃ hoti, na ca aññassa kammaṃ vatthunā. Kasmā? Yasmā idampi anuññātanti. Esa nayo sabbattha. **Aṭṭhārasa sammāvattanavattūni** pārivāsīkakkhandhake vaṇṇayissāma.

Adhammakammadvādasakathā niṭṭhitā.

Nappaṭippassambhetabbaaṭṭhārasakādīkathā

8. **Lomaṃ pātentī**ti pannalomā honti; bhikkhū anuvattantīti attho. **Netthāraṃ vattantī**ti nittharantānaṃ etanti netthāraṃ; yena sakkā nissāraṇā nittharitaṃ, taṃ aṭṭhārasavidhaṃ sammāvattanaṃ vattantīti attho. Kittakaṃ kālaṃ vattaṃ pūretabbanti? Dasa vā pañca vā divasāni. Imasmiñhi kammakkhandhake ettakena vattaṃ pūritameva hoti.

Nappaṭippassambhetabbaaṭṭhārasakādīkathā niṭṭhitā.

Niyassakammakathā

11. Seyyasakavattusmiṃ – **apissu bhikkhū pakatā**ti apissu bhikkhū niccaṃ byāvaṭā honti. Sesam tajjanīye

vuttasadisameva.

Niyassakammakathā niṭṭhitā.

Pabbājanīyakammakathā

21. Assajipunabbasukavatthu saṅghādisesavaṇṇanāyaṃ vuttaṃ.

27. **Kāyikena davenā**tiādīsu panettha kāyiko davo nāma kāyakīḷā vuccati. Sesapadadvayepi eseva nayo. **Kāyiko anācāro** nāma kāyadvāre paññattasikkhāpadavītikkamo vuccati. Sesadvayepi eseva nayo. **Kāyikaṃ upaghātikaṃ** nāma kāyadvāre paññattasikkhāpadassa asikkhanabhāvena upahananaṃ vuccati; nāsanāṃ vināsanānti attho. Sesadvayepi eseva nayo. **Kāyiko micchājīvo** nāma paṭikkhittavejjakammādivasena telapacanaariṭṭhapacanaḍḍīni. **Vācasiko micchājīvo** nāma gihīnaṃ sāsanasampaṭicchanārocanāḍḍīni. **Kāyikavācasiko** nāma tadubhayaṃ. Sesāṃ tajjanīye vuttanayameva.

Pabbājanīyakammakathā niṭṭhitā.

Paṭisāraṇīyakammakathā

33. Sudhammavattusmiṃ pana – **anapaloketvā**ti na āpucchitvā. **Etadvocā**ti kiṃ te gahapati therānaṃ paṭiyattanti sabbāṃ vivarāpetvā disvā etaṃ avoca. **Ekā ca kho idha natthi yadidaṃ tilasaṃguḷikā**ti yā ayaṃ tilasakkhalikā nāma vuccati, sā natthīti attho. Tassa kira gahapatino vaṃse ādimhi eko pūviyo ahosi. Tena naṃ thero jātiyā khamsetukāmo evamāha. **Yadeva kiñcī**ti evaṃ bahuṃ buddhavacanaṃ ratanaṃ pahāya kiñcīdeva tilasaṃguḷikāvacanaṃ bhāsitaṃ. Kukkuṭapotakaudāharaṇena idaṃ dasseti ‘‘yathā so neva kākavassitaṃ na kukkuṭavassitaṃ akāsi, evaṃ tayāpi neva bhikkhuvacanaṃ na gihivacanaṃ vutta’’nti.

Paṭisāraṇīyakammakathā niṭṭhitā.

Adhammakammādivādasakakathā

37. **Asammukhā katanti**ādāyo tikā vuttappakārā eva.

39. Aṅgasamannāgamo purimehi asadiso. Tattha yathā lābhaṃ na labhanti; evaṃ parisakkanto parakkamanto **alābhāya parisakkati** nāma. Esa nayo anattāḍḍīsu. Tattha **anattoti** atthabhaṅgo. **Anāvāsoti** tasmīṃ ṭhāne avasanaṃ. **Gihīnaṃ buddhassa avaṇṇanti** gihīnaṃ santike buddhassa avaṇṇaṃ bhāsati. **Dhammikaṃ paṭissavaṃ na saccāpetī**ti yathā sacco hoti, evaṃ na karoti; vassāvāsaṃ paṭissuṇṇitvā na gacchati, aññaṃ vā evarūpaṃ karoti. **Pañcanaṃ bhikkhavi**tiādī ekaṅgenapi kammārahabhāvadassanattaṃ vuttaṃ. Sesamettha uttānatthañceva, tajjanīye ca vuttanayameva.

Adhammakammādivādasakakathā niṭṭhitā.

Āpattiyā adassane ukkhepanīyakammakathā

46. Channavattusmiṃ – **āvāsaparamparaṇca bhikkhave saṃsathā**ti sabbāvāsesu ārocetha.

50. **Bhaṇḍanakārako**tiādīsu bhaṇḍanāḍḍipaccayā āpannaṃ āpattiṃ ropetvā tassā adassaneyeva kammaṃ kātabbaṃ. Tikā vuttappakārā eva.

51. Sammāvattanāyaṃ panettha tecattālīsa vattāni. Tattha **na anuddhamsetabboti** na codetabbo. **Na bhikkhu bhikkhūhī**ti añño bhikkhu aññehi bhikkhūhi na bhinditabbo. **Na gihiddhajoti** odātavattāni acchinnadasapupphadasāni ca na dhāretabbāni. **Na titthiyaddhajoti** kusacīrādīni na dhāretabbāni. **Na āsādetabboti** na apasādetabbo. **Anto vā bahi vā**ti vihārassa anto vā bahi vā. Na titthiyāḍḍipadattayaṃ uttānameva. Sesāṃ sabbāṃ pārivāsikakkhandhake vaṇṇayissāma. Sesāṃ tajjanīye vuttanayameva. Āpattiyā appaṭikamme ukkhepanīyakammaṃ iminā sadisameva.

65. Ariṭṭhavatthu khuddakavaṇṇanāyaṃ vuttaṃ. ‘‘Bhaṇḍanakārako’’tiādīsu yaṃ diṭṭhiṃ nissāya bhaṇḍanāḍḍīni karoti, tassā appaṭinissageyeva kammaṃ kātabbaṃ. Sesāṃ tajjanīye vuttanayameva. Sammāvattanāyampi hi idha tecattālīsaṃyeva vattānīti.

Āpattiya adassane ukkhepaniyakammakathā niṭṭhitā.

Kammakkhandhakavaṇṇanā niṭṭhitā.

2. Pārivāsikakkhandhakam

Pārivāsikavattakathā

75. Pārivāsikakkhandhake – **pārivāsikā**ti parivāsaṃ parivasantā. Tattha catubbidho parivāso – appaṭicchannaparivāso, paṭicchannaparivāso, suddhantaparivāso, samodhānaparivāsoti. Tesu “yo, bhikkhave, aññopi aññatitthiyapubbo imasmim dhammavinaye ākaṅkhatī pabbajjaṃ, ākaṅkhatī upasampadaṃ, tassa cattāro māse parivāso dātabbo”ti (mahāva. 86) evaṃ mahākkhandhake vutto titthiyaparivāso appaṭicchannaparivāso nāma. Tattha yaṃ vattabbaṃ taṃ vuttameva. Ayaṃ pana idha anadhippeto. Sesā tayo yena saṅghādisesāpatti āpannā ceva hoti paṭicchādita ca, tassa dātabbā. Tesu yaṃ vattabbaṃ taṃ samuccayakkhandhake vakkhāma. Ete pana idha adhippetā. Tasmā etesu yaṃkiñci parivāsaṃ parivasantā “pārivāsikā”ti veditabbā.

Pakatattānaṃ bhikkhūnanti ṭhapetvā navakataraṃ pārivāsikaṃ avasesānaṃ antamaso mūlāyapaṭikkassanārahādīnampi. **Abhivādanapaccuṭṭhānanti** yaṃ te abhivādanādīṃ karonti, taṃ sādīyanti, sampatiṅcchanti; na paṭikkhipantīti attho. Tattha **sāmīcīkammanti** ṭhapetvā abhivādanādīni aññassa anucchavikassa bījanavātādānādīno ābhisamācārikasetaṃ adhivacanaṃ. **Āsanābhīhārenti** āsanassa abhiharaṇaṃ, āsanaṃ gahetvā abhigamaṇaṃ paññāpanameva vā. Seyyābhīhārepi eseva nayo. **Pādodakanti** pādadhovanaudakaṃ. **Pādapiṭṭhanti** dhotapādaṭṭhapanakaṃ. **Pādakathalikanti** adhotapādaṭṭhapanakaṃ pādaghamaṇaṃ vā. **Āpatti dukkaṭassāti** saddhivihārikānampi sādīyantassa dukkaṭameva, tasmā te vattabbā – “ahaṃ vinayakammaṃ karomi, mayhaṃ vattaṃ mā karotha, mā maṃ gāmappavesanaṃ āpucchathā”ti. Sace saddhāpabbajitā kulaputtā “tumhe, bhante, tumhākaṃ vinayakammaṃ karothā”ti vatvā vattaṃ karonti, gāmappavesanampi āpucchantiyeva, vāritakālato paṭṭhāya anāpatti. **Mithu yathāvuḍḍhanti** pārivāsikabhikkhūnaṃ aññamaññaṃ yo yo vuḍḍho tena tena navakatarassa sādītuṃ.

Pañca yathāvuḍḍhanti pakatattehipi saddhiṃ vuḍḍhapaṭipāṭiyā eva. Tasmā pātimokkhe uddissamāne hatthapāse nisīdituṃ vaṭṭati. Mahāpaccariyaṃ pana “pāliya anisīditvā pāliṃ vihāya hatthapāsaṃ amuñcanta nisīditabba”nti vuttaṃ. Pārisuddhiuposathe karīyamāne saṅghanavakaṭṭhāne nisīditvā tattheva nisinnena attano pāliya pārisuddhiuposatho kātabbo. Pavāraṇāyapi saṅghanavakaṭṭhāne nisīditvā tattheva nisinnena attano pāliya pavāretabbaṃ. Saṅghena ghaṇṭiṃ paharivā bhājīyamānaṃ vassikasāṭīkampi attano pattaṭṭhāne gahetuṃ vaṭṭati.

Oṇojananti vissajjanaṃ vuccati. Sace hi pārivāsikassa dve tīṇi uddesabhattādīni pāpuṇanti, aññā cassa puggalikabhattapaccāsā hoti, tāni paṭipāṭiyā gahetvā “bhante, heṭṭhā gāhetha, ajja mayhaṃ bhattapaccāsā atthi, sve gaṇhissāmī”ti vatvā vissajjetabbāni. Evaṃ tāni punadivasesu gaṇhītuṃ labhati. Punadivase sabbapaṭṭhamam etassa dātabbanti kurundiyaṃ vuttaṃ. Yadi pana na gaṇhāti na vissajjeti, punadivase na labhati, idaṃ oṇojanaṃ nāma pārivāsikasēva odissa anuññātaṃ. Kasmā? Tassa hi saṅghanavakaṭṭhāne nisinnassa bhattage yāgukhajakādīni pāpuṇanti vā na vā, tasmā so “bhikkhāhārena mā kilamīthā”ti idamassa saṅghakaraṇatthāya odissa anuññātaṃ.

Bhattanti āgatāgatehi vuḍḍhapaṭipāṭiyā gahetvā gantabbaṃ vihāre saṅghassa catussālabhattaṃ, etaṃ yathāvuḍḍhaṃ labhati. Pāliya pana gantuṃ vā ṭhātuṃ vā na labhati, tasmā pālito osakkivā hatthapāse ṭhitena hatthaṃ pasāretvā yathā seno nipatitvā gaṇhāti, evaṃ gaṇhitabbaṃ. Ārāmikasamañuddesehi āharāpetuṃ na labhati. Sace sayameva āharanti, vaṭṭati. Rañño mahāpeḷabhattepi eseva nayo. Catussālabhatte pana sace oṇojanaṃ kattukāmo hoti, attano atthāya ukkhitte piṇḍe “ajja me bhattaṃ atthi, sve gaṇhissāmī”ti vattabbaṃ. Punadivase dve piṇḍe labhatīti mahāpaccariyaṃ vuttaṃ. Uddesabhattādīnipi pālito osakkivāva gahetabbāni. Yattha pana nisīdāpetvā parivāsanti, tattha sāmaṇerānaṃ jeṭṭhakena bhikkhūnaṃ saṅghanavakena hutvā nisīditabbaṃ.

76. Idāni yā ayaṃ sammāvattanā vuttā, tattha **na upasampādetabbanti** upajjhāyena hutvā na upasampādetabbaṃ; vattaṃ nikkhipitvā pana upasampādetuṃ vaṭṭati. Ācariyena hutvāpi kammavācā na sāvetabbā, aññasmim asati vattaṃ nikkhipitvā sāvetuṃ vaṭṭati. **Na nissayoti** āgantukānaṃ nissayo na dātabbo. Yehipi pakatiyāva nissayo gahito, te vattabbā – “ahaṃ vinayakammaṃ karomi, asukattherassa nāma santike nissayaṃ gaṇhatha, mayhaṃ vattaṃ mā karotha, mā maṃ gāmappavesanaṃ āpucchathā”ti. Sace evaṃ vuttepi karontiyeva, vāritakālato paṭṭhāya karontesupi anāpatti.

Na sāmaṇeroti añño sāmaṇero na gahetabbo. Upajjhaṃ datvā gahitasāmaṇerāpi vattabbā – “ahaṃ vinayakammaṃ karomi, mayhaṃ vattaṃ mā karotha, mā maṃ gāmappavesanaṃ āpucchathā”ti. Sace evaṃ vuttepi karontiyeva, vāritakālato paṭṭhāya karontesupi anāpatti. Bhikkhunovādakasammuti nāma ādhipaccaṭṭhānabhūtāti paṭikkhittā, tasmā

bhikkhusaṅghassa vattabbaṃ – “bhante, ahaṃ vinayakammaṃ karomi, bhikkhunovādakaṃ jānāthā”ti, paṭibalassa vā bhikkhussa bhāro kātabbo. Āgatā bhikkhuniyo “saṅghasantikaṃ gacchatha, saṅgho vo ovādadāyakaṃ jānissati”ti vā “ahaṃ vinayakammaṃ karomi, asukabhikkhussa nāma santikaṃ gacchatha, so vo ovādaṃ dassati”ti vā vattabbā.

Sā āpattīti sukkavissatṭhiyā parivāse dinne sukkavissatṭhi nāpajjitabbā. **Aññā vā tādisikāti** kāyasaṃsaggādigarukāpatti. **Tato vā pāpiṭṭhatarāti** pārājikāpatti; sattasu hi āpattīsu dubbhāsītāpatti pāpiṭṭhā; dukkaṭāpatti pāpiṭṭhatarā; dukkaṭāpatti pāpiṭṭhā, pāṭidesanīyāpatti pāpiṭṭhatarāti evaṃ pācittiyathullaccayasāṅghādisapārājikāpattīsu nayo netabbo. Tasaṃ vatthūsupi dubbhāsītavattu pāpiṭṭhaṃ, dukkaṭavattu pāpiṭṭhataranti purimanayeneva bhedo veditabbo. Paṇṇattivajjasikkhāpade pana vatthupi āpattīpi pāpiṭṭhā. Lokavajje ubhayampi pāpiṭṭhatarāṃ.

Kammanti parivāsakammavācā vuccati. Taṃ kammaṃ “akataṃ dukkaṭa”ntiādīhi vā “kiṃ idaṃ kammaṃ nāma kasikammaṃ gorakkhakamma”ntiādīhi vā vacanehi na garahitabbaṃ. **Kammikāti** yehi bhikkhūhi kammaṃ kataṃ, te vuccanti, te “bālā abyattā”tiādīhi vacanehi na garahitabbā. **Na savacanīyaṃ kātabbanti** palibodhatthāya vā pakkosanatthāya vā savacanīyaṃ na kātabbaṃ, palibodhatthāya hi karonto “ahaṃ āyasmantaṃ imasmiṃ vatthusmiṃ savacanīyaṃ karomi, imamahā āvāsā ekapadampi mā pakkāmi, yāva na taṃ adhikaraṇaṃ vūpasantaṃ hoti”ti evaṃ karoti. Pakkosanatthāya karonto “ahaṃ te savacanīyaṃ karomi, ehi mayā saddhiṃ vinayadharānaṃ sammukhībhāvaṃ gacchāma”ti evaṃ karoti; tadubhayampi na kātabbaṃ.

Na anuvādoti vihāre jeṭṭhakaṭṭhānaṃ na kātabbaṃ. Pātimokkhuddesakena vā dhammajjesakena vā na bhavitabbaṃ. Nāpi terasasu sammutīsu ekasammutivasenāpi issariyakammaṃ kātabbaṃ. **Na okāso**ti “karotu me āyasmā okāsaṃ, ahaṃ taṃ vattukāma”ti evaṃ pakatattassa okāso na kāretabbo, vatthunā vā āpattiyā vā na codetabbo, “ayaṃ pubbe te doso”ti na sāretabbo. **Na bhikkhūhi sampayojetabbanti** aññamaññaṃ yojetvā kalaho na kāretabbo.

Puratoti saṅghattherena hutvā purato na gantabbaṃ, dvādasahatthaṃ upacāraṃ muñcitvā ekakena gantabbaṃ. Nisīdanepi eseva nayo. **Āsanapariyantoti** bhattaggādīsu saṅghanavakāsaṃ vuccati; svāssa dātabbo, tathā nisīditabbaṃ. **Seyyāpariyantoti** seyyānaṃ pariyanto, sabbalāmaṃ mañcapīṭhaṃ. Ayañhi vassaggena attano pattaṭṭhāne seyyaṃ gahetuṃ na labhati. Sabbabhikkhūhi vicinitvā gahitāvasesā maṅkulagūṭhabharitā vettalatādivinaddhā lāmakaseyyā assa dātabbā. **Vihārapariyantoti** yathā ca seyyā, evaṃ vasanaāvāsopi vassaggena attano pattaṭṭhāne tassa na vaṭṭati. Sabbabhikkhūhi vicinitvā gahitāvasesā pana rajohatabhūmi jatukamūsikabharitā paṇṇasālā assa dātabbā. Sace pakatattā sabbe rukkhamūlikā abbhokāsikā ca honti, channaṃ na upenti, sabbepi etehi vissaṭṭhāvāsā nāma honti. Tesu yaṃ icchati, taṃ labhati. Vassūpanāyikadivase paccayaṃ ekapasse ṭhatvā vassaggena gaṇhituṃ labhati. Senāsaṃ na labhati, nibaddhavassāvāsikaṃ senāsaṃ gaṇhitukāmena vattaṃ nikkhipitvā gahetabbaṃ.

Tena ca so sādītāboti yaṃ assa āsanādi-pariyantaṃ bhikkhū denti, so eva sādītāboti. **Puresamaṇeṇa vā pacchāsamaṇeṇa vāti** nātipavāritāṭṭhāne “etteke bhikkhū gahetvā āgacchathā”ti nimantītena “bhante, asukaṃ nāma kulaṃ bhikkhū nimantesi, etha tathā gacchāma”ti evaṃ saṃvidhāya bhikkhū puresamaṇe vā pacchāsamaṇe vā katvā na gantabbaṃ. “Bhante, asukasmiṃ nāma gāme manussā bhikkhūnaṃ āgamaṃ icchanti, sādhu vatassa sace tesāṃ saṅghaṃ kareyyāthā”ti evaṃ pana pariyaṇena kathetuṃ vaṭṭati.

Na āraññīkaṅganti āgatāgatānaṃ ārocetuṃ harāyamānena āraññīkadhutaṅgaṃ na samādātābbaṃ. Yenāpi pakatiyā samādinnaṃ, tena dutiyaṃ bhikkhuṃ gahetvā araññe aruṇaṃ utṭhāpetabbaṃ, na ca ekakena vatthabbaṃ. Tathā bhattaggādīsu āsanapariyante nisajjāya harāyamānena piṇḍapātīkadhutaṅgampi na samādātābbaṃ. Yo pana pakatiyāva piṇḍapātīko tassa paṭisedho natthi.

Na ca tappaccayāti “nīhaṭabhatto hutvā vihāreyeva nisīditvā bhuñjanto rattiyo gaṇayissāmi, gacchato me bhikkhuṃ disvā anārocentassa ratticchedo siyā”ti iminā kāraṇeṇa piṇḍapāto na nīharāpetabbo. **Mā maṃ jānīmsūti** “mā maṃ ekabhikkhupi jānātū”ti ca iminā ajjhāsayena vihāre sāmaṇerehi pacāpetvā bhuñjitumpi na labhati. Gāmaṃ piṇḍāya pavisitābameva. Gilānassa pana navakammaācariyupajjhāyakiccādīpasutassa vā vihāreyeva acchitūṃ vaṭṭati. Sacepi gāme anekasatā bhikkhū vicaranti, na sakkā hoti ārocetuṃ, gāmakāvāsaṃ gantvā sabhāgaṭṭhāne vasitūṃ vaṭṭati.

Āgantukenāti kañci vihāraṃ gatena tathā bhikkhūnaṃ ārocetabbaṃ. Sace sabbe ekaṭṭhāne ṭhite passati, ekaṭṭhāne ṭhiteneva ārocetabbaṃ. Atha rukkhamūlādīsu visuṃ visuṃ ṭhitā honti, tathā tathā gantvā ārocetabbaṃ. Sañcicca anārocentassa ratticchedo ca hoti, vattabhede ca dukkaṭaṃ. Atha vicinanto ekacce na passati, ratticchedova hoti, na vattabhedadukkaṭaṃ.

Āgantukassāti attano vasanavihāraṃ āgatassāpi ekassa vā bahūnaṃ vā vuttanayeneva ārocetabbaṃ.

Ratticchedavattabhedāpi cettha vuttanayeneva veditabbā. Sace āgantukā muhuttaṃ vissamitvā vā avissamitvā eva vā vihāramajjhena gacchanti, tesampi ārocetabbaṃ. Sace tassa ajānantasseva gacchanti, ayañca pana gatakāle jānāti, gantvā ārocetabbaṃ. Sampāpuṇiṭṭhaṃ asakkontassa ratticchedova hoti, na vattabhedadukkaṭṭhaṃ. Yepi antovihāraṃ appavisitvā upacārasīmaṃ okkamitvā gacchanti, ayañca nesamaṃ chattasaddaṃ vā ukkāsitasaddaṃ vā khipitasaddaṃ vā sutvāva āgantukabhāvaṃ jānāti, gantvā ārocetabbaṃ. Gatakāle jānantenapi anubandhitvā ārocetabbaṃ. Sampāpuṇiṭṭhaṃ asakkontassa ratticchedova hoti, na vattabhedadukkaṭṭhaṃ. Yopi rattiṃyeva āgantvā rattiṃyeva gacchati, sopissa ratticchedaṃ karoti, aññātattā pana vattabhedadukkaṭṭhaṃ natthi. Sace ajānitvāva abbhānaṃ karoti, akatameva hotīti kurundiyaṃ vuttaṃ. Tasmā adhikā rattiyo gahetvā kātabbaṃ, ayaṃ apaṇṇakapaṭipadā.

Nadīādīsu nāvāya gacchantampi paratīre ṭhitampi ākāseṇa gacchantampi pabbatatalaaraññādīsu dūre ṭhitampi bhikkhuṃ disvā sace “bhikkhū”ti vavattthānaṃ atthi, nāvādīhi vā gantvā mahāsaddaṃ katvā vā vegena anubandhitvā vā ārocetabbaṃ, anārocentassa ratticchedo ceva vattabhedadukkaṭṭhaṃ. Sace vāyamantopi sampāpuṇiṭṭhaṃ vā sāvetuṃ vā na sakkoti, ratticchedova hoti, na vattabhedadukkaṭṭhaṃ. Saṅghasenābhayatthero pana visayāvisayena katheti – “visaye kira anārocentassa ratticchedo ceva vattabhedadukkaṭṭhaṃ hoti, avisaye pana ubhayampi natthi”ti. Karavīkatissatthero “samaṇo ayanti vavattthānameva pamāṇaṃ, sacepi avisayo hoti, vattabhedadukkaṭṭhaṃ natthi, ratticchedo pana hotiyevā”ti āha.

Uposatheti “uposathaṃ sampāpuṇissāmā”ti āgantukā bhikkhū āgacchanti, iddhiyā gacchantāpi uposathabhāvaṃ ṇatvā otarivā uposathaṃ karonti, tasmā āgantukasodhanatthaṃ uposathadivase ārocetabbaṃ. Pavāraṇāyapi eseva nayo. **Gilānoti** gantuṃ asamatto. **Dūtenāti** ettha anupasampannaṃ pesetuṃ na vaṭṭati, bhikkhuṃ pesetvā ārocāpetabbaṃ.

Abhikkhuko āvāsoti suññavihāro; yattha ekopi bhikkhu natthi, tattha vāsathāya na gantabbaṃ. Na hi tattha vuttarattiyo gaṇanūpikā honti, pakatattena pana saddhiṃ vaṭṭati. Dasavidhantarāye pana sacepi rattiyo gaṇanūpikā na honti, antarāyato parimuccanatthāya gantabbameva. Tena vuttaṃ – “aññatra antarāyā”ti. Nānāsaṃvāsakehi saddhiṃ vinayakammaṃ kātuṃ na vaṭṭati. Tesamānārocanepi ratticchedo natthi, abhikkhukāvāsasadisameva hoti. Tena vuttaṃ – “**yatthassu bhikkhū nānāsaṃvāsakā**”ti. Sesamā uposathakkhandhake vuttanayameva.

81. Ekacchanne āvāsetiādīsu āvāso nāma vasanattāya katasenāsaṇaṃ. **Anāvāso** nāma cetiyagharaṃ bodhigharaṃ sammuṇjaniatṭako dāruatṭako pāṇiyamālo vaccakuṭi dvārakoṭṭhakoti evamādi. Tatiyapadena tadubhayampi gahitaṃ. Etesu yattha kathamāpi ekacchanne chadanato udakapātanaṭṭhānaparicchinne okāse ukkhittako vasitūṃ na labhati. “Pārivāsiko pana antoāvāseyeva na labhati”ti mahāpaccariyaṃ vuttaṃ. Mahāatṭhakathāyaṃ pana “avisesena udakapātena vārita”nti vuttaṃ. Kurundiyaṃ “etesu ettakesu pañcavaṇṇacchadanabaddhatṭhānesu pārivāsikassa ca ukkhittakassa ca pakatattena saddhiṃ udakapātena vārita”nti vuttaṃ. Tasmā nānūpacārepi ekacchanne na vaṭṭati. Sace panettha tadahupasampannepi pakatatte paṭhamaṃ pavisitvā nipanne saṭṭhivassopi pārivāsiko pacchā pavisitvā jānanto nipajjati, ratticchedo ceva vattabhedadukkaṭṭhaṃ. Ajānantassa ratticchedova na vattabhedadukkaṭṭhaṃ. Sace pana tasmim paṭhamaṃ nipanne pacchā pakatatto pavisitvā nipajjati, pārivāsiko ca jānāti, ratticchedo ceva vattabhedadukkaṭṭhaṃ. No ce jānāti, ratticchedova na vattabhedadukkaṭṭhaṃ.

Vuṭṭhātabbaṃ nimantetabboti tadahupasampannampi disvā vuṭṭhātabbameva; vuṭṭhāya ca “ahaṃ iminā sukhānisinno vuṭṭhāpito”ti parammukhena na gantabbaṃ, “idaṃ ācariya-āsaṇaṃ, ettha nisīdathā”ti evaṃ nimantetabbomeva. Navakena pana “mahātheraṃ obaddhaṃ karomī”ti pārivāsikattherassa santikaṃ na gantabbaṃ. **Ekāsaneti** samānavassikāsane mañce vā piṭṭhe vā. **Na chamāyaṃ nisinneti** pakatatte bhūmiyaṃ nisinne itarena antamaso tiṇasanthārepi uccatare vālikātalepi vā na nisīditabbaṃ, dvādasahatthaṃ pana upacāraṃ muñcivā nisīdituṃ vaṭṭati. **Ekacaṅkameti** sahāyena viya saddhiṃ caṅkamanto ekasmiṃ caṅkame.

Chamāyaṃ caṅkamantanti chamāyaṃ caṅkamante, ayameva vā paṭho. Ayaṃ panettha attho – akataparicchedāya bhūmiyā caṅkamante paricchedaṃ katvā vālikaṃ ākiritvā ālambanaṃ yojetvā katacaṅkame nīcepi na caṅkamitabbaṃ, ko pana vādo iṭṭhakācayasampanne vedikāparikkhitteti! Sace pana pākāraparikkhitto hoti dvārakoṭṭhakayutto pabbatantaravanantaragumbantaresu vā suppaṭicchanno, tādise caṅkame caṅkamituṃ vaṭṭati. Appaṭicchannepi upacāraṃ muñcivā vaṭṭati.

Vuḍḍhatarenāti ettha sace vuḍḍhatare pārivāsike paṭhamaṃ nipanne itaro jānanto pacchā nipajjati, ratticchedo cassa hoti vattabhede ca dukkaṭṭhaṃ. Vuḍḍhatarassa pana ratticchedova na vattabhedadukkaṭṭhaṃ. Ajānitvā nipajjati, dvinnampi vattabhedo natthi, ratticchedo pana hoti. Atha navakapārivāsike paṭhamaṃ nipanne vuḍḍhataro pacchā nipajjati, navako ca jānāti, ratti cassa chijjati, vattabhede ca dukkaṭṭhaṃ hoti. Vuḍḍhatarassa ratticchedova na vattabhedo. No ce jānāti, dvinnampi vattabhedo natthi, ratticchedo pana hoti. Sace dvepi apacchāpurimaṃ nipajjanti, vuḍḍhatarassa ratticchedova itarassa vattabhedopīti kurundiyaṃ vuttaṃ. Dve pārivāsikā samavassā, eko paṭhamaṃ nipanno, eko jānantova pacchā nipajjati, ratti ca chijjati, vattabhede ca dukkaṭṭhaṃ. Paṭhamaṃ nipannassa ratticchedova na vattabhedo. Sace pacchā nipajjantopi na jānāti, dvinnampi vattabhedo natthi, ratticchedo pana hoti. Sace dvepi apacchāpurimaṃ

nipajjanti, dvinnampi ratticchedoyeva, na vattabhedo. Sace hi dve pārivāsikā ekato vaseyyuṃ, te aññaṃaññaṃsa ajjhācāraṃ ñatvā agāravā vā vippaṭṭisarino vā hutvā pāpīṭṭhataṃ vā āpattiṃ āpajjeyyūṃ vibbhameyyūṃ vā, tasmā nesam saḥaseyyā sabbappakārena paṭikkhittā. Sesam vuttanayeneva vedītabbāṃ. Mūlāyapaṭikassanārahādayo cettha pārivāsikānaṃ pakatattaṭṭhāne ṭhitāti vedītabbā.

Pārivāsikacattuttho ce, bhikkhave, parivāsanti ettha pārivāsikaṃ cattutthaṃ katvā aññaṃsa parivāsadānādīni kātuṃ na vaṭṭati. Etesvevāyaṃ gaṇapūraḥko na hoti, sesasaṅghakammesu hoti. Gaṇe pana appahonte vattaṃ nikkhipāpetvā gaṇapūraḥko kātābboti.

83. Imam pana vattakathaṃ sutvā vinayadharaupālittherassa rahogatassa evaṃ parivitaḥko udapādi – “bhagavatā bahu pārivāsikavattaṃ paññattaṃ, katihi nu kho ettha kāraṇehi ratticchedo hoti”ti! So bhagavantaṃ upasaṅkamitvā tamattaṃ pucchi. Bhagavā cassa byākāsi. Tena vuttaṃ – “**atha kho āyasmā upāli...pe... ratticchedā**”ti. Tattha **sahavāsoti** yvāyaṃ pakatattena bhikkhunā saddhiṃ ekacchannetiādīnā nayena vutto ekato vāso. **Vippavāsoti** ekakasseva vāso. **Anārocanāti** āgantukādīnaṃ anārocanā. Etesu tīsu ekekena kāraṇena ratticchedo hoti.

84. Na sakkontīti saṅghassa mahantaṭṭāya tattha tattha gantvā sabbesaṃ ārocetūṃ asakkontā sodhetūṃ na sakkonti. **Parivāsaṃ nikkhipāmi, vattaṃ nikkhipāmi** imesu dvīsu padesu ekenāpi nikkhittova hoti parivāso; dvīhi sunikkhittoyeva. Samādānēpi eseva nayo. Evaṃ vattaṃ samādiyitvā parivutthaparivāsassa mānattaṃ gaṇhato puna vattasamādānakiccaṃ natthi, samādinnavattoyeva hesa tasmāssa chāratthaṃ mānattaṃ dātabbāṃ, ciṅṅamānatto abbhetaḥko. Evaṃ anāpattiko hutvā suddhante paṭiṭṭhito tisso sikkhā pūretvā dukkhassantaṃ karissatīti.

Pārivāsikavattakathā niṭṭhitā.

Mūlāyapaṭikassanārahavattakathā

86. Mūlāyapaṭikassanārahā bhikkhū sādiyanti pakatattānanti ṭhapetvā navakataraṃ mūlāyapaṭikassanārahāṃ avasesānaṃ antamaso pārivāsikādīnampi. Imesañhi pārivāsikamūlāyapaṭikassanārahāmanāttārahāmanāttācārikabbhānārahānaṃ pañcannaṃ ṭhapetvā attano attano navakataraṃ, sesā sabbe pakatattā eva. Kasmā? Mithu yathāvuḍḍhaṃ abhivādanādīnaṃ anuññatattā. Tena vuttaṃ – “avasesānaṃ antamaso pārivāsikādīnampi”ti. Mūlāyapaṭikassanārahādīlakkhaṇaṃ pana nesam parato āvibhavissati. Sesamettha ito paresu ca mānāttārahādīvattesu pārivāsikavatte vuttanayeneva vedītabbāṃ.

87. Mūlāyapaṭikassanārahacattuttho cetiādīsipi yatheva pārivāsiko; evaṃ etepi etesu vinayakammesu gaṇapūrakā na honti, sesasaṅghakammesu honti.

Mūlāyapaṭikassanārahavattakathā niṭṭhitā.

Mānattacārikavattakathā

90. Mānattacārikassa vattesu “devasikaṃ ārocetabba”nti viseso.

92. Ratticchedesu ūne gaṇeti ettha **gaṇoti** cattāro vā atirekā vā; tasmā sacepi tīhi bhikkhūhi saddhiṃ vasati, ratticchedo hotiyeva. Mānattanikkhepasamādānesu vuttasadisova vinicchayo. Sesam sabbattha uttānamevāti.

Mānattacārikavattakathā niṭṭhitā.

Pārivāsikakkhandhakavaṇṇanā niṭṭhitā.

3. Samuccayakkhandhakaṃ

Sukkavissaṭṭhikathā

97. Samuccayakkhandhake – **chāratthaṃ mānattanti** ettha catubbidhaṃ mānattaṃ – appaṭicchannamānattaṃ, paṭicchannamānattaṃ, pakkhamānattaṃ, samodhānamānattanti. Tattha **appaṭicchannamānattaṃ** nāma – yaṃ appaṭicchannāya āpattiyā parivāsaṃ adatvā kevalaṃ āpattiṃ āpannabhāveneva mānāttārahassa mānattaṃ diyyati. **Paṭicchannamānattaṃ** nāma – yaṃ paṭicchannāya āpattiyā parivutthaparivāsassa diyyati. **Pakkhamānattaṃ** nāma – yaṃ paṭicchannāya vā appaṭicchannāya vā āpattiyā addhamāsaṃ bhikkhunīnaṃ diyyati. **Samodhānamānattaṃ** nāma –

yaṃ odhāya ekato katvā diyyati. Tesu idaṃ “appaṭicchannāya chārattaṃ mānatta”nti vacanato “appaṭicchannamānatta”nti vedittabbaṃ. Taṃ dentena sace ekaṃ āpattiṃ āpanno hoti, idha vuttanayena dātabbaṃ. Sace dve vā tisso vā tatuttariṃ vā āpanno, yatheva “ekaṃ āpatti”nti vuttaṃ; evaṃ “dve āpattiyo, tisso āpattiyo”ti vattabbaṃ. Tatuttari pana sacepi sataṃ vā sahasaṃ vā hoti, “sambahulā”ti vattabbaṃ. Nānāvattthukāyopi ekato katvā dātabbā, tāsāṃ dānavidhiṃ parivāsādāne kathayissāma.

Evaṃ āpattivasena kammavācaṃ katvā dinne mānatte “evametaṃ dhārayāmi”ti kammavācāpariyosāne māḷakasimāyameva “mānattaṃ samādiyāmi, vattaṃ samādiyāmi”ti vuttanayena vattaṃ samādātabbaṃ. Vattaṃ samādiyitvā tattheva saṅghassa ārocetabbaṃ, ārocentena ca evaṃ ārocetabbaṃ –

“Ahaṃ, bhante, ekaṃ āpattiṃ āpajjīmi sañcetanikaṃ sukkavissaṭṭhiṃ appaṭicchannaṃ, sohaṃ saṅghaṃ ekissā āpattiyā sañcetanikāya sukkavissaṭṭhiyā appaṭicchannāya chārattaṃ mānattaṃ yāciṃ, tassa me saṅgho ekissā āpattiyā sañcetanikāya sukkavissaṭṭhiyā appaṭicchannāya chārattaṃ mānattaṃ adāsi. Sohaṃ mānattaṃ carāmi, vedayāmaṃ, bhante ‘vedayati’ti maṃ saṅgho dhāretū”ti.

Imaṅca pana atthaṃ gahetvā yāya kāyaci bhāsāya ārocetum vaṭṭatiyeva. Ārocetvā sace nikkhipitukāmo, vuttanayeneva saṅghamajjhe nikkhipitabbaṃ. Māḷakato bhikkhūsu nikkhantesu ekassapi santike nikkhipitum vaṭṭati. Māḷakato nikkhamitvā satim paṭilabhantaṃ saḥagacchantassa santike nikkhipitabbaṃ. Sace sopi pakkanto, aññaṃ yassa māḷake nārocitaṃ, tassa ārocetvā nikkhipitabbaṃ. Ārocentena pana avasāne “vedayati”ti maṃ āyasmā dhāretū”ti vattabbaṃ. Dvinnāṃ ārocentena “āyasmantaṃ dhāretū”ti, tiṇṇāṃ ārocentena “āyasmanto dhāretū”ti vattabbaṃ. Nikkhittakāḷato paṭṭhāya pakatattaṭṭhāne tiṭṭhati.

Sace appabhikkhuko vihāro hoti, sabhāgā bhikkhū vasanti, vattaṃ anikkhipitvā antovihāreyeva rattiyo gaṇetabbā. Atha na sakkā sodhetum, vuttanayeneva vattaṃ nikkhipitvā paccūsasamaye catūhi pañcahi vā bhikkhūhi saddhim parikkhittassa vihārassa parikkhepato, aparikkhittassa parikkhepārahāṭṭhānato dve leḍḍupāte atikkamitvā mahāmagгато okkamma gumbena vā vatīyā vā paṭicchannaṭṭhāne nisīditabbaṃ. Antoaruṇeyeva vuttanayena vattaṃ samādiyitvā ārocetabbaṃ. Sace añño koci bhikkhu kenacideva karaṇīyena taṃ ṭhānaṃ āgacchati, sace esa taṃ passati, saddaṃ vāssa suṇāti, ārocetabbaṃ. Anārocentassa ratticchedo ceva vattabhedo ca.

Atha dvādasahatthaṃ upacāraṃ okkamitvā ajānantasseva gacchati, ratticchedo hoti eva, vattabhedo pana natthi. Ārocitakāḷato paṭṭhāya ca ekaṃ bhikkhum ṭhapetvā sesehi sati karaṇīye gantumpi vaṭṭati. Aruṇe utṭhite tassa bhikkhussa santike vattaṃ nikkhipitabbaṃ. Sace sopi kenaci kammena purearuṇeyeva gacchati, aññaṃ vihāro nikkhantaṃ vā āgantukam vā yaṃ paṭhamam passati, tassa santike ārocetvā vattaṃ nikkhipitabbaṃ. Ayaṅca yasmā gaṇassa ārocetvā bhikkhūnaṅca atthibhāvaṃ sallakkhetvā vasi, tenassa ūne gaṇe caraṇadoso vā vipavāso vā na hoti. Sace na kañci passati, vihāram gantvā attanā saddhim gatabhikkhūsu ekassa santike nikkhipitabbanti mahāsumatthero āha. Mahāpadumatthero pana “yaṃ paṭhamam passati, tassa ārocetvā nikkhipitabbaṃ; ayaṃ nikkhittavattassa parihāro”ti āha.

Evaṃ chārattaṃ mānattaṃ akhaṇḍam caritvā yattha siyā vīsati gaṇo bhikkhusaṅgho, tattha so bhikkhu abbhetaḍḍo. Abbhentehi ca paṭhamam abbhānāraho kātabbo. Ayaṅhi nikkhittavattattā pakatattaṭṭhāne ṭhito, pakatattassa ca abbhānaṃ kātum na vaṭṭati, tasmā vattaṃ samādāpetabbo. Vatte samādinne abbhānāraho hoti. Tenāpi vattaṃ samādiyitvā ārocetvā abbhānaṃ yācitabbaṃ. Anikkhittavattassa puna vattasamādānakkiccam natthi. So hi chārattātikkameneva abbhānāraho hoti, tasmā so abbhetaḍḍo. Tatra yvāyaṃ “evaṅca pana, bhikkhave, abbhetaḍḍo”ti pāḷiyameva abbhānavidhi vutto, ayaṅca ekāpattivasena vutto. Sace pana dve tisso sambahulā vā ekavattthukā vā nānāvattthukā vā āpattiyo honti, tāsāṃ vasena kammavācā kātabbā. Evaṃ appaṭicchannamānattaṃ dātabbaṃ. Paṭicchannamānattaṃ pana yasmā paṭicchannāya āpattiyā parivutthaparivāsassa dātabbaṃ hoti, tasmā naṃ parivāsakathāyameva kathayissāma.

Parivāsakathā

102. “Tena hi, bhikkhave, saṅgho udāyissa bhikkhuno ekissā āpattiyā sañcetanikāya sukkavissaṭṭhiyā ekāhapaṭicchannāya ekāhaparivāsam detū”tiādinā nayena pāḷiyam anekehi ākārehi parivāso ca mānattaṅca vuttaṃ. Tassa yasmā āgatāgataṭṭhāne vinicchayo vuccamāno pāḷi viya ativittāraṃ āpajjati, na ca sakkā hoti sukkena pariggahetum, tasmā naṃ samodhānetvā idheva dassayissāma.

Ayaṅhi idha adhippeto parivāso nāma – paṭicchannaparivāso, suddhantaparivāso, samodhānaparivāsoti tividho hoti. Tattha paṭicchannaparivāso tāva yathāpaṭicchannāya āpattiyā dātabbo. Kassaci hi ekāhapaṭicchannā āpatti hoti yathā ayaṃ udāyittherassa, kassaci dvīhādīpaṭicchannā yathā parato āgatā udāyittherasseva, kassaci ekā āpatti hoti yathā ayaṃ, kassaci dve tisso tatuttari vā yathā parato āgatā, tasmā paṭicchannaparivāsam dentena paṭhamam tāva

paṭicchannabhāvo jānitabbo.

Ayañhi āpatti nāma dasahākārehi paṭicchannā hoti. Tatthāyaṃ mātikā – āpatti ca hoti āpattisaññī ca, pakatatto ca hoti pakatattasaññī ca, anantarāyiko ca hoti anantarāyikasaññī ca, pahu ca hoti pahusaññī ca, chādetukāmo ca hoti chādeti cāti.

Tattha **āpatti ca hoti āpattisaññī cāti** yaṃ āpanno, sā āpattiyeva hoti. Sopi ca tattha āpattisaññīyeva. Iti jānanto chādeti, channāva hoti. Atha panāyaṃ tattha anāpattisaññī, acchannā hoti, anāpatti pana āpattisaññīyapi anāpattisaññīyapi chādentenaṃpi acchādītāva hoti. Lahukaṃ vā garukāti garukaṃ vā lahukāti chādeti, alajjipakkhe tiṭṭhati, āpatti pana acchannā hoti. Garukaṃ lahukāti maññamāno deseti, neva desitā hoti, na channā. Garukaṃ garukāti ṇatvā chādeti, channā hoti. Garukalahukabhāvaṃ na jānāti, āpattiṃ chādemīti chādeti, channāva hoti.

Pakatattoti tividhaṃ ukkhepanīyakammaṃ akato – so ce pakatattasaññī hutvā chādeti, channā hoti. Atha “mayhaṃ saṅghena kammaṃ kata”nti apakatattasaññī hutvā chādeti, acchannā hoti. Apakatattena pakatattasaññīnā vā apakatattasaññīnā vā chādītāpi acchannāva hoti. Vuttampi cetam –

“Āpajjati garukaṃ sāvasesaṃ,
Chādeti anādariyaṃ paṭicca;
Na bhikkhunī no ca phuseyya vajjaṃ,
Pañhā mesā kusalehi cintitā”ti. (pari. 481);

Ayañhi pañho ukkhittakena kathito.

Anantarāyikoti yassa dasasu antarāyesu ekopi natthi, so ce anantarāyikasaññī hutvā chādeti, channā hoti. Sacepi so bhīrukajātīkatāya andhakāre amanussacaṇḍamīgabhayena antarāyikasaññī hutvā chādeti, acchannāva hoti. Yassa hi pabbatavihāre vasantassa kandaraṃ vā nadīṃ vā atikkamītvā ārocetabbaṃ hoti, antarāmagge ca caṇḍavāḷaamanussādībhayaṃ atthi, magge ajagarā nīpajjanti, nadī pūrā hoti, ekasmiṃ pana satiyeva antarāye antarāyikasaññī hutvā chādeti, acchannāva hoti. Antarāyikassa pana antarāyikasaññīyā vā anantarāyikasaññīyā vā chādayato acchannāva hoti.

Pahūti yo sakkoti bhikkhuno santikaṃ gantuñceva ārocetuñca; so ce pahusaññī hutvā chādeti, channā hoti. Sacassa mukhe appamattako gaṇḍo vā hoti, hanukavāto vā vijjhati, danto vā rujjati, bhikkhā vā mandā laddhā hoti, tāvatakena pana neva vattum na sakkoti na gantum; apica kho na sakkomīti saññī hoti, ayaṃ pahu hutvā appahusaññī nāma. Iminā chādītāpi acchādītā. Appahunā pana vattum vā gantum vā asamatthena pahusaññīnā vā appahusaññīnā vā chādītā hotu, acchādītāva.

Chādetukāmo ca hoti chādeti cāti idaṃ uttānatthameva. Sace pana chādessāmīti dhuranikkhepaṃ katvā purebhatte vā pacchābhatte vā paṭhamayāmādīsū vā lajjidhammaṃ okkamītvā antoaruṇeyeva āroceti, ayaṃ chādetukāmo na chādeti nāma.

Yassa pana abhikkhuke ṭhāne vasantassa āpattiṃ āpajjitvā sabhāgassa bhikkhuno āgamaṃ āgamentassa sabhāgasantikaṃ vā gacchantassa addhamāsopi māsoṃpi atikkamati, ayaṃ na chādetukāmo chādeti nāma, ayampi acchannāva hoti.

Yo pana āpannamattova aggim akkantaपुरiso viya sahasā apakkamītvā sabhāgaṭṭhānaṃ gantvā āvi karoti, ayaṃ na chādetukāmovā na chādeti nāma. Sace pana sabhāgaṃ disvāpi “ayaṃ me upajjhāyo vā ācariyo vā”ti lajjāya nāroceti, channāva hoti āpatti. Upajjhāyādībhāvo hi idha appamāṇaṃ averisabhāgamattameva pamāṇaṃ, tasmā averisabhāgassa santike ārocetabbā.

Yo pana visabhāgo hoti sutvā pakāsetukāmo, evarūpassa upajjhāyassāpi santike na ārocetabbā. Tattha purebhattaṃ vā āpattiṃ āpanno hotu pacchābhattaṃ vā, divā vā rattiṃ vā yāva aruṇaṃ na uggacchati tāva ārocetabbaṃ. Uddhaste aruṇe paṭicchannā hoti, paṭicchādanapaccayā ca dukkaṭaṃ āpajjati. Sabhāgasāṅghādisesaṃ āpannassa pana santike āvi kātuṃ na vaṭṭati. Sace āvi karoti, āpatti āvikatā hoti, dukkaṭā pana na muccati, tasmā suddhassa santike āvikatābbā. Āvikaronto ca “tuyhaṃ santike ekaṃ āpattiṃ āvikaromī”ti vā “ācikkhāmī”ti vā “ārocemī”ti vā “mama ekaṃ āpattiṃ āpannabhāvaṃ jānāhi”ti vā vadatu, “ekaṃ garukāpattiṃ āvikaromī”tiādīnā vā nayena vadatu, sabbehipi ākārehi appaṭicchannāva hotīti kurundiyaṃ vuttaṃ. Sace pana lahukāpattiṃ āvikaromītiādīnā nayena vadati, paṭicchannā hoti, vatthum āroceti, āpattiṃ āroceti, ubhayaṃ āroceti, tividenāpi ārocītāva hoti. Iti imāni dasa kāraṇāni upalakkhetvā paṭicchannaparivāsaṃ dentena paṭhamameva paṭicchannabhāvo jānitabbo.

Tato paṭicchannadivase ca āpattiyo ca sallakkhetvā sace ekāhapaṭicchannā hoti – “ahaṃ, bhante, ekaṃ āpattiṃ āpajjīṃ sañcetanikaṃ sukkavissatṭhiṃ ekāhapaṭicchanna”nti evaṃ yācāpetvā idha vuttanayeneva kammavācaṃ vatvā parivāso dātabbo. Atha dvīhatīhādīpaṭicchannā hoti, dvīhapaṭicchannaṃ tīhapaṭicchannaṃ catūhapaṭicchannaṃ pañcāhapaṭicchannaṃ chāhapaṭicchannaṃ sattāhapaṭicchannaṃ aṭṭhāhapaṭicchannaṃ navāhapaṭicchannaṃ dasāhapaṭicchannaṃ ekādasāhapaṭicchannaṃ dvādasāhapaṭicchannaṃ terasāhapaṭicchannaṃ cuddasāhapaṭicchannaṃti evaṃ yāva cuddasa divasāni divasavasena yojanā kātabbā. Pañcadasa divasāni paṭicchannāya pakkhapaṭicchannaṃti vatvā yojanā kātabbā. Tato yāva ekūnatimsatimo divaso, tāva atirekapakkhapaṭicchannaṃti.

Tato māsapaṭicchannaṃ atirekamāsapaṭicchannaṃ dvemāsapaṭicchannaṃ atirekadvemāsapaṭicchannaṃ temāsapaṭicchannaṃ atirekatemāsapaṭicchannaṃ catumāsapaṭicchannaṃ atirekacatumāsapaṭicchannaṃ pañcamāsapaṭicchannaṃ atirekapañcamāsapaṭicchannaṃ chamāsapaṭicchannaṃ atirekachamāsapaṭicchannaṃ sattamāsapaṭicchannaṃ atirekasattamāsapaṭicchannaṃ aṭṭhamāsapaṭicchannaṃ atirekaaṭṭhamāsapaṭicchannaṃ navamāsapaṭicchannaṃ atirekanavamāsapaṭicchannaṃ dasamāsapaṭicchannaṃ atirekadasamāsapaṭicchannaṃ ekādasamāsapaṭicchannaṃ atirekaekādasamāsapaṭicchannaṃti evaṃ yojanā kātabbā. Saṃvacchare paripuṇṇe ekasaṃvaccharapaṭicchannaṃti. Tato paraṃ atirekaekasaṃvacchara... dvesaṃvacchara... atirekadvesaṃvacchara... tisāṃvacchara... atiraketisaṃvacchara... catusaṃvacchara... atirekacatusaṃvacchara... pañcāsaṃvacchara... atirekapañcāsaṃvaccharapaṭicchannaṃti evaṃ yāva satṭhisāṃvacchara... atirekasatṭhisāṃvaccharapaṭicchannaṃti vā tato vā bhīyyopi vatvā yojanā kātabbā.

Sace pana dve tisso tatuttari vā āpattiyo honti, yathā idha ekaṃ āpattinti vuttaṃ; evaṃ dve āpattiyo tisso āpattiyoti vattabbaṃ. Tato paraṃ pana sataṃ vā hotu sahasaṃ vā, sambahulāti vattuṃ vaṭṭati. Nānāvattukāsopi “ahaṃ, bhante, sambahulā saṅghādisesā āpattiyo āpajjīṃ – ekaṃ sukkavissatṭhiṃ, ekaṃ kāyasamsaggaṃ, ekaṃ duṭṭhullavācaṃ, ekaṃ attakāmaṃ, ekaṃ sañcarittaṃ, ekāhapaṭicchannāyo”ti evaṃ gaṇanavasena vā “ahaṃ, bhante, sambahulā saṅghādisesā āpattiyo āpajjīṃ nānāvattukāyo ekāhapaṭicchannāyo”ti evaṃ vattukittanavasena vā, “ahaṃ, bhante, sambahulā saṅghādisesā āpattiyo āpajjīṃ ekāhapaṭicchannāyo”ti evaṃ nāmamattavasena vā yojanā kātabbā.

Tattha nāmaṃ duvidhaṃ – sajātisādhāraṇaṇca sabbasādhāraṇaṇca. Tattha saṅghādisesoti sajātisādhāraṇaṃ, āpattīti sabbasādhāraṇaṃ; tasmā “sambahulā āpattiyo āpajjīṃ ekāhapaṭicchannāyo”ti evaṃ sabbasādhāraṇanāmavasena pi vattuṃ vaṭṭati. Idañhi sabbampi parivāsādikaṃ vinayakammaṃ vattuvasena gottavasena nāmavasena āpattivasena ca kātuṃ vaṭṭatiyeva.

Tattha “sukkavissatṭhi”ti vatthu ceva gottaṇca. “Saṅghādiseso”ti nāmañceva āpatti ca. “Kāyasamsaggo”ti vatthu ceva gottaṇca. “Saṅghādiseso”ti nāmañceva āpatti ca, tattha “sukkavissatṭhiṃ kāyasamsagga”ntiādinā vacanenāpi “nānāvattukāyo”ti vacanenāpi vatthu ceva gottaṇca gahitaṃ hoti. “Saṅghādiseso”ti vacanenāpi “āpattiyo”ti vacanenāpi nāmañceva āpatti ca gahitā hoti. Idha pana ekaṃ āpattiṃ āpajjīṃ sañcetanikaṃ “sukkavissatṭhi”nti nāmampi vattugottāni pi gahitāneva. Yathā ca idha “ayaṃ udāyi bhikkhū”ti vuttaṃ; evaṃ yo yo āpanno hoti, tassa tassa nāmaṃ gahetvā “ayaṃ itthannāmo bhikkhū”ti kammavācā kātabbā.

Kammavācāpariyosāne ca tena bhikkhunā mālakasīmāyameva “parivāsaṃ samādiyāmi, vattaṃ samādiyāmi”ti vuttanayeneva vattaṃ samādātabbaṃ. Samādiyitvā tattheva saṅghassa ārocetabbaṃ, ārocentena ca evaṃ ārocetabbaṃ –

“Ahaṃ, bhante, ekaṃ āpattiṃ āpajjīṃ sañcetanikaṃ sukkavissatṭhiṃ ekāhapaṭicchannaṃ, sohaṃ saṅghaṃ ekissā āpattiyā sañcetanikāya sukkavissatṭhiyā ekāhapaṭicchannāya ekāhāparivāsaṃ yāciṃ, tassa me saṅgho ekissā āpattiyā sañcetanikāya sukkavissatṭhiyā ekāhapaṭicchannāya ekāhāparivāsaṃ adāsī, sohaṃ parivāsāmi – ‘vedayāmaṃ, bhante, vedayatī’ti maṃ saṅgho dhāretū”ti.

Imaṇca panatthaṃ gahetvā yāya kāyaci bhāsāya ārocetuṃ vaṭṭatiyeva. Ārocetvā sace nikkhipitukāmo, vuttanayeneva saṅghamajjhe nikkhipitabbaṃ. Mālakato bhikkhūsu nikkhantesu ekassāpi santike nikkhipitumu vaṭṭati. Mālakato nikkhamitvā satim paṭilabhanta saṃgacchantassa santike nikkhipitabbaṃ. Sace sopi pakkanto, aññassa yassa mālake nārocitaṃ, tassa ārocetvā nikkhipitabbaṃ. Ārocentena ca avasāne “vedayatīti maṃ āyasmā dhāretū”ti vattabbaṃ. Dvinnaṃ ārocentena “āyasmantā dhārentū”ti, tiṇṇaṃ ārocentena “āyasmanto dhārentū”ti vattabbaṃ. Nikkhittakālato paṭṭhāya pakatattatṭhāne tiṭṭhati.

Sace appabhikkhuko vihāro hoti, sabhāgā bhikkhū vasanti, vattaṃ anikkhipitvā vihāreyeva rattipariggaho kātabbo. Atha na sakkā sodhetuṃ, vuttanayeneva vattaṃ nikkhipitvā paccūsasamaye ekena bhikkhunā saddhiṃ mānattavaṇṇanāyaṃ vuttanayeneva upacārasīmaṃ atikkamitvā mahāmaggā okkamma paṭicchanne ṭhāne nisīditvā antoaruṇeyeva vuttanayeneva vattaṃ samādiyitvā tassa bhikkhuno parivāso ārocetabbo. Ārocentena sace navakataro hoti, “āvuso”ti vattabbaṃ. Sace vuḍḍhataro, “bhante”ti vattabbaṃ. Sace añño koci bhikkhu kenacideva karaṇiyena taṃ ṭhānaṃ āgacchati, sace esa taṃ passati, saddaṃ vāssa suṇāti, ārocetabbaṃ; anārocentassa ratticchedo ceva

vattabhedo ca. Atha dvādasahattham upacāram okkamitvā ajānantasseva gacchati, ratticchedoyeva hoti, vattabhedo pana natthi.

Uggate aruṇe vattaṃ nikkhipitabbaṃ. Sace so bhikkhu kenacideva karaṇīyena pakkanto hoti, yaṃ aññaṃ sabbapaṭhamaṃ passati, tassa ārocetvā nikkhipitabbaṃ. Sace pana kañci na passati, vihāraṃ gantvā attanā saddhiṃ gatabhikkhussa santike nikkhipitabbanti mahāsumatthero āha. Mahāpadumatthero pana “yaṃ paṭhamaṃ passati, tassa ārocetvā nikkhipitabbaṃ, ayaṃ nikkhattavattassa parihāro”ti āha.

Evam yattakāni divasāni āpatti paṭicchannā hoti, tattakāni tato adhikatarāni vā kukkucavinodanattāya parivasitvā saṅghaṃ upasaṅkamtivā vattaṃ samādiyivā mānattaṃ yācitabbaṃ. Ayañhi vatte samādinne eva mānattāraho hoti nikkhattavattena parivutthattā. Anikkhattavattassa pana puna samādānakiccaṃ natthi, so hi paṭicchannadivasātikkameneva mānattāraho hoti, tasmā tassa mānattaṃ dātabbameva. Idam paṭicchannamānattaṃ nāma. Tam dentena sace ekāpatti hoti, pāliyaṃ vuttanayeneva dātabbaṃ. Atha dve vā tisso vā “soham parivutthaparivāso saṅghaṃ dvinnaṃ āpattīnaṃ tissanam āpattīnaṃ ekāhapaṭicchannānaṃ chārattaṃ mānattaṃ yācāmī”ti parivāse vuttanayeneva āpattiyō ca divase ca sallakkhetvā yojanā kātabbā.

Appaṭicchannāpattim paṭicchannāpattiyā samodhānetvāpi dātum vaṭṭati. Kathaṃ? Paṭicchannāya ekāhaparivāsaṃ vasitvā –

“Ahaṃ, bhante, ekaṃ āpattim āpajjīm sañcetanikaṃ sukkavissaṭṭhiṃ ekāhapaṭicchannaṃ, soham saṅghaṃ ekissā āpattiyā sañcetanikāya sukkavissaṭṭhiyā ekāhapaṭicchannāya ekāhaparivāsaṃ yācīm, tassa me saṅgho ekissā āpattiyā sañcetanikāya sukkavissaṭṭhiyā ekāhapaṭicchannāya ekāhaparivāsaṃ adāsi, soham parivutthaparivāso. Ahaṃ, bhante, ekaṃ āpattim āpajjīm sañcetanikaṃ sukkavissaṭṭhiṃ appaṭicchannaṃ. Soham, bhante, saṅghaṃ tāsāṃ āpattīnaṃ sañcetanikānaṃ sukkavissaṭṭhīnaṃ paṭicchannāya ca appaṭicchannāya ca chārattaṃ mānattaṃ yācāmī”ti.

Athassa tadanurūpaṃ kammavācam katvā mānattaṃ dātabbaṃ. Sace paṭicchannā dve, appaṭicchannā ekā “paṭicchannānañca appaṭicchannāya cā”ti vattabbaṃ. Atha paṭicchannā ekā, appaṭicchannā dve, “paṭicchannāya ca appaṭicchannānañcā”ti vattabbaṃ. Sace paṭicchannāpi dve, appaṭicchannāpi dve, “paṭicchannānañca appaṭicchannānañcā”ti vattabbaṃ. Sabbattha anurūpaṃ kammavācam katvā mānattaṃ dātabbaṃ. Ciṅṅamānattassa ca tadanurūpameva kammavācam katvā abbhānaṃ kātabbaṃ. Idha pana ekāpattivasena vuttaṃ. Iti yaṃ paṭicchannāya āpattiyā parivāsāvasāne mānattaṃ diyyati, idam paṭicchannamānattaṃ nāma. Evamettha ekeneva yojanāmukhena paṭicchannaparivāso ca paṭicchannamānattañca vuttanti veditabbaṃ. Pakkhamānattaṃ samodhānamānattañca avasesaparivāsakathāvasāne kathayissāma.

Suddhantaparivāso samodhānaparivāsoti hi dve parivāsā avasesā. Tattha “**suddhantaparivāso**” nāma parato adhammikamānattacārāvasāne “tena kho pana samayena aññataro bhikkhu sambahulā saṅghādisesā āpattiyō āpanno hoti, āpattipariyaṃ na jānāti, rattipariyaṃ na jānāti”ti imasmim vatthusmim anuññātaparivāso. So duvidho – cūlasuddhanto, mahāsuddhantoti. Duvidhopi cesa rattiparicchedaṃ sakalaṃ vā ekaccaṃ vā ajānantassa ca assarantassa ca tattha vematikassa ca dātabbo. Āpattipariyaṃ pana ettakā ahaṃ āpattiyō āpannoti jānātu vā mā vā, akāraṇametam.

Tattha yo upasampadato paṭṭhāya anulomakkamena vā ārocitadivasato paṭṭhāya paṭilomakkamena vā “asukañca asukañca divasaṃ vā pakkhaṃ vā māsaṃ vā saṃvaccharaṃ vā tava suddhabhāvaṃ jānāsī”ti pucchiyamāno “āma, bhante, jānāmi, ettakaṃ nāma kālaṃ ahaṃ suddho”ti vadati, tassa dinno suddhantaparivāso “**cūlasuddhanto**”ti vuccati.

Tam gahetvā parivasantena yattakaṃ kālaṃ attano suddhiṃ jānāti, tattakaṃ apanetvā avasesam māsaṃ vā dvemāsaṃ vā parivasitabbaṃ. Sace māsamattaṃ asuddhomhīti sallakkhetvā aggahesi parivasanto ca puna aññaṃ māsaṃ saratī, tampi māsaṃ parivasitabbeva. Puna parivāsādānakiccaṃ natthi. Atha dvemāsaṃ asuddhomhīti sallakkhetvā aggahesi, parivasanto ca māsamattamevāhaṃ asuddhomhīti sannitṭhānaṃ karoti, māsameva parivasitabbaṃ. Puna parivāsādānakiccaṃ natthi. Ayañhi suddhantaparivāso nāma uddhampi ārohati, heṭṭhāpi orohati, idamassa lakkhaṇaṃ. Aññasmim pana āpattivutṭhāne idam lakkhaṇaṃ – yo appaṭicchannaṃ āpattim paṭicchannāti vinayakammaṃ karoti, tassa āpatti vutṭhāti. Yo paṭicchannaṃ appaṭicchannāti vinayakammaṃ karoti, tassa na vutṭhāti. Acirapaṭicchannaṃ cirapaṭicchannāti karontassāpi vutṭhāti. Cirapaṭicchannaṃ acirapaṭicchannāti karontassa na vutṭhāti. Ekaṃ āpattim āpajjitvā sambahulāti karontassāpi vutṭhāti, ekaṃ vinā sambahulānaṃ abhāvato. Sambahulā pana āpajjitvā ekaṃ āpajjinti karontassa na vutṭhāti.

Yo pana yathāvuttena anulomapaṭilomanayena pucchiyamānopi rattipariyaṃ na jānāti neva saratī vematiko vā hoti, tassa dinno suddhantaparivāso “**mahāsuddhanto**”ti vuccati. Tam gahetvā gahitadivasato paṭṭhāya yāva

upasampadadivaso, tāva rattiyo gaṇetvā parivasitabbaṃ. Ayaṃ uddhaṃ nārohati, heṭṭhā pana orohati. Tasmā sace parivasanto rattiparicchede sannitṭhānaṃ karoti, māso vā saṃvaccharo vā mayhaṃ āpannassāti māsaṃ vā saṃvaccharaṃ vā parivasitabbaṃ. Parivāsayaṇānānalakkhaṇaṃ panettha parato pāḷiyaṃ āgatanayeneva veditabbaṃ. Kammavācāpariyosāne vattasamādānamānattaabbhānāni vuttanayāneva. Ayaṃ suddhantaparivāso nāma.

“**Samodhānaparivāso**” nāma tividho hoti – odhānasamodhāno, agghasamodhāno, missakasamodhānoti. Tattha “**odhānasamodhāno**” nāma – antarāpattiṃ āpajjitvā paṭicchādentassa parivutthadivase odhunitvā makkhetvā purimāya āpattiyā mūladivasaparicchede pacchā āpannaṃ āpattiṃ samodahitvā dātabbaparivāso vuccati. So parato “tena hi bhikkhave saṅgho udāyima bhikkhuṃ antarā ekissā āpattiyā sañcetanikāya sukkavissatṭhiyā pañcāhapaṭicchannāya mūlāya paṭikassitvā purimāya āpattiyā samodhānaparivāsaṃ detū”ti ito paṭṭhāya vitthārato pāḷiyaṃyeva āgato.

Ayaṃ panettha vinicchayo – yo paṭicchannāya āpattiyā parivāsaṃ gahetvā parivasanto vā mānattāraho vā mānattaṃ caranto vā abbhānāraho vā aññaṃ āpattiṃ āpajjitvā purimāya āpattiyā samā vā ūnatarā vā rattiyo paṭicchādeti, tassa mūlāyapaṭikassanena te parivutthadivase ca mānattaciṇṇadivase ca sabbe odhunitvā adivase katvā pacchā āpannāpattiṃ mūlāpattiyaṃ samodhāya parivāso dātabbo. Tena sace mūlāpatti pakkhapaṭicchannā, antarāpatti ūnakapakkhapaṭicchannā, puna pakkhameva parivāso parivasitabbo. Athāpi antarāpatti pakkhapaṭicchannāva pakkhameva parivasitabbaṃ. Etenupāyena yāva saṭṭhivassapaṭicchannā mūlāpatti, tāva vinicchayo veditabbo. Saṭṭhivassāni parivasitvā mānattāraho hutvāpi hi ekadivasaṃ antarāpattiṃ paṭicchādetvā punapi saṭṭhivassāni parivāsāraho hoti.

Sace pana antarāpatti mūlāpattito atirekapaṭicchannā hoti, tattha “kiṃ kātappa”nti vutte mahāsumatthero āha – “atekiccho ayaṃ puggalo, atekiccho nāma āvikārapetvā vissajjetabbo”ti. Mahāpadumatthero panāha – “kasmā atekiccho nāma, nanu ayaṃ samuccayakkhandhako nāma buddhānaṃ ṭhitakālasadiso, āpatti nāma paṭicchannā vā hotu appaṭicchannā vā samakaūnataratirekapaṭicchannā vā vinayadharassa kammavācaṃ yojetuṃ samatthabhāvoyevettha pamāṇaṃ, tasmā yā atirekapaṭicchannā hoti, taṃ mūlāpattiṃ katvā tattha itaraṃ samodhāya parivāso dātabbo”ti. Ayaṃ “odhānasamodhāno” nāma.

“**Agghasamodhāno**” nāma sambahulāsu āpattisu yā ekā vā dve vā tisso vā sambahulā vā āpattiyo sabbacirapaṭicchannāyo, tāsāṃ agghena samodhāya tāsāṃ rattiparicchedavasena avasesānaṃ ūnatarapaṭicchannānaṃ āpattīnaṃ parivāso diyyati. Ayaṃ vuccati agghasamodhāno. Sopi parato “tena kho pana samayena aññataro bhikkhu sambahulā saṅghādisesā āpattiyo āpanno hoti, ekā āpatti ekāhapaṭicchannā ekā āpatti dvīhapaṭicchannā”tiadinā nayena pāḷiyaṃ āgatoyeva.

Yassa pana sataṃ āpattiyo dasāhapaṭicchannā, aparampi sataṃ āpattiyo dasāhapaṭicchannāti evaṃ dasakkhattuṃ katvā āpattisahassaṃ divasasatapaṭicchannaṃ hoti, tena kiṃ kātabbanti? Sabbaṃ samodahitvā dasa divase parivasitabbaṃ. Evaṃ ekeneva dasāhena divasasatampi parivasitameva hoti. Vuttampi cetam –

“Dasasataṃ rattisataṃ, āpattiyo chādayitvāna;
Dasa rattiyo vasitvāna, mucceyya pārivāsiko”ti. (pari. 477);

Ayaṃ agghasamodhāno nāma.

“**Missakasamodhāno**” nāma – yo nānāvattukā āpattiyo ekato katvā diyyati. Tatrāyaṃ nayo –

“Ahaṃ, bhante, sambahulā saṅghādisesā āpattiyo āpajjimaṃ ekamaṃ sukkavissatṭhiṃ, ekamaṃ kāyasamsaggaṃ, ekamaṃ duṭṭhullavācaṃ, ekamaṃ attakāmaṃ, ekamaṃ sañcarittaṃ, ekamaṃ kuṭikāraṃ, ekamaṃ vihārakāraṃ, ekamaṃ duṭṭhadosaṃ, ekamaṃ aññabhāgiyaṃ, ekamaṃ saṅghabhedaṃ, ekamaṃ bhedānuvattakaṃ, ekamaṃ dubbacaṃ, ekamaṃ kuladūsakaṃ, sohaṃ, bhante, saṅghaṃ tāsāṃ āpattīnaṃ samodhānaparivāsaṃ yācāmi”ti –

Tikkhattuṃ yācāpetvā tadanurūpāya kammavācāya parivāso dātabbo.

Ettha ca saṅghādisesā āpattiyo āpajjimaṃ nānāvattukāyotipi saṅghādisesā āpattiyo āpajjintipi evaṃ pubbe vuttanayena vatthuvasenapi gottavasenapi nāmavasenapi āpattivasenapi yojetvā kammavācaṃ kātuṃ vaṭṭatiyevāti ayaṃ missakasamodhāno. Sabbaparivāsakammavācāvasāne pana nikkhittānikkhittavattādīkathā purimanayeneva veditabbāti.

Parivāsakathā niṭṭhitā.

Idāni yaṃ vuttaṃ “pakkhamānattañca samodhānamānattañca avasesaparivāsakathāvasāne kathayissāma”ti,

tassokāso sampatto, tasmā vuccati – “**pakkhamānatta**”nti bhikkhuniyā dātabbamānattaṃ. Taṃ pana paṭicchannāyapi appaṭicchannāyapi āpattiyā aḍḍhamāsameva dātabbaṃ. Vuttañhettaṃ – “garudhammaṃ ajjhāpannāya bhikkhuniyā ubhatośaṅhe pakkhamānattaṃ caritabba”nti (cūḷava. 403). Taṃ pana bhikkhunīhi attano sīmaṃ sodhetvā vihārasīmāya vā vihārasīmaṃ sodhetuṃ asakkontīhi khaṇḍasīmāya vā sabbantimena paricchadena catuvaggagaṇaṃ sannipāṭāpetvā dātabbaṃ. Sace ekā āpatti hoti ekissā vasena, sace dve vā tisso vā sambahulā vā ekavattukā vā nānāvattukā vā tāsāṃ tāsāṃ vasena vatthugottanāmaāpattisu yaṃ yaṃ icchati taṃ taṃ ādāya yojanā kātabbā.

Tatridaṃ ekāpattivāsena mukhamattadassanaṃ, tāya āpannāya bhikkhuniyā bhikkhunisaṅghaṃ upasaṅkamitvā ekaṃsaṃ uttarāsāṅgaṃ karitvā vuḍḍhānaṃ bhikkhunīnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, ayye, ekaṃ āpattiṃ āpajjiṃ gāmantaraṃ, sāhaṃ, ayye, ekissā āpattiyā gāmantarāya pakkhamānattaṃ yācāmi”’ti.

Evam tikkhattuṃ yācāpetvā byattāya bhikkhuniyā paṭibalāya saṅgho ñāpetabbo –

“Suṇātu me ayye saṅgho, ayaṃ itthannāmā bhikkhunī ekaṃ āpattiṃ āpajji gāmantaraṃ, sā saṅghaṃ ekissā āpattiyā gāmantarāya pakkhamānattaṃ yācati, yadi saṅghassa pattakallaṃ, saṅgho itthannāmāya bhikkhuniyā ekissā āpattiyā gāmantarāya pakkhamānattaṃ dadeyya, esā ñatti.

“Suṇātu me ayye saṅgho, ayaṃ...pe... dutiyampi... tatiyampi etamatthaṃ vadāmi. Suṇātu me ayye saṅgho...pe... deti... dinnāṃ saṅghena itthannāmāya bhikkhuniyā ekissā āpattiyā gāmantarāya pakkhamānattaṃ, khamatī saṅghassa, tasmā tuṅhī; evametaṃ dhārayāmi”’ti.

Kammavācāpariyosāne vattaṃ samādiyitvā bhikkhumānattakathāya vuttanayeneva saṅghassa ārocetvā nikkhattavattaṃ vasitukāmāya tattheva saṅghamajjhe vā pakkantāsu bhikkhunīsu ekabhikkhuniyā vā dutiyikāya vā santike vuttanayeneva nikkhipitabbaṃ. Aññissā pana āgantukāya santike ārocetvā nikkhipitabbaṃ. Nikkhattakālo paṭṭhāya pakatattāṭṭhāne tiṭṭhati. Puna samādiyitvā aruṇaṃ utṭhāpentiyā pana bhikkhunīnaṃyeva santike vasituṃ na labhati. “Ubhatośaṅhe pakkhamānattaṃ caritabba”nti hi vuttaṃ. Tasmā assā ācariyupajjhāyāhi vihāraṃ gantvā saṅgāhakapakke ṭhito eko mahāthero vā dhammakathiko vā bhikkhu vattabbo – “ekissā bhikkhuniyā vinayakammaṃ kattabbamatthi, tatra no ayyā, cattāro bhikkhū pesethā”’ti. Saṅghaṃ akātuṃ na labbhati, pesessāmīti vattabbaṃ. Catūhi pakatattabhikkhunīhi mānattacārinīṃ bhikkhunīṃ gahetvā antoaruṇeyeva nikkhamitvā gāmūpacārato dve leḍḍupāte atikkamitvā maggā okkamma gumbavatiādīhi paṭicchannaṭṭhāne nisīditabbaṃ. Vihārūpacārato dve leḍḍupāte atikkamitvā catūhi pakatattabhikkhūhipi tattha gantabbaṃ. Gantvā pana bhikkhunīhi saddhiṃ na ekaṭṭhāne nisīditabbaṃ, paṭikkamitvā avidūraṭṭhāne nisīditabbaṃ. Kurundimahaṃpacārīsu pana “bhikkhunīhipi byattaṃ ekaṃ vā dve vā upāsikāyo bhikkhūhipi ekaṃ vā dve vā upāsake attarakkhaṇṭṭhāya gahetvā gantabba”nti vuttaṃ. Kurundiyaṃyeva ca bhikkhunupassayassa ca vihārassa ca upacāraṃ muñcituṃ vaṭṭati”’ti vuttaṃ, gāmassāti na vuttaṃ.

Evam nisinnesu pana bhikkhūsu ca bhikkhunīsu ca tāya bhikkhuniyā “mānattaṃ samādiyāmi, vattaṃ samādiyāmi”’ti vattaṃ samādiyitvā bhikkhunīsaṅghassa tāva evaṃ ārocetabbaṃ –

“Ahaṃ, ayye, ekaṃ āpattiṃ āpajjiṃ gāmantaraṃ, sāhaṃ saṅghaṃ ekissā āpattiyā gāmantarāya pakkhamānattaṃ yāciṃ, tassa me saṅgho ekissā āpattiyā gāmantarāya pakkhamānattaṃ adāsi, sāhaṃ pakkhamānattaṃ carāmi, ‘vedayāmaṃ, ayye, vedayati’’ti maṃ saṅgho dhāretū”’ti.

Tato bhikkhusaṅghassa santikaṃ gantvā evaṃ ārocetabbaṃ – “ahaṃ, ayyā, ekaṃ āpattiṃ āpajjiṃ ...pe... vedayāmaṃ, ayyā, vedayati”’ti maṃ saṅgho dhāretū”’ti. Idhāpi yāya kāyaci bhāsāya ārocetuṃ vaṭṭati.

Ārocetvā ca bhikkhunisaṅghasseva santike nisīditabbaṃ, ārocitakālo paṭṭhāya bhikkhūnaṃ gantuṃ vaṭṭati. Sace sāsāṅkaṃ hoti, bhikkhuniyo tattheva ṭhānaṃ paccāsīsanti, ṭhātābbaṃ. Sace añño bhikkhu vā bhikkhunī vā taṃ ṭhānaṃ eti, passantiyā ārocetabbaṃ. No ce āroceti, ratticchedo ceva vattabhedadukkaṭaṇca. Sace ajānantiyā eva upacāraṃ okkamitvā gacchati, ratticchedova hoti, na vattabhedadukkaṭaṃ. Sace bhikkhuniyo upajjhāyādīnaṃ vattakaraṇatthaṃ pageva gantukāmā honti, rattivippavāsagaṇaohīyanagāmantarāpattirakkhaṇatthaṃ ekaṃ bhikkhunīṃ ṭhapetvā gantabbaṃ. Tāya aruṇe utṭhite tassā santike vattaṃ nikkhipitabbaṃ. Etenupāyena akhaṇḍā pañcadasa rattīyo mānattaṃ caritabbaṃ.

Anikkhattavattāya pana pārivāsikakkhandhake vuttanayeneva sammā vattitabbaṃ. Ayaṃ pana viseso – “āgantukassa ārocetabba”’nti ettha yattakā purebhattaṃ vā pacchābhattaṃ vā taṃ gāmaṃ bhikkhū vā bhikkhuniyo vā āgacchanti, sabbesaṃ ārocetabbaṃ. Anārocentiyā ratticchedo ca vattabhedadukkaṭaṇca. Sacepi rattīṃ koci bhikkhu taṃ gāmūpacāraṃ okkamitvā gacchati, ratticchedo hotiyeva, ajānanapaccayā pana vattabhedato muccati. Kurundiādīsu pana anikkhattavattabhikkhūnaṃ vuttanayeneva kathetabbanti vuttaṃ. Taṃ pārivāsikavattādīnaṃ upacārasīmāya

paricchinnattā yuttataraṃ dissatī. Uposathe ārocetabbaṃ, pavāraṇāya ārocetabbaṃ, catunnaṃ bhikkhūnaṃca bhikkhūnaṃca devasikaṃ ārocetabbaṃ. Sace bhikkhūnaṃ tasmaṃ gāme bhikkhācāro sampajjati, tattheva gantabbaṃ. No ce sampajjati, aññatra caritvāpi tatra āgantvā attānaṃ dassetvā gantabbaṃ. Bahigāme vā saṅketaṭṭhānaṃ kātabbaṃ – “asukasmimṃ nāma ṭhāne amhe passissasī”ti. Tāya saṅketaṭṭhānaṃ gantvā ārocetabbaṃ. Saṅketaṭṭhāne adisvā vihāraṃ gantvā ārocetabbaṃ. Vihāre sabbabhikkhūnaṃ ārocetabbaṃ. Sace sabbesaṃ sakkā na hoti ārocetum, bahiupacārasīmāya ṭhatvā bhikkhuniyo pesetabbā. Tāhi aññānaṃ catunnaṃ bhikkhūnaṃ ārocetabbaṃ. Sace vihāro dūro hoti sāsanko, upāsake ca upāsikāyo ca gahetvā gantabbaṃ. Sace pana ayaṃ ekā vasati, rattivipavāsaṃ āpajjati, tasmāssā ekā pakatattā bhikkhunī sammannitvā dātābbā ekacchāne vasanattāya.

Evaṃ akhaṇḍaṃ mānattaṃ caritvā vīsatiḡaṇe bhikkhunisaṅghe vuttanayeneva abbhānaṃ kātabbaṃ. Sace mānattaṃ caramānā antarāpattiṃ āpajjati, mūlāya paṭikassitvā tassā āpattiyā mānattaṃ dātābbanti kurundiyāṃ vuttaṃ. Idaṃ “pakkhamānattaṃ” nāma.

“**Samodhānamānattaṃ**” pana tividdhaṃ hoti – odhānasamodhānaṃ, agghasamodhānaṃ, missakasamodhānanti. Tattha yadetaṃ parato udāyittherassa pañcāhapaṭicchannāya āpattiyā parivāsaṃ parivasantassa parivāse ca mānattārahattāhāne ca antarāpattiṃ āpajjitvā mūlāyapaṭikassitassa “tena hi, bhikkhave, saṅgho udāyissa bhikkhuno tissannaṃ āpattinaṃ chārattaṃ mānattaṃ detū”ti mānattaṃ anuññātaṃ, idaṃ “**odhānasamodhānaṃ**” nāma. Idañhi punappunaṃ mūlāyapaṭikassanena parivutthadivase odhunitvā purimāpattīhi saddhiṃ samodhāya dinnāṃ, tasmā odhānasamodhānanti vuccatī. Kurundiyāṃ pana “samodhānaparivāsaṃ vutthassa dātābbā mānattaṃ samodhānamānatta”nti vuttaṃ. Tampi tena pariyāyena yujjati.

Agghasamodhānaṃ pana **missakasamodhānaṃca** agghasamodhānamissakasamodhānaparivāsāvasāne dātābbamānattameva vuccatī, taṃ parivāsakammavācānūsāreṇa yojetvā dātābbā. Ettāvataṃ yaṃ vuttaṃ “tena hi, bhikkhave, saṅgho udāyissa bhikkhuno ekissā āpattiyā sañcetanikāya sukkavissatṭhiyā ekāhapaṭicchannāya ekāhāparivāsaṃ detūtiādinaṃ nayena pāliyaṃ anekehi ākārehi parivāso ca mānattāṃca vuttaṃ, tassa yasmā āgatāgatāṭṭhāne vinicchayo vuccamāno pāli viya ativutthāraṃ āpajjati, na ca sakkā hoti sukhena pariggahetum, tasmā naṃ samodhānetvā idheva dassessāmā”ti, tadidaṃ atthato sampāditaṃ hoti.

Paṭicchannaparivāsakathā

102. Idāni yā tāva ayaṃ paṭicchannāya ekissā āpattiyā vasena pāli vuttā, sā uttānattāva.

108. Tato paraṃ dvīṭatīhacatūhapañcāhapaṭicchannānaṃ vasena pāliyaṃ vatvā pañcāhapaṭicchannāya parivāsato paṭṭhāya antarāpattiṃ dassitā. Yasmā pana taṃ āpattiṃ āpanno mūlāyapaṭikassanāraho nāma hoti, tasmāssā tattha mūlāyapaṭikassanaṃ anuññātaṃ. Sace pana nikkhittavatto āpajjati, mūlāyapaṭikassanāraho na hoti. Kasmā? Yasmā na so parivasanto āpanno, pakatattāṭṭhāne ṭhito āpanno, tasmā tassā āpattiyā visuṃ mānattaṃ caritabbaṃ. Sace paṭicchannā hoti parivāsopi vasitabbo. Yañcetaṃ mūlāyapaṭikassanaṃ vuttaṃ, tasmimpi kate parivutthadivasā makkhitā honti. Iti parivāse antarāpattiṃ dassetvā puna mānattārahassa antarāpattiṃ dassetvā mūlāyapaṭikassanaṃ vuttaṃ, tasmimpi kate parivutthadivasā makkhitāva honti. Tato parivutthaparivāsassa tāsāṃ tissannampi āpattinaṃ samodhānamānattaṃ dassitaṃ. Tato mānattacārikassa antarāpattiṃ dassetvā mūlāyapaṭikassanaṃ vuttaṃ. Tasmaṃ pana paṭikassane kate mānattaciṇṇadivasāpi parivutthadivasāpi makkhitāva honti. Tato abbhānārahassa antarāpattiṃ dassetvā mūlāyapaṭikassanaṃ vuttaṃ. Tasmimpi kate sabbe te makkhitāva honti. Tato paraṃ sabbā antarāpattiyō yojetvā abbhānakammaṃ dassitaṃ. Evaṃ paṭicchannavāre ekāhapaṭicchannādivasena pañca, antarāpattivasena catassoti nava kammavācā dassitā honti.

Paṭicchannaparivāsakathā niṭṭhitā.

Samodhānaparivāsakathā

125. Tato paraṃ pakkhapaṭicchannāya āpattiyā antoparivāsato paṭṭhāya pañcāhapaṭicchannāya antarāpattiyā vasena samodhānaparivāso ca, samodhānamānattāṃca dassitaṃ. Ettha ca mānattacārikamānattārahakālepi āpannāya āpattiyā mūlāyapaṭikassane kate mānattaciṇṇadivasāpi parivāsaparivutthadivasāpi sabbe makkhitāva honti. Kasmā? Yasmā paṭicchannā antarāpatti. Teneva vuttaṃ – “mūlāya paṭikassitvā purimāya āpattiyā samodhānaparivāsaṃ datvā chārattaṃ mānattaṃ detū”ti. Tato paraṃ sabbā antarāpattiyō yojetvā abbhānakammaṃ dassetvā sukkavissatṭhivatthu niṭṭhāpitaṃ.

Samodhānaparivāsakathā niṭṭhitā.

Sukkavissatṭhikathā ca niṭṭhitā.

Agghasamodhānaparivāsakathā

134. Tato ekāpattimūlakañca āpattivaḍḍhanakañcāti dve naye dassetvā agghasamodhānaparivāso dassito.

Tato sañcicca anārocitāpattivatthum dassetvā sañcicca ajānanaassaraṇavematikabhāvehi anārocitāya āpattiyā pacchā lajjidhamme vā nīṇasaraṇanibbematikabhāvesu vā uppannesu yaṃ kātappaṃ, taṃ dassetuṃ “idha pana bhikkhave”tiādinaṃ nayena pāḷi ṭhapitā. Tato ajānanaassaraṇavematikapaṭicchannānaṃ appaṭicchannabhāvaṃ dassetuṃ tatheva pāḷi ṭhapitā.

Agghasamodhānaparivāsakathā niṭṭhitā.

Dvemāsaparivāsakathā

138. Tato dvinnaṃ āpattinaṃ dvemāsaṭicchannānaṃ ekamāsaparivāsayaṇavattum dassetvā asañcicca ajānanaassaraṇavematikabhāvehi anārocite itarasmim māse pacchā lajjidhammādisu uppannesu yaṃ kātappaṃ, taṃ dassetuṃ ajānanaassaraṇavematikapaṭicchannassa ca āpannabhāvaṃ dassetuṃ purimanayeneva pāḷi ṭhapitā.

Dvemāsaparivāsakathā niṭṭhitā.

Suddhantaparivāsādikathā

156. Tato “āpattipariyantam na jānāti, rattipariyantam na jānāti”tiādinaṃ nayena suddhantaparivāso dassito.

160. Tato param pārivāsikaṃ ādim katvā vibbhamitvā punaupasampannādīsu paṭipattidassanatham pāḷi ṭhapitā.

165. Tattha “**antarā sambahulā āpattiyō āpajjati parimāṇā appaṭicchannāyo**”tiādīsu āpattiparicchavedasena parimāṇāyo ceva appaṭicchannāyo cāti attho.

166. **Pacchimasim āpattikkhandheti** ekova so āpattikkhandho, pacchā chādītattā pana “pacchimasim āpattikkhandhe”ti vuttaṃ. **Purimasinti** etthāpi eseva nayo.

180. **Vavatthitā sambhinnāti** sabhāgavisabhāgānamevetam pariyaṇavacanaṃ.

Suddhantaparivāsādikathā niṭṭhitā.

Dvebhikkhuvāraekādasakādikathā

181. Tato param yo paṭicchādeti, tasmim paṭipattidassanatham “**dve bhikkhū**”tiādi vuttaṃ. Tattha **missakanti** thullaccayādihi missakaṃ. **Suddhakanti** saṅghādisesaṃ vinā lahukāpattikkhandhameva.

184. Tato param avisuddhavisuddhabhāvadassanatham “**idha pana, bhikkhave, bhikkhu sambahulā saṅghādisesā**”tiādi vuttaṃ. Tattha byañjanato vā adhippāyato vā anuttānaṃ nāma kiñci natthi, tasmā tañca ito pubbe avuttañca sabbaṃ pāḷianusārenea vedītabbanti.

Dvebhikkhuvāraekādasakādikathā niṭṭhitā.

Samuccayakkhandhakavaṇṇanā niṭṭhitā.

4. Samathakkhandhakam

Sammukhāvinayakathā

186-187. Samathakkhandhake – “adhammavādī puggalo”tiādīni cha mātīkāpadāni nikkhipitvā “adhammavādī puggalo dhammavādīnaṃ puggalaṃ saññāpeti”tiādinaṃ nayena vitthāro vutto. Tattha **saññāpeti**ti kāraṇapatirūpakāni vatvā paritosevā jānāpeti. **Nijjhāpeti**ti yathā so taṃ attham nijjhāyati, oloketi; evaṃ karoti. **Pekkhati anupekkhatī**ti yathā so taṃ attham pekkhati ceva punappunañca pekkhati; evaṃ karoti. **Dasseti anudasseti**ti tesaññeva pariyaṇavacanaṃ. **Adhammena vūpasammatī**ti yasmā so adhammeva “ayaṃ dhammo”tiādinaṃ nayena mohetvā dasseti, tasmā

adhammena vūpasammati nāma.

188. Dhammena vūpasammatīti yasmā dhammavādī dhammameva “ayaṃ dhammo”tiādinā nayena amohetvā dasseti, tasmā dhammena vūpasammati nāma.

Sammukhāvinayakathā niṭṭhitā.

Sativinayakathā

195. Pañcimāni bhikkhave dhammikāni sativinayassa dānānīti ettha suddhassa anāpattikassa dānaṃ ekaṃ, anuvaditassa dānaṃ ekaṃ, yācītassa dānaṃ ekaṃ, saṅghena dānaṃ ekaṃ, dhammena samaggadānaṃ ekantī evaṃ pañca. Etāni pana ekekaṅgavasena na labbhanti, tasmā desanāmettamevettaṃ, pañcaṅgasamannāgataṃ pana sativinayadānaṃ dhammikanti ayamettha attho. Tattha ca **anuvadantīti** codenti. Sesam uttānameva. Ayaṃ pana sativinayo khīṇāsavasseva dātabbo na aññassa, antamaso anāgāminopi. So ca kho aññena codiyamānasseva, na acodiyamānassa. Dinne ca pana tasmim codakassa kathā na ruhati. Codentopi “ayaṃ khīṇāsavo sativinayaladdho, ko tuyhaṃ kathaṃ gahessatī”ti apasādetabbataṃ āpajjati.

Sativinayakathā niṭṭhitā.

Amūḷhavinayakathā

196. Bhāsita-parikkantanti vācāya bhāsitaṃ kāyena parikkantaṃ; parikkamitvā katanti attho. **Saratāyasmā evarūpiṃ āpattim āpajjīti** ettha saratu āyasmā evarūpiṃ āpattim āpajjīti; āyasmā evarūpiyā āpattiyāti ayamattho. Āpajjīti vā pāṭho, tassattho – paṭhamaṃ āpajjītvā pacchā taṃ āpattim saratu āyasmāti.

Amūḷhavinayakathā niṭṭhitā.

Yebhuyyasikākathā

202. Yebhuyyasikāya vūpasametunti ettha yassā kiriyāya dhammavādino bahutarā, eṣā yebhuyyasikā nāma.

204. Adhammikasalākaggāhesu **oramattakanti** parittaṃ appamattakaṃ bhaṇḍanamattameva. **Na ca gatigatanti** dve tayo āvāse na gataṃ, tattha tattheva vā dvattikkhattuṃ avinicchitaṃ. **Na ca saritasāritanti** dvattikkhattuṃ tehi bhikkhūhi sayam saritaṃ vā aññehi sāritaṃ vā na hoti. **Jānātīti** salākaṃ gāhento jānāti “adhammavādī bahutarā”ti. **Appeva nāmāti** iminā nīhārena salākāya gāhiyamānāya “apī nāma adhammavādino bahutarā assū”ti ayamassa ajjhāsayo hoti. Aparesupi dvisu e seva nayo.

Adhammena gaṇhantīti adhammavādino “evaṃ mayaṃ bahū bhavissāmā”ti dve dve salākāyo gaṇhanti. **Vaggā gaṇhantīti** dve dhammavādino ekaṃ dhammavādisalākaṃ gaṇhanti “evaṃ dhammavādino na bahū bhavissantī”ti maññamānā. **Na ca yathādiṭṭhiyā gaṇhantīti** dhammavādino hutvā “balavapakkaṃ bhajissāmā”ti adhammavādisalākaṃ gaṇhanti. Dhammikasalākaggāhesu ayamevattho parivattetvā vedītabbo. Evaṃ salākaṃ gāhetvā sace bahutarā dhammavādino honti; yathā te vadanti, evaṃ taṃ adhikaraṇaṃ vūpasametabbaṃ, evaṃ yebhuyyasikāya vūpasantaṃ hoti. Ayamettha saṅkhepo. Vitthāro pana paratopi āgamissati.

Yebhuyyasikākathā niṭṭhitā.

Tassapāpiyasikākathā

207. Asucīti asucīhi kāyavacīkammehi samannāgato. **Alajjīti** sañcicca āpajjanādinā alajjilakkhaṇena samannāgato. **Sānuvādoti** saupavādo. Iti imesaṅca tiṇṇaṃ aṅgānaṃ vasena tīṇi karaṇāni, saṅghena karaṇaṃ, dhammena samaggena karaṇanti imāni ca dveti pañca tassapāpiyasikākammaṃ karaṇāni nāma honti. Sesamettha tajjanīyādīsu vuttanayameva. Ayaṃ panettha vacanatto – idaṅhi yo pāpussannatāya pāpiyo puggalo, tassa kattabbato “tassapāpiyasikākamma”nti vuccati.

Tassapāpiyasikākathā niṭṭhitā.

Tiṇavatthārakādīkathā

212. Kakkhaḷattāya vāḷattāyāti kakkhaḷabhāvāya ceva vāḷabhāvāya ca. **Bhedāyāti** saṅghabhedāya. **Sabbeveva ekajjhanti** kassaci chandaṃ anāharitvā gilānēpi tattheva ānetvā ekato sannipatitabbaṃ. **Tiṇavattthārakena vūpasameyyāti** ettha idaṃ kammaṃ tiṇavattthārakasadisattā “tiṇavattthāraako”ti vuttaṃ. Yathā hi gūthaṃ vā muttaṃ vā ghaṭṭiyamānaṃ duggandhatāya bādhati, tiṇehi avattharivā suppaṭicchādītassa panassa so gandho na bādhati; evameva yaṃ adhikaraṇaṃ mūlānumūlaṃ gantvā vūpasamiyamānaṃ kakkhaḷattāya vāḷattāya bhedāya saṃvattati, taṃ iminā kammaṃ vūpasantaṃ gūthaṃ vīya tiṇavattthārakena paṭicchannaṃ suvūpasantaṃ hotīti idaṃ kammaṃ tiṇavattthārakasadisattā “tiṇavattthāraako”ti vuttaṃ.

213. Thullavajjanti pārājikañceva saṅghādisesañca. **Ghipaṭisaṃyuttanti** gihīnaṃ hīnena khumsanavambhanadhammikapaṭissavesu āpannaṃ āpattiṃ.

214. Evañca pana bhikkhave te bhikkhū tāhi āpattihi vuṭṭhitā hontīti evaṃ tiṇavattthārakekammavācāya katāya kammavācāpariyosāne yattakā tattha sannipatitā antamaso suttāpi samāpannāpi aññavihiṭāpi sabbe te bhikkhū yāva upasampadamaṅḍalato paṭṭhāya thullavajjañca ghipaṭisaṃyuttañca ṭhapetvā avasesā āpattiyo āpannā, sabbāhi tāhi āpattihi vuṭṭhitā hontīti. Ye pana “na metaṃ khamatī”ti aññamaññaṃ diṭṭhāvikkammaṃ karontī, tehi vā saddhiṃ āpattiṃ āpajjitvāpi tattha anāgatā, āgantvā vā chandaṃ datvā pariveṇādīsu nisinnā, te āpattihi na vuṭṭhahanti. Tena vuttaṃ – “ṭhapetvā diṭṭhāvikkammaṃ ṭhapetvā ye na tattha hontī”ti.

Tiṇavattthārakādīkathā niṭṭhitā.

Adhikaraṇakathā

215. Bhikkhunīnaṃ anupakhajjāti bhikkhunīnaṃ anto pavisitvā. Vivādādhikaraṇādīnaṃ vacanatto duṭṭhadosaṅgaṇāyāyaṃ vuttoyeva. **Vipaccatāya vohāroti** cittadukkhatthaṃ vohāro; pharusavacananti attho. **Yo tattha anuvādoti** yo tesu anuvadantesu upavādo. **Anuvadanti** ākāraṇidassanametaṃ; upavadanti attho. **Anullapanā anubhaṇanti** ubhayaṃ anuvadanevacanamattameva. **Anusampavaṅkatāti** punappunaṃ kāyacittavācāhi tattheva sampavaṅkatā; anuvadanaḥvoti attho. **Abbhussahanatāti** “kasmā evaṃ na upavadissāmi, upavadissāmiyevā”ti ussāhaṃ katvā anuvadanaṃ. **Anubalappadānanti** purimavacanassa kāraṇaṃ dassetvā pacchimavacanena balappadānaṃ.

Kiccayatā karaṇīyatāti ettha kiccameva kiccayaṃ, kiccayassa bhāvo kiccayatā, karaṇīyassa bhāvo karaṇīyatā; ubhayampetaṃ saṅghakammasseva adhivacanaṃ. **Apalokanakammanti**ādi pana tasseva pabhedavacanaṃ. Tattha **apalokanakammaṃ** nāma sīmaṭṭhakasaṅghaṃ sodhetvā chandārahānaṃ chandaṃ āharitvā samaggassa saṅghassa anumatiyā tikkhattuṃ sāvetvā kattabbakammaṃ. **Ñattikammaṃ** nāma vuttanayeneva samaggassa saṅghassa anumatiyā ekāya ñattiyā kattabbakammaṃ. **Ñattidutiyaṃ** nāma vuttanayeneva samaggassa saṅghassa anumatiyā ekāya ñattiyā ekāya ca anussāvanāyāti evaṃ ñattidutiyaṃ anussāvanāya kattabbakammaṃ. **Ñatticatutthakammaṃ** nāma vuttanayeneva samaggassa saṅghassa anumatiyā ekāya ñattiyā tīhi ca anussāvanāhīti evaṃ ñatticatutthāhi tīhi anussāvanāhi kattabbakammaṃ.

Tattha apalokanakammaṃ apaloketvāya kātabbaṃ, ñattikammādivasena na kātabbaṃ. Ñattikammampi ekaṃ ñattiṃ ṭhapetvāya kātabbaṃ, apalokanakammādivasena na kātabbaṃ. Ñattidutiyaṃ pana apaloketvā kattabbampi atthi, akattabbampi atthi. Tattha sīmāsammutī sīmāsamūhananaṃ kathinadānaṃ kathinubbhāro kuṭivattthudesanā vihāravattthudesanāti imāni cha kammāni garukāni, apaloketvā kātuṃ na vaṭṭanti. Ñattidutiyaṃ kammavācāya sāvetvāya kātabbāni. Avasesā terasa sammutiyo senāsanaṅgāhakamatacakāvaradānādisammutiyo cāti evarūpāni lahukakammāni apaloketvāpi kātuṃ vaṭṭanti. Ñattikammañatticatutthakammavasena pana na kātabbameva. Ñatticatutthakammaṃ ñattiñca tisso ca kammavācāyo sāvetvāya kātabbaṃ, apalokanakammādivasena na kātabbanti ayamettha saṅkhepo.

Vitthārato pana imāni cattāri kammāni “katihākārehi vipajjanti”tiādīnaṃ nayena parivārāvasāne kammavagge etesaṃ vinicchayo āgatoyeva. Yaṃ pana tattha anuttānaṃ, taṃ kammavaggeyeva vaṇṇayissāma. Evañhi sati na aṭṭhāne vaṇṇanā bhavissati, ādito paṭṭhāya ca tassa tassa kammaṃ viññātattā suviññeyyo bhavissati.

216. Vivādādhikaraṇassa kiṃ mūlantiādīni pālīvaseneva vedītabbāni.

220. “Vivādādhikaraṇaṃ siyā kusala”ntiādīsu yena vivadanti, so cittuppādo vivādo, samatthehi ca adhikaraṇīyatāya adhikaraṇanti evamādinā nayena attho daṭṭhabbo.

222. Āpattādhikaraṇaṃ siyā akusalaṃ siyā abyākataṃ, natthi āpattādhikaraṇaṃ kusalaṃ ettha sandhāya bhāsītasena attho vedītabbo. Yasmiñhi pathavīkhaṇanādīke āpattādhikaraṇe kusalacittaṃ aṅgaṃ hoti, tasmīṃ sati na sakkā vattuṃ “natthi āpattādhikaraṇaṃ kusala”nti, tasmā nayidaṃ aṅgapahonakacittaṃ sandhāya vuttaṃ. Idaṃ pana

sandhāya vuttaṃ. Yaṃ tāva āpattādhikaraṇaṃ lokavajjaṃ, taṃ ekantato akusalameva, tattha “siyā akusala”nti vikappo natthi. Yaṃ pana paṇṇattivajjaṃ, taṃ yasmā sañcicca “imaṃ āpattiṃ vītikkamāmi”ti vītikkamantasseva akusalaṃ hoti, asañcicca pana kiñci ajānantassa sahaseyyādivasena āpajjato abyākataṃ hoti, tasmā tattha sañciccasañciccavasena imaṃ vikappabhāvaṃ sandhāya idaṃ vuttaṃ – “āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusala”nti.

Sace pana “yaṃ kusalacitto āpajjati, idaṃ vuccati āpattādhikaraṇaṃ kusala”nti vadeyya, acittakānaṃ pana eḷakalomapadasodhammādisamuṭṭhānānampi kusalacittaṃ āpajjeyya, na ca tattha vijjānānampi kusalacittaṃ āpattiyā aṅgaṃ. Kāyavacīviññattivasena pana calitappavattānaṃ kāyavācānaṃ aññatameva aṅgaṃ, tañca rūpakkhandhapariyāpannattā abyākatanti.

Yaṃ jānantotiādimhi pana ayamatto – yaṃ cittaṃ āpattiyā aṅgaṃ hoti, tena vatthum jānanto “idaṃ vītikkamāmi”ti ca vītikkamākārena saddhiṃ jānanto sañjānanto vītikkamacetanāvasena cetetvā pakappetvā upakkamavasena maddanto abhivitaritvā nirāsaṅkacittaṃ pesetvā yaṃ āpattādhikaraṇaṃ vītikkamaṃ āpajjati, tassa evaṃ vītikkamato yo vītikkamo, idaṃ vuccati “āpattādhikaraṇaṃ akusala”nti.

Abyākatavārepi yaṃ cittaṃ āpattiyā aṅgaṃ hoti, tassa abhāvena ajānanto vītikkamākārena ca saddhiṃ ajānanto asañjānanto āpattiaṅgabhūtāya vītikkamacetanāya abhāvena acetetvā sañcicca maddanassa abhāvena anabhivitaritvā nirāsaṅkacittaṃ apesetvā yaṃ āpattādhikaraṇaṃ vītikkamaṃ āpajjati, tassa evaṃ vītikkamato yo vītikkamo, idaṃ vuccati “āpattādhikaraṇaṃ abyākata”nti.

224. Ayaṃ vivādo no adhikaraṇantiādīsu samathehi adhikaraṇīyatāya abhāvato noadhikaraṇanti evamattho veditabbo.

Adhikaraṇakathā niṭṭhitā.

Adhikaraṇavūpasamanasamathakathā

228. Yāvatikā ca bhikkhū kammappattāti ettha catuvaggakaraṇe kamme cattāro, pañcavaggakaraṇe pañca, dasavaggakaraṇe dasa, vīsativaggakaraṇe vīsati bhikkhū kammappattāti veditabbā.

230. Supariggahitanti suṭṭhu pariggahitaṃ katvā sampañcchitabbaṃ. Sampañcchitvā ca pana “ajja bhaṇḍakaṃ dhovāma, ajja pattaṃ pacāma, ajjeko palibodho atthi”ti mānaniggahatthāya katipāhaṃ atikkāmetabbaṃ.

231. Anantāni ceva bhassāni jāyantīti aparimāṇāni ito cito ca vacanāni uppajjanti. “Bhāsāni”tipi pāṭho, ayamevattho. **Ubbāhikāya sammannitabboti** apaloketvā vā sammannitabbo parato vuttāya ñattidutiyāya vā kammavācāya. Evaṃ sammatehi pana bhikkhūhi visuṃ vā nisīditvā tassāyeva vā parisāya “aññehi asammatehi na kiñci kathetabba”nti sāvetvā taṃ adhikaraṇaṃ vinicchitabbaṃ.

233. Tatrāssāti tassaṃ parisati bhaveyya. **Neva suttaṃ āgatanti** na mātikā āgatā. **No suttavibhaṅgoti** vinayopi na paguṇo. **Byañjanacchāyāya atthaṃ paṭibāhātīti** byañjanamattameva gahetvā atthaṃ paṭisedheti. Jātarūparajatakhattavathupaṭiggahaṇādīsu vinayadharehi bhikkhūhi āpattiyā kāriyamāne disvā “kiṃ ime āpattiyā kāretha, ‘nanu jātarūparajatapaṭiggahaṇā paṭivirato hoti’ti evaṃ sutte paṭiviratimattameva vuttaṃ, natthi ettha āpatti’”ti vadati. Aparo dhammakathiko suttassa āgatattā olambetvā nivāsentānaṃ āpattiyā āropiyamānāya “kiṃ imesaṃ āpattiṃ ropetha, ‘nanu parimaṇḍalaṃ nivāsessāmīti sikkhā karaṇīyā’ti evaṃ sikkhākaraṇamattamevettha vuttaṃ, natthi ettha āpatti’”ti vadati.

234. Yathā bahutarā bhikkhūti ettha ekenapi adhikā bahutarāva ko pana vādo dvīhi tīhīti.

Adhikaraṇavūpasamanasamathakathā niṭṭhitā.

Tividhasalākaggāhakathā

235. Saññattiyāti saññāpanatthāya. **Gūḷhakanti**ādīsu alajjussannāya parisāya gūḷhako salākaggāho kātabbo, lajjussannāya parisāya vivaṭako, bālussannāya sakaṇṇajappako. **Vaṇṇāvaṇṇāyo katvāti** dhammavādīnañca adhammavādīnañca salākāyo nimittasaññaṃ āropetvā aññamaññaṃ visabhāgā kātabbā. Tato tā sabbāpi cīvarabhoge katvā vuttanayena gāhetabbā. **Duggahoti paccukkaḍḍhitabanti** “duggahitā salākāyo”ti vatvā puna gahetvā yāvatatiyaṃ gāhetabbā. **Suggahoti sāvetabanti** ekasmimpi dhammavādimhi atirekajāte “suggahitā salākāyo”ti

sāvetabbaṃ. Yathā ca te dhammavādino vadanti tathā taṃ adhikaraṇaṃ vūpasametabbanti. Atha yāvattatīyampi adhammavādinova bahutarā honti, ajja “akālo, sve jānissāmā”ti vuṭṭhahitvā alajjīnaṃ pakkhabhedatthāya dhammavādīpakkhaṃ pariyesitvā punadivase salākaggāho kātabbo. Ayaṃ gūḷhako salākaggāho.

Sakaṇṇajappake pana **gahite vattabboti** ettha sace saṅghatthero adhammavādisalākaṃ gaṇhāti, so evaṃ avabodhetabbo – “bhante, tumhe mahallakā vayoanuppattā, tumhākaṃ etaṃ na yuttaṃ, ayaṃ pana dhammavādisalākā”ti assa itarā salākā dassetabbā. Sace so taṃ gaṇhāti, dātabbā. Atha neva avabujjhati, tato “mā kassaci ārocehi”ti vattabbo. Sesam vuttanayameva. Vivaṭako vivaṭatthoyeva.

Tividhasalākaggāhakathā niṭṭhitā.

Tassapāpiyasikāvinayakathā

238. Pārājikasāmantaṃ vāti ettha methunadhamme pārājikasāmantaṃ nāma dukkaṭaṃ hoti. Adinnādānādīsu thullaccayaṃ. **Nibbeṭhenti** “na sarāmi”ti vacanena nibbeṭhayamānaṃ. **Ativeṭheti** “iṅghāyasmā”tiādivacanehi ativeṭhiyati. **Sarāmi kho ahaṃ āvusoti** pārājikaṭṭhādanatthāya evaṃ paṭijānāti. Puna tena ativeṭhiyamāno “sarāmi kho”ti paṭiññaṃ datvā “idāni maṃ nāsessanti”ti bhayena “**davāya me**”tiādimāha. Etassa tassapāpiyasikākammaṃ kātabbaṃ. Sace sīlavā bhavissati, vattaṃ paripūretvā paṭippassaddhiṃ labhati, no ce tathā nāsitakova bhavissati. Sesam sabbattha uttānatthamevāti.

Tassapāpiyasikāvinayakathā niṭṭhitā.

Samathakkhandhakavaṇṇanā niṭṭhitā.

5. Khuddakavatthukkhandaṃ

Khuddakavatthukathā

243. Khuddakavatthukkhandaṃ – **mallamuṭṭhikāti** muṭṭhikamallā. **Gāmamuddavāti** chavirāgamaṇḍanānuyuttā nāgarikamanussā. Gāmamoddavātipi pāṭho; esevattho. **Thambheti** nhānatitthe nikhaṇitvā ṭhapitatthambhe.

Kuṭṭeti iṭṭhakāsīlādārukuṭṭānaṃ aññatarasmim. **Aṭṭāne nhāyanti** ettha aṭṭānaṃ nāma rukkhaṃ phalakaṃ viya tacchetvā aṭṭhapadākārena rājiyo chinditvā nhānatitthe nikhaṇanti, tatha cuṇṇāni ākiritvā manussā kāyaṃ ghaṃsanti. **Gandhabbahatthakenāti** nhānatitthe ṭhapitena dārumayahatthena, tena kira cuṇṇāni gahetvā manussā sarīraṃ ghaṃsanti. **Kuruvindakasuttiyāti** kuruvindakapāsānacūṇṇāni lākhāya bandhitvā katagūḷikakalāpako vuccati, taṃ ubhosu antesu gahetvā sarīraṃ ghaṃsanti. **Viggayha parikammaṃ kārāpentti** aññamaññaṃ sarīrena sarīraṃ ghaṃsanti. **Mallakaṃ** nāma makaradantake chinditvā mallakamūlasaṅṭhānena kataṃ mallakanti vuccati, idaṃ gilānassāpi na vaṭṭati.

244. Akatamallakaṃ nāma dante acchinditvā kataṃ, idaṃ agilānasseva na vaṭṭati; iṭṭhakākhaṇḍaṃ pana kapālakhaṇḍaṃ vā vaṭṭati. **Ukkāsikanti** vatthavaṭṭim; tasmā nhāyantassa yassa kassaci nhānasāṭakavaṭṭiyā piṭṭhiṃ ghaṃsitaṃ vaṭṭati. **Puthupānikanti** hatthaparikammaṃ vuccati, tasmā sabbesaṃ hatthena piṭṭhiparikammaṃ kātuṃ vaṭṭati.

245. Vallikāti kaṇṇato nikkhantamuttolambakādīnaṃ etaṃ adhivacanaṃ; na kevalaṅca vallikā eva, yaṃkiñci kaṇṇapiḷandhanaṃ antamaso tālapaṇṇampi na vaṭṭati. **Pāmaṅganti** yaṃkiñci palambakasuttaṃ. **Kaṇṭhasuttakanti** yaṃkiñci gīvūpagaābharaṇaṃ. **Kaṭisuttakanti** yaṃkiñci kaṭipiḷandhanaṃ antamaso suttatantumattampi. **Ovaṭṭikanti** valayaṃ. **Kāyūrādmi** pākaṭāneva, akkhakānaṃ heṭṭhā bhābharaṇaṃ yaṃkiñci ābharaṇaṃ na vaṭṭati.

246. Dumāsikaṃ vā duvaṅgulaṃ vāti ettha sace kesā antodvemāse dvaṅgulaṃ pāpuṇanti, antodvemāseva chinditabbā. Dvaṅgulehi atikkāmetuṃ na vaṭṭati. Sacepi na dīghā, dvemāsato ekadivasampi atikkāmetuṃ na vaṭṭatiyeva; evamaṃ ubhayenapi ukkaṭṭhaparicchedova vutto, tato oraṃ pana navaṭṭanabhāvo nāma natthi.

Kocchena osaṅṭhenti kocchena olikhitvā sannisīdāpentī. **Phaṇakenāti** dantamayādīsu yena kenaci. **Hatthaphaṇakenāti** hattheneva phaṇakiccaṃ karontā aṅgulīhi osaṅṭhenti. **Sitthatelakenāti** madhusitthakaniyyāsādīsu yena kenaci cikkalena. **Udakatelakenāti** udakamissakena telena. Maṇḍanatthāya sabbattha dukkaṭaṃ, uddhalomena pana anulomanipātanattham hattham temetvā sīsam puñchitabbaṃ. Uṇhābhittattarajasirānampi allahatthena puñchitum

vaṭṭati.

247. Na bhikkhave ādāse vā udakapatte vāti ettha kaṃsapattādīnipi yesu mukhanimittam paññāyati, sabbāni ādāsasaṅkhameva gacchanti. Kañjijyādīnipi ca udakapattasaṅkhameva. Tasmā yattha katthaci olokontassa dukkaṭam. **Ābādhapaccayāti** “sañchavi nu kho me vaṇo, udāhu na tāvā”ti jānanattham; “jiṇṇo nu khomhi no”ti evam āyusaṅkhāram olokanatthampi vaṭṭatīti vuttam.

Mukham ālimpantīti vippasannachavirāgakarehi mukhālepanehi ālimpanti. **Ummaddentīti** nānāummaddanehi ummaddenti. **Cuṇṇentīti** mukhacuṇṇakena makkhenti. **Manosilikāya mukham lañchentīti** manosilāya tilakādīni lañchanāni karontī, tāni haritālādīhipi na vaṭṭantiyeva. **Aṅgarāgādayo** pākaṭāyeva. Sabbattha dukkaṭam.

248. Na bhikkhave naccam vātiādīsu yaṃkiñci naccam antamaso moranaccampi dassanāya gacchantassa dukkaṭam. Sayampi naccantassa vā naccāpentassa vā dukkaṭameva. **Gītampi** yaṃkiñci naṭagītam vā sādhubhūtam vā antamaso dantagītam pi “yaṃ gāyissāmā”ti pubbabhāge okūjantā karontī, etampi na vaṭṭati. Sayam gāyantassāpi gāyāpentassāpi dukkaṭameva. **Vāditampi** yaṃkiñci na vaṭṭati. Yaṃ pana niṭṭhubhanto vā sāsāṅke vā ṭhito accharikam vā phoṭeti, pāṇim vā paharati, tattha anāpatti. Sabbam antarārāme ṭhitassa passato anāpatti. “Passissāmī”ti vihārato vihāram gacchantassa āpattiyeva. Āsanasālāya nisinno passati, anāpatti. “Passissāmī”ti uṭṭahitvā gacchato āpatti. Vīthiyam thatvā gīvam parivattetvā passatopi āpattiyeva.

249. Sarakuttinti sarakiriyam. **Bhaṅgo hotīti** aladdham uppādetum na sakkoti; laddham samāpajjitum. **Pacchimā janatīti** amhākam ācariyāpi upajjhāyāpi evam gāyimsūti pacchimo jano diṭṭhānugatiṃ āpajjati; tatheva gāyati. **Na bhikkhave āyatakenāti** ettha āyatako nāma tam tam vattam bhinditvā akkharāni vināsetvā pavatto. Dhamme pana suttantavattam nāma atthi, jātakavattam nāma atthi, gāthāvattam nāma atthi, tam vināsetvā atidīgham kātum na vaṭṭati. Caturassena vattena parimaṇḍalāni padabyañjanāni dassetabbāni. **Sarabhaññanti** sarena bhaṇanam. Sarabhaññe kira taraṅgavattadhotakavattagalitavattādīni dvattiṃsa vattāni atthi. Tesu yaṃ icchatī, tam kātum labhati. Sabbesam padabyañjanam avināsetvā vikāram akatvā samaṇasārūpena caturassena nayena pavattanampeva lakkhaṇam.

Bāhiralomiṃ uṇṇinti uṇṇalomāni bahi katvā uṇṇapāvāram pārupanti; tathā dhārentassa dukkaṭam. Lomāni anto katvā pārupitum vaṭṭati. **Samaṇakappakathā** bhūtagāmasikkhāpadavaṇṇanāyam vuttā.

251. Na bhikkhave attano aṅgajātanti aṅgajātam chindantasseva thullaccayam. Aññaṃ pana kaṇṇanāsāṅguliādīṃ yaṃkiñci chindantassa tādisam vā dukkham uppādentassa dukkaṭam. Ahikīṭadaṭṭhādīsu pana aññaābādhapaccayā vā lohitam vā mocentassa chindantassa vā anāpatti.

252. Candanagaṇṭhi uppannā hotīti candanagaṇṭhikā uppannā hoti. So kira uddhañca adho ca jālāni parikkhipāpetvā gaṅgāya nadiyā kiḷati, tassa nadīsotena vuyhamānā candanagaṇṭhi āgantvā jāle laggā, tamassa purisā āharitvā adamsu; evam sā uppannā hoti. **Iddhipāṭihāriyanti** ettha vikubbaniddhipāṭihāriyam paṭikkhittam, adhiṭṭhānidhi pana appaṭikkhittāti veditabbā.

Na bhikkhave sovaṇṇamayo pattotiādīsu sacepi gihī bhattage suvaṇṇataṭṭikādīsu byañjanam katvā upanāmenti, āmasitumpi na vaṭṭati. Phalīkamayakācamayakamsamayāni pana taṭṭikādīni bhājanāni puggalīkapaṭibhogeneva na vaṭṭanti, saṅghīkapaṭibhogena vā gihivikaṭāni vā vaṭṭanti. “Tambalohamayopi pattova na vaṭṭati, thālakaṃ pana vaṭṭatī”ti idaṃ sabbam kurundiyam vuttam. **Maṇimayotī** ettha pana indanīlādīmaṇimayo vutto. **Kaṃsamayotī** ettha vaṭṭalohamayopi saṅgahito.

253. Likhītunti tanukaraṇatthāyetam vuttam. **Pakatimaṇḍalanti** makaradantacchinnakamaṇḍalameva.

254. Āvaṭṭitvāti aññaṃaññaṃ paharitvā. **Pattādhārakanti** ettha “dantavallivettādīhi kate bhūmiādharake tayo, dāruādharake dve patte uparūpari ṭhapetum vaṭṭatī”ti kurundiyam vuttam. Mahāaṭṭhakathāyam pana vuttam – “bhūmiādharake tiṇṇam pattānam anokāso, dve ṭhapetum vaṭṭati. Dāruādharakadaṇḍādharakesupi susajjitesu eseva nayo. Bhamakoṭisadiso pana dāruādharako tīhi daṇḍakehi baddho daṇḍakādhāro ca ekassapi pattassa anokāso, tattha ṭhapetvāpi hatthena gahetvā eva nisīditabbam. Bhūmiyam pana nikkujjitvā ekameva ṭhapetabba”nti.

Midḍhanteti ālindakamidḍhikādīnam ante. Sace pana parivattetvā tattheva paṭiṭṭhāti, evarūpāya vitthiṇṇāya midḍhiyā ṭhapetum vaṭṭati. **Paribhaṇḍanteti** bāhirapasse katāya tanukamidḍhikāya ante. Midḍhiyam vuttanayenevetthāpi vinicchayo veditabbo.

Coḷakanti yaṃ pattharitvā patto ṭhapīyati; tasmīṃ pana asatī kaṭasārake vā taṭṭikāya vā mattikāparibhaṇḍakatāya

bhūmiyā vā yattha na dussati, tathārūpāya vālikāya vā ṭhapetum vaṭṭati. Paṃsurajāḍisu pana kharabhūmiyaṃ vā ṭhapentassa dukkaṭaṃ. **Pattamālakam** iṭṭhakāhi vā dārūhi vā kātum vaṭṭati. **Pattakuṇḍolikāti** mahāmukhakuṇḍasaṅṭhānā bhaṇḍakukkhalikā vuccati. **Yo laggeyyāti** yattha katthaci laggentassa dukkaṭameva. Cīvaravaṃsepi bandhitvā ṭhapetum na vaṭṭati. Bhaṇḍakaṭṭhapanatthameva vā kataṃ hotu nisīdanasayanattham vā yattha katthaci mañce vā piṭhe vā ṭhapentassa dukkaṭaṃ, aññena pana bhaṇḍakena saddhiṃ bandhitvā ṭhapetum vaṭṭati. Aṭaniyaṃ bandhitvā olambetum vā vaṭṭati, bandhitvāpi upari ṭhapetum na vaṭṭatiyeva. Sace pana mañco vā piṭham vā ukkhipitvā cīvaravaṃsāḍisu aṭṭakachannena ṭhapitaṃ hoti, tattha ṭhapetum vaṭṭati. Aṃsavaddhanakena aṃsakūṭe laggetvā anke ṭhapetum vaṭṭati. Chatte bhattapūropi aṃsakūṭe laggitapattopi ṭhapetum na vaṭṭati, bhaṇḍakena pana saddhiṃ bandhitvā vā aṭṭakam katvā vā ṭhapite yo koci ṭhapetum vaṭṭati.

255. Pattahatthenāti ettha na kevalam yassa patto hatthe, so eva pattahattho, na kevalaṅca kavāṭameva paṇāmetum na labhati; apica kho pana hatthe vā piṭṭhipāde vā yattha katthaci sarīrāvayave pattasmiṃ sati hatthena vā pādena vā sīsenā vā yena kenaci sarīrāvayavena kavāṭam vā paṇāmetum ghaṭikam vā ukkhipitum sūcim vā kuñcikāya apāpuritum na labhati. Aṃsakūṭe pana pattam laggetvā yathāsukham avāpuritum labhati.

Tumbakaṭāhanti lābukaṭāham vuccati, tam pariharitum na vaṭṭati. Labhitvā pana tāvakālikam paribhuñjitum vaṭṭati. Ghaṭikaṭāhepi eseva nayo. **Ghaṭikaṭāhanti** ghaṭikapālam. **Abhum meti** utrāsavacanametam. **Sabbapaṃsukulikenāti** ettha cīvaraṅca mañcapīṭhaṅca paṃsukūlam vaṭṭati, ajjhoharaṇīyam pana dinnakameva gahetabbam.

Calakānti cabbetvā apaviddhāmisāni. **Aṭṭhikānti** macchamaṃsaatṭhikāni. **Ucchiṭṭhodakanti** mukhavikkhālanodakam. Etesu yaṃkiñci pattena nīharantassa dukkaṭam. Pattam paṭiggaham katvā hattham dhovitumpi na labhati. Hatthadhotapādadhotaudakampi patte ākiritvā nīharitum na vaṭṭati. Anucchiṭṭham suddhapattam ucchiṭṭhahatthena gaṇhitum na vaṭṭati, vāmahatthena panettha udakam āsiñcitvā ekam udakagaṇḍusam gahetvā ucchiṭṭhahatthena gaṇhitum vaṭṭati. Ettāvātāpi hi so ucchiṭṭhapatto hoti, hattham pana bahi udakena vikkhāletvā gahetum vaṭṭati. Macchamaṃsaphalāphalādāni khādanto yaṃ tattha aṭṭhim vā calakam vā chaḍḍetukāmo hoti, tam patte ṭhapetum na labhati. Yaṃ pana paṭikhāditukāmo hoti, tam patte ṭhapetum labhati. Aṭṭhikakaṇṭakādāni tattheva katvā hatthena luñcitvā khādītum vaṭṭati. Mukhato nīhaṭam pana yaṃkiñci puna khādītukāmo hoti, tam patte ṭhapetum na labhati. Siṅgiveranāḷikerakhaṇḍāni ḍaṃsitvā puna ṭhapetum labhati.

256. Namatakanti satthakaveṭhanakam pilotikakhaṇḍam. **Daṇḍasatthakanti** pipphalakam vā aññampi vā yaṃkiñci daṇḍam yojetvā katasatthakam.

Kaṇṇakitā hontīti malaggahitā hontī. **Kiṇṇena pūretunti** kiṇṇacuṇṇena pūretum. **Sattuyāti** haliddimissakena piṭṭhacuṇṇena. **Saritakanti** pāsānacūṇṇam vuccati; tena pūretum anujānāmīti attho. **Madhusitthakena saretunti** madhusitthakena makkhetum. **Saritakam paribhijjātīti** tam makkhitamadhusitthakam bhijjati. **Saritasipāṭikanti** madhusitthakapilotikam; satthakosakasipāṭiyā pana saritasipāṭikāya anulomāti kurundiyaṃ vuttam. **Kathinanti** nisseṇimpi tattha attharitabbakaṭasārakakilañjānam aññatarampi. **Kathinarajjunti** yāya dupaṭṭacīvaram sībantā kathine cīvarampi bandhanti. **Kathinam nappahotīti** dīghassa bhikkhuno pamāṇena kataṃ kathinam; tattha rassassa bhikkhuno cīvaram patthariyamānam nappahoti, antoyeva hoti; daṇḍake na pāpuṇātīti attho. **Daṇḍakathinanti** tassa majjhe itarassa bhikkhuno pamāṇena aññam nisseṇim bandhitum anujānāmīti attho.

Bidalakanti daṇḍakathinappamāṇena kaṭasārakassa pariyaṇṭe paṭisaṃharitvā duguṇakaraṇam. **Salākanti** dupaṭṭacīvarassa antare pavesanasalākam. **Vinandhanarajjunti** mahānisseṇiyā saddhiṃ khuddakam nisseṇim vinandhitum rajjum. **Vinandhanasuttanti** khuddakanisseṇiyā cīvaram vinandhitum suttakam. **Vinandhitvā cīvaram sībbetunti** tena suttakena tattha cīvaram vinandhitvā sībbitum. **Visamā hontīti** kāci khuddakā hontī, kāci mahantā. **Kaḷimbhakanti** pamāṇasaññākaraṇam yaṃkiñci tālapaṇṇādīm. **Moghasuttakanti** vaḍḍhakīnam dārūsu kālasuttana viya haliddisuttana saññākaraṇam. **Aṅguliyaṃ paṭiggaṇṭhantīti** sūcimukham aṅguliyaṃ paṭicchanti. **Paṭiggahanti** aṅgulikosakam.

257. Āvesanavittakam nāma yaṃkiñci pāticaṅkoṭakādi. **Uccavattukanti** paṃsum ākiritvā uccavattukam kātum anujānāmīti attho. **Ogumphetvā ullittāvalittam kātunti** chadanam odhunitvā ghanadaṇḍakam katvā anto ceva bahi ca mattikāya limpītunti attho. **Goghamsikāyāti** veḷum vā rukkhadaṇḍam vā antokatvā tena saddhiṃ saṅgharītunti attho. **Bandhanarajjunti** tathā saṅgharītassa bandhanarajjum.

258. Kaṭacchuparissāvanam nāma tīsu daṇḍakesu vinandhitvā kataṃ.

259. Yo na dadeyyāti aparissāvanakasseva yo na dadāti, tassa āpatti. Yo pana attano hatthe parissāvane

vijjamānēpi yācati, tassa na akāmā dātabbam. **Daṇḍaparissāvananti** rajakānaṃ khāraparissāvaṇaṃ viya catūsu pādesu baddhanisṣeṇikāya sāṭakaṃ bandhitvā majjhedaṇḍake udakaṃ āsiñcītābbaṃ, taṃ ubhopi koṭṭhāse pūretvā parissavati. **Ottharakam** nāma yaṃ uduke ottharivā ghaṭakena udakaṃ gaṇhanti, tañhi catūsu daṇḍakesu vatthaṃ bandhitvā uduke cattāro khāṇuke nikhaṇivā tesu bandhitvā sabbapariyante udakato mocetvā majjhe ottharivā ghaṭena udakaṃ gaṇhanti. **Makasakuṭikāti** cīvarakuṭikā vuccati.

260. Abhisannakāyāti semhādidosussannakāyā. **Aggaḷavaṭṭi** nāma dvārabāhāya samappamāṇoyeva aggaḷatthambho vuccati, yattha tīṇi cattāri chiddāni katvā sūciyo denti. **Kapisīsakam** nāma dvārabāhaṃ vijjhivā tattha pavesito aggaḷapāsako vuccati. **Sūcikāti** tattha majjhe chiddaṃ katvā pavesitā. **Ghaṭikāti** upari yojitā. **Maṇḍalikam kātunti** nīcavatthukaṃ cinituṃ. **Dhūmanettanti** dhūmanikkhamaṇachiddaṃ. **Vāsetunti** gandhena vāsetuṃ. **Udakaṭṭhānanti** udakatthapanatṭhānaṃ. Tattha ghaṭena udakaṃ ṭhapetvā sarāvakena vaḷaṇjetābbaṃ. **Koṭṭhakoti** dvārakoṭṭhako.

261. Tisso paṭicchādiyoti ettha jantāgharaṭicchādi ca udakaṭicchādi ca parikkammaṃ karontasseva vaṭṭati, sesesu abhivādanādīsu na vaṭṭati. Vatthapaṭicchādi sabbakammesu vaṭṭati. **Udakaṃ na hotīti** nhānodakaṃ na hoti.

262. Tulanti paṇṇikānaṃ viya udakaubbāhanakatuḷaṃ. **Karakaṭako** vuccati goṇe vā yojetvā hatthehi vā gahetvā dīghavarattādīhi ākaḍḍhanayantaṃ. **Cakkavaṭṭakanti** arahaṭaghaṭiyantaṃ. **Cammakhaṇḍaṃ** nāma tulāya vā karakaṭake vā yojetābbaṃ cammabhājanaṃ. **Pākaṭā hotīti** aparikkhittā hoti. **Udakapuñchanīti** daṇḍamayāpi visāṇamayāpi dārumayāpi vaṭṭati, tassā asatī coḷakenāpi udakaṃ paccuddharitūṃ vaṭṭati.

263. Udakamātikanti udakassa āgamanamātikam. **Nillekhaṇḍaṃ** nāma āviddhapakkhapāsakam vuccati, gopānasīnaṃ upari maṇḍale pakkhapāsake ṭhapetvā katakūṭacchadanassetam nāmaṃ. **Cātumāsam nisīdanenāti** nisīdanena cattāro māse na vipavasitābanti attho.

264. Pupphābhikiṇṇesūti pupphehi santhatesu. **Namatakam** nāma eḷakalomehi kataṃ avāyimaṃ cammakhaṇḍaparīhārena paribhuñjitābbaṃ. **Āsittakūpadhānaṃ** nāma tambalohena vā rajatena vā katāya peḷāya etaṃ adhivacanaṃ, paṭikkhittatā pana dārumayāpi na vaṭṭati. **Maḷorikāti** daṇḍadhārako vuccati. Yaṭṭhiādhārapaṇṇādhārapacchikapiṭṭhānīpi ettheva pavīṭṭhāni. Ādhārasaṅkhepagamanato hi paṭṭhāya chiddaṃ viddhampi aviddhampi vaṭṭatiyeva. **Ekabhājaneti** ettha sace eko bhikkhu bhājanato phalaṃ vā pūvaṃ vā gahetvā gacchati, tasmīṃ apagate itarassa sesakam bhūñjitūṃ vaṭṭati. Itarassāpi tasmīṃ khīṇe puna gahetuṃ vaṭṭati.

265. Atṭhahāṅgehīti ettha ekekenapi aṅgena samannāgatassa antosīmāya vā nissīmaṃ gantvā nadīādīsu vā nikkujjituṃ vaṭṭatiyeva. Evaṃ nikkujjite pana patte tassa gehe koci deyyadhammo na gahetabbo – “asukassa gehe bhikkham mā gaṇhitthā”ti añṇesu vihāresupi pesetābbaṃ. Ukkujjanakāle pana yāvatiyaṃ yācāpetvā hatthapāsam vijahāpetvā ñattidutiyaḷakammaṇa ukkujjitabbo.

268. Purakkhatvāti aggato katvā. **Samharantūti** samhariyantu. **Celapaṭikanti** celasantharaṃ. So kira “sace ahaṃ puttam lacchāmi, akkamissatī me bhagavā celapaṭika”ntī iminā ajjhāsayena santhari, abhabbo cesa puttālābhāya; tasmā bhagavā na akkamī. Yaḍi akkameyya, pacchā puttam alabhanto “nāyaṃ sabbaññū”ti dīṭṭhiṃ gaṇheyya. Iḍaṃ tāva bhagavato anakkamaṇe kāraṇam. Yaṃ nā pana bhikkhūpi ye aṇānantā akkameyyuṃ, te giḷiṇam paribhūtā bhaveyyuṃ; tasmā bhikkhū paribhavato mocetuṃ sikkhāpadaṃ pañṇapesī. Iḍaṃ sikkhāpadaṃ pañṇāpane kāraṇam.

Maṅgalatthāya yāciyamānenāti apagataḷabbhā vā hotu garuḷabbhā vā, evarūpesu ṭhānesu maṅgalatthāya yāciyamāneṇa akkamitūṃ vaṭṭati. **Dhotapādakam** nāma pādadhovanaṭṭhāne dhotēhi pādehi akkamaṇatthāya paccattharaṇam atthataṃ hoti, taṃ akkamitūṃ vaṭṭati.

269. Katakam nāma padumakaṇṇikākāraṃ pādaghamaṇanattaṃ kaṇṭake utṭhāpetvā kataṃ. Taṃ vaṭṭam vā hotu caturassādibhedam vā, bāhulikānuyogattā paṭikkhittameva, neva paṭiggahetuṃ na paribhuñjitūṃ vaṭṭati. **Sakkharāti** pāsāṇo vuccati; pāsāṇapheṇakopi vaṭṭati. **Vidhūpananti** vījanī vuccati. Tālavaṇṭam pana tālapaṇṇehi vā kataṃ hotu veḷudantavilīvehi vā morapiñchehi vā cammavikatīhi vā sabbam vaṭṭati. **Makasabṭjanī** dantamayavisāṇamayadaṇḍakāpi vaṭṭati, vākamayabṭjanīyā ketakapārohakuntālapaṇṇādimayāpi saṅgahitā.

270. Gilānassa chattanti ettha yassa kāyaḍāho vā pittakopo vā hoti, cakkhu vā dubbalaṃ, añṇo vā koci ābādhō vinā chāttena uppajjati, tassa gāme vā araṇṇe vā chātṭam vaṭṭati. Vasse pana cīvaraguttattham vāḷamigacorabhayesu ca attaguttatthampi vaṭṭati. Ekapaṇṇacchātṭam pana sabbattheva vaṭṭati.

Asissāti asi assa. **Vijjotalatīti** vijjotati. **Daṇḍasammutinti** ettha pamāṇayutto catuhatthoyeva daṇḍo sammantivā

dātabbo. Tato unātiritto vināpi sammutiyā sabbesaṃ vaṭṭati. **Sikkā** pana agilānassa na vaṭṭati, gilānassāpi sammannitvāva dātabbā.

273. Romanthakassāti ettha ṭhapetvā romanthakaṃ sesānaṃ āgataṃ uggāraṃ mukhe sandhāretvā gilantānaṃ āpatti. Sace pana asandhāritameva paragalaṃ gacchati, vaṭṭati.

Yaṃ diyyamānanti yaṃ dāyakehi diyyamānaṃ paṭiggahitabhājanato bahi patitaṃ, taṃ bhikkhunā sāmaṃ gahetvā paribhuñjitum anujānāmīti attho. Idaṃ bhojanavagge vaṇṇitameva.

274. Kupaṃ karissāmīti saddaṃ karissāmi. Nakhādīhi nakhacchedane āpatti natthi, anurakkhaṇatthaṃ pana nakhacchedanaṃ anuññātaṃ. **Vīsatiṃvaṭṭanti** vīsatiṃ nakhe likhitavaṭṭhe kārāpentī. **Malamattanti** nakhato malamattaṃ apakaḍḍhitum anujānāmīti attho.

275. Khurasipāṭikanti khurakosakaṃ. **Massuṃ kappāpentīti** kattariyā massuṃ chedāpentī. **Massuṃ vaḍḍhāpentīti** massuṃ dīghaṃ kārentī. **Golomikanti** hanukamhi dīghaṃ katvā ṭhapitaṃ eḷakamassu vuccati. **Caturassakanti** catuḷkaṃ. **Parimukhanti** ure lomasaṃharaṇaṃ. **Aḍḍhadukanti** udare lomaraṇijjhapanaṃ. **Āpatti dukkaṭassāti** massukappāpanādīsu sabbattha āpatti dukkaṭassa. **Ābādhappaccayā sambāde lomanti** gaṇḍavaṇarudhiādībādhappaccayā. **Kattarikāyāti** gaṇḍavaṇarudhisīsarogābādhappaccayā. Sakkharādīhi nāsikālomaggāhāpane āpatti natthi. Anurakkhaṇatthaṃ pana saṇḍāso anuññāto. **Na bhikkhave palitaṃ gāhāpetabbanti** ettha yaṃ bhamukāya vā nalāṭe vā dāṭhikāya vā uggantvā bībhaccaṃ ṭhitaṃ, tādisaṃ lomaṃ palitaṃ vā apalitaṃ vā gāhāpetum vaṭṭati.

277. Kaṃsapattharikāti kaṃsabhaṇḍavānījā. **Bandhanamattanti** vāsikattarayaṭṭhiādīnaṃ bandhanamattaṃ.

278. Na bhikkhave akāyabandhanenāti ettha abandhitvā nikkhamantena yattha sarati, tattha bandhitabbaṃ. Āsanasālāya bandhissāmīti gantum vaṭṭati. Saritvā yāva na bandhati, na tāva piṇḍāya caritabbaṃ. **Kalābukaṃ** nāma bahurajjukaṃ. **Deḍḍubhakaṃ** nāma udakasappasīsasadiṣaṃ. **Murajaṃ** nāma murajavaṭṭisaṇṭhānaṃ veṭhetvā kataṃ. **Maddavīṇaṃ** nāma pāmaṅgasaṇṭhānaṃ. Idisaṇṭhi ekampi na vaṭṭati, pageva bahūni. **Paṭṭikaṃ sūkarantakanti** ettha pakativīṭā vā macchakaṇṭakavāyīmā vā paṭṭikā vaṭṭati, sesā kuṅjaracchikādibhedā na vaṭṭanti. **Sūkarantakaṃ** nāma kuṅjikākosakasaṇṭhānaṃ hoti. Ekarajjukaṃ pana muddikakāyabandhanaṃ ca sūkarantakaṃ anulometi. **Anujānāmi bhikkhave murajaṃ maddavīṇanti** idaṃ dasāsuyeva anuññātaṃ. Pāmaṅgadasā cettha catunnaṃ upari na vaṭṭati. **Sobhaṇaṃ** nāma veṭhetvā mukhavaṭṭisibbanaṃ. **Guṇakaṃ** nāma mudīngasaṇṭhānena sibbanaṃ; evaṃ sibbitā hi antā thirā honti. **Pavanantoti** pāsanto vuccati.

280. Hatthisoṇḍakaṃ nāma nābhimūlato hatthisoṇḍasaṇṭhānaṃ olambakaṃ katvā nivatthaṃ colīkaiṭṭhīnaṃ nivāsanaṃ viya. **Macchavāḷakaṃ** nāma ekato dasantaṃ ekato pāsantaṃ olambetvā nivatthaṃ. **Catukaṇṇakaṃ** nāma upari dve, heṭṭhato dveti evaṃ cattāro kaṇṇe dassetvā nivatthaṃ. **Tālavaṇṭakaṃ** nāma tālavaṇṭakārena sāṭakaṃ olambetvā nivāsanaṃ. **Satavalikaṃ** nāma dīghasaṭakaṃ anekakkhattum obhañjitvā ovaṭṭikaṃ karontena nivatthaṃ, vāmadakkhiṇapassesu vā nirantaraṃ valiyo dassetvā nivatthaṃ. Sace pana jānuto paṭṭhāya ekā vā dve vā valiyo paññāyanti, vaṭṭati.

Samvelliyaṃ nivāsentīti mallakammakārādayo viya kacchaṃ bandhitvā nivāsentī; evaṃ nivāsetum gilānassapi maggappaṭipannassapi na vaṭṭati. Yampi maggaṃ gacchantā ekaṃ vā dve vā koṇe ukkhipitvā antaravāsakassa upari laggenti, anto vā ekaṃ kāsāvaṃ tathā nivāsetvā bahi aparaṃ nivāsentī, sabbaṃ na vaṭṭati. Gilāno pana anto kāsāvassa ovaṭṭikaṃ dassetvā aparaṃ upari nivāsetum labhati. Agilānena dve nivāsentena sakuṇṇaṃ katvā nivāsetabbāni. Iti yañca idha paṭikkhittaṃ, yañca sekhiyavaṇṇanāyaṃ; taṃ sabbaṃ vajjetvā nibbikāraṃ timaṇḍalaṃ paṭicchadentena parimaṇḍalaṃ nivāsetabbaṃ. Yaṃkiñci vikāraṃ karonto dukkaṭā na muccati. Na bhikkhave gihipārutaṃ pārupitabbanti evaṃ paṭikkhittaṃ gihipārutaṃ apārupitvā, ubho kaṇṇe samaṃ katvā pārupanaṃ parimaṇḍalapārupanaṃ nāma, taṃ pārupitabbaṃ.

Tattha yaṃkiñci setapaṭapārutaṃ paribbājakapārutaṃ ekasāṭakapārutaṃ soṇḍapārutaṃ antepurikapārutaṃ mahājeṭṭhakapārutaṃ kuṭipavesakapārutaṃ brāhmaṇapārutaṃ pālīkārakapārutanti evamādi parimaṇḍalalakkaṇato aññathā pārutaṃ, sabbametaṃ gihipārutaṃ nāma. Tasmā yathā setapaṭā aḍḍhapālakanigaṇṭhā pārupanti, yathā ca ekacce paribbājakā uraṃ vivaritvā dvīsu aṃsakūṭesu pāvuraṇaṃ ṭhapenti, yathā ca ekasāṭakā manussā nivatthasaṭakassa ekenantena piṭṭhiṃ pārupitvā ubho kaṇṇe ubhosu aṃsakūṭesu ṭhapenti, yathā ca surāsoṇḍādayo sāṭakena gīvaṃ parikkhipantā ubho ante udare vā olambenti; piṭṭhiyaṃ vā khipanti, yathā ca antepurikāyo akkhitārakamattaṃ dassetvā oḷuṇṭhikaṃ pārupanti, yathā ca mahājeṭṭhā dīghasaṭakaṃ nivāsetvā tasseva ekenantena sakalasarīraṃ pārupanti, yathā ca kassakā khettakuṭiṃ pavisaṇṭā sāṭakaṃ paliveṭhetvā upakacchake pakkhipitvā tasseva ekenantena sarīraṃ pārupanti,

yathā ca brāhmaṇā ubhinnaṃ upakacchakānaṃ antarena sātakaṃ pavesetvā aṃsakūtesu pakkhipanti, yathā ca pālikāraḥ bhikkhu ekaṃsapārupanena pārutaṃ vāmabāhuṃ vivarivā cīvaraṃ aṃsakūṭaṃ āropeti; evaṃ apārupitvā sabbepe ete aññe ca evarūpe pārupanadose vajjetvā nibbikāraṃ parimaṇḍalaṃ pārupitabbaṃ. Tathā apārupitvā ārāme vā antaraghare vā anādarena yaṃkiñci vikāraṃ karontassa dukkaṭaṃ.

281. Muṇḍavaṭṭiti yathā rañño kuhiñci gacchato parikkhārabhaṇḍavahanamanussāti adhippāyo. **Antarākājanti** majjhe laggetvā dvīhi vahitabbabhāraṃ.

282. Acakkhussanti cakkhūnaṃ hitaṃ na hoti; parihāniṃ janeti. **Nacchādeti**ti na ruccati. **Aṭṭhaṅgulaparamanti** manussānaṃ pamāṇaṅgulena aṭṭhaṅgulaparamaṃ. **Atimaṭṭhāhanti** atikhuddakaṃ.

283. Dāyaṃ ālimentīti tiṇavanādīsu aggim̐ denti. **Paṭagginti** paṭiaggim̐. **Parittanti** appaharitakaraṇena vā parikhākhānaṇena vā parittānaṃ. Ettha pana anupasampanne satī sayamaṃ aggim̐ dātum̐ na labhati, asati aggim̐pi dātum̐ labhati, bhūmiṃ tacchetvā tiṇānipi haritum̐, parikhampi khaṇitum̐, allasākhaṃ bhañjitvāpi aggim̐ nibbāpetum̐ labhati, senāsanaṃ pattamaṃ vā appattamaṃ vā tathā nibbāpetum̐ labhatiyeva. Udakena pana kappiyeneva labhati, na itarena.

284. Sati karaṇīyeti sukkhakaṭṭhādiggahaṇakicce satī. **Porisiyanti** purisappamāṇaṃ. **Āpadāsūti** vālamigādayo vā disvā maggamūlho vā disā oloketukāmo hutvā davaḍāhaṃ vā udakoghaṃ vā āgacchantamaṃ disvā evarūpāsu āpadāsu atiuccampi rukkhamaṃ ārohitum̐ vaṭṭati.

285. Kalyāṇavākkaraṇāti madhurasaddā. **Chandaso āropemāti** vedaṃ viya sakkatabhāsāya vācanāmaggaṃ āropema. **Sakāya niruttīyāti** ettha sakā nirutti nāma sammāsambuddhena vuttappakāro māgadhiko vohāro.

286. Lokāyatamaṃ nāma sabbaṃ ucchiṭṭamaṃ, sabbaṃ anucchiṭṭamaṃ, seto kāko, kālo bako; iminā ca iminā ca karaṇenāti evamādiniratthakakāraṇapaṭisaṃyuttaṃ titthiyasatthamaṃ.

288. Antarā ahoṣīti antaritā ahoṣi paṭicchannā.

289. Ābādhappaccayāti yassa ābādhassa lasuṇaṃ bhesajjamaṃ; tappaccayāti attho.

290. Passāvapādukanti ettha pādukā iṭṭhakāhipi silāhipi dārūhipi kātumaṃ vaṭṭati. **Vaccapādukāyapi** eseva nayo. **Pariveṇanti** vaccakuṭiparikkhepabbhantamaṃ.

293. Yathādhammo kāretabboti dukkaṭavatthumhi dukkaṭena pācittiyavatthumhi pācittiyena kāretabbo. Paharaṇatthamaṃ kataṃ **paharaṇīti** vuccati, yassa kassaci āvudhasaṅkhātassetamaṃ adhivacanaṃ, taṃ ṭhapetvā aññaṃ sabbaṃ lohahāṇaṃ anujānāmīti attho. **Katakañca kumbhakārikañcāti** ettha katakaṃ vuttameva. **Kumbhakārikañcāti** dhaniyasessa sabbamattikāmayakuṭi vuccati. Sesamaṃ sabbattha uttānamevāti.

Khuddakavatthukathā niṭṭhitā.

Khuddakavatthukkhandhakavaṇṇanā niṭṭhitā.

6. Senāsanakkhandhakaṃ

Vihārānujānanakathā

294. Senāsanakkhandhake – **apaññattaṃ hotīti** ananuññātaṃ hoti. **Vihāro** nāma aḍḍhayogādimmuttako avasesāvāso. **Aḍḍhayogoti** supaṇṇavaṅkagehaṃ. **Pāsādoti** dīghapāsādo. **Hammiyanti** upariākāsatale patiṭṭhitakūṭāgāro pāsādoyeva. **Guhāti** iṭṭhakāguhā silāguhā dārūguhā paṃsuguhā. **Āgatānāgatassa cātuddisassa saṅghassāti** āgatassa ca anāgatassa ca catūsu disāsu appaṭihatacārassa cātuddisassa saṅghassa.

295. Anumodanagāthāsu – **sītaṃ uṇhanti** utuvisabhāgavasena vuttaṃ. **Sisire cāpi vuṭṭhiyoti** ettha **sisiroti** samphusitakavāto vuccati. **Vuṭṭhiyoti** ujukameghavuṭṭhiyo eva. Etāni sabbāni **paṭihantīti** imināva padena yojetabbāni.

Paṭihaññatīti vihārena paṭihaññati. **Leṇatthanti** nilīyanatthamaṃ. **Sukhatthanti** sītādiparissayābhāvena sukhavīhāratthamaṃ. **Jhāyituñca vipassitanti** idampi padadvayaṃ “sukhatthañcā”ti imināva padena yojetabbamaṃ. Idañhi vuttaṃ hoti – sukhatthañca vihāradānaṃ, katamaṃ sukhatthamaṃ? Jhāyitum̐ vipassitūñca yaṃ sukhaṃ, tadatthamaṃ. Atha vā

parapadenapi yojetabbaṃ – jhāyituṅca vipassituṅca vihāradānaṃ; idha jhāyissanti vipassissantīti dadato **vihāradānaṃ saṅghassa aggaṃ buddhena vaṇṇitaṃ**. Vuttañhettaṃ – “so ca sabbadado hoti, yo dadāti upassaya”nti (saṃ. nī. 1.42).

Yasmā ca aggaṃ vaṇṇitaṃ, “**tasmā hi paṇḍito poso**”ti gāthā. **Vāsayettha bahussuteti** ettha vihāre pariyaṭṭibahussute ca paṭivedhabahussute ca vāseyya. **Tesaṃ annañcāti** yaṃ tesaṃ anucchavikaṃ annañca pānañca vatthāni ca mañcapīṭhādiseṇāsānāni ca, taṃ sabbaṃ tesu ujubhūtesu akuṭṭilacittesu. **Dadeyyāti** nidaheyya. Tañca kho vipassannena cetasā na cittappasādaṃ virādetvā, evaṃ vipassannacittassa hi **te tassa dhammaṃ desenti...pe... parinibbāti anāsavoti**.

296. Āviñchanacchiddaṃ āviñchanarajjunti ettha rajju nāma sacepi dīpinaṅguṭṭhena katā hoti, vaṭṭatiyeva; na kāci na vaṭṭati. **Tṇi tājanīti** tisso kuñcikaṃyo. **Yantakaṃ sūcikaṃ** ettha yaṃ yaṃ jānāti taṃ taṃ yantakaṃ, tassa vivaraṇasūcikañca kātum vaṭṭati. **Vedikāvātapānaṃ** nāma cetiyeva vedikāsadisam. **Jālavātapānaṃ** nāma jālakabaddhaṃ. **Salākavātapānaṃ** nāma thambhakavātapānaṃ. **Cakkalikaṃ** ettha coḷakapādapuñchanam bandhitum anujānāmīti attho. **Vātapānabhisīti** vātapānappamañena bhisim katvā bandhitum anujānāmīti attho. **Midḍhanti** midḍhakaṃ. **Bidalamañcakaṃ** vettamañcaṃ; veḷuvilīvehi vā vītaṃ.

297. Āsandikoti caturassapīṭhaṃ vuccati. Uccakampi āsandikanti vacanato ekatobhāgena dīghapīṭhameva hi aṭṭhaṅgulapādakaṃ vaṭṭati, caturassaāsandiko pana pamāṇātikantopi vaṭṭatīti veditabbo. **Sattaṅgo** nāma tīsu disāsu apassayaṃ katvā katamañco, ayampi pamāṇātikanto vaṭṭati. **Bhaddapīṭhanti** vettamayaṃ pīṭhaṃ vuccati. **Pīṭhikāti** pilotikābaddhapīṭhameva. **Ēlakapādapīṭhaṃ** nāma dārupaṭṭikāya upari pāde ṭhapetvā bhojanaphalakaṃ viya katapīṭhaṃ vuccati. **Āmalakavaṭṭikapīṭhaṃ** nāma āmalakākārena yojitaṃ bahupādakapīṭhaṃ. Imāni tāva pāliyaṃ āgatapīṭhāni. Dārumayaṃ pana sabbaṃ pīṭhaṃ vaṭṭatīti ayamettha vinicchayo. **Kocchanti** usiramayaṃ vā muñjapabbajamayaṃ vā.

Aṭṭhaṅgulaparamaṃ mañcapaṭipādakaṃ ettha manussānaṃ pamāṇaṅgulameva aṭṭhaṅgulaṃ. **Cimilikā** nāma parikkamakātāya bhūmiyā chavisamrakkhaṇatthāya attharaṇaṃ vuccati. **Rukkhatūlanti** simbalirukkhādīnaṃ yesaṃ kesañci rukkhaṇaṃ tūlaṃ. **Latātūlanti** khīravallīādīnaṃ yāsaṃ kesañci vallīnaṃ tūlaṃ. **Poṭakitūlanti** poṭakitīṇādīnaṃ yesaṃ kesañci tiṇajātīkaṇaṃ antamaso ucchunaḷādīnampi tūlaṃ. Etehi tīhi sabbabhūtagāmā saṅgahitā honti. Rukkhavallitīṇajātiyo hi muñcivā añño bhūtagāmo nāma natthi, tasmā yassa kassaci bhūtagāmassa tūlaṃ bimbohane vaṭṭati, bhisim pana pāpūnitvā sabbampetaṃ akappiyatūlanti vuccati. Na kevalañca bimbohane etaṃ tūlameva, haṃsamorādīnaṃ sabbasakuṇānaṃ sihādīnaṃ sabbacattuppadānañca lomampi vaṭṭati. Piyaṅgupupphabakuḷapupphādi pana yaṃkiñci pupphaṃ na vaṭṭati. Tamālapattaṃ suddhameva na vaṭṭati, missakaṃ pana vaṭṭati. Bhisīnaṃ anuññātaṃ pañcavidhaṃ uññādītūlampi vaṭṭati.

Addhakāyikanīti upaḍḍhakāyappamañāni, yesu kaṭṭo paṭṭhāya yāva sīsaṃ upadahanti. **Sīsappamañam** nāma yassa vitthārato tīsu kaṇṇesu dvinnam kaṇṇānaṃ antaraṃ minīyamānaṃ vidatthi ceva caturaṅgulañca hoti, majjhaṭṭhānaṃ muṭṭhiratanaṃ hoti. Dīghato pana diyaḍḍharatanaṃ vā dviratanaṃ vāti kurundiyam vuttaṃ. Ayaṃ sīsappamañassa ukkaṭṭhaparicchedo. Ito uddhaṃ na vaṭṭati, heṭṭhā pana vaṭṭati. Agilānassa sīsupadhānañca pādūpadhānañcāti dvayameva vaṭṭati. Gilānassa bimbohanāni santharivā upari paccattharaṇaṃ katvā nipajjitumpi vaṭṭati. “Yāni pana bhisīnaṃ anuññātāni pañca kappiyatūlāni, tehi bimbohanaṃ mahantampi vaṭṭati”ti phussadevatthero āha. Vinayadharaupatissatthero pana “bimbohanaṃ karissāmī”ti kappiyatūlaṃ vā akappiyatūlaṃ vā pakkhipitvā karontassa pamāṇameva vaṭṭatī”ti āha.

Pañca bhisiyoti pañcahi uññādīhi pūritabhisīyo. Tūlagaṇanāya hi etāsaṃ gaṇanā vuttā. Tattha uññaggahaṇena na kevalaṃ ēlakalomameva gahitaṃ, ṭhapetvā manussalomaṃ yaṃkiñci kappiyākappiyamaṃsajātīnaṃ pakkhicattuppadānaṃ lomam, sabbaṃ idha uññaggahaṇeneva gahitaṃ. Tasmā channaṃ cīvarānaṃ channaṃ anulomacīvarānañca aññatarena bhisicchaviṃ katvā taṃ sabbaṃ pakkhipitvā bhisim kātum vaṭṭati. Ēlakalomāni pana apakkhipitvā kambalameva catugguṇaṃ vā pañcaguṇaṃ vā pakkhipitvā katāpi uññabhisīsankhyameva gacchati.

Coḷabhisīdīsu yaṃkiñci navacoḷaṃ vā purānacoḷaṃ vā samharitvā vā anto pakkhipitvā vā katā **coḷabhisī**, yaṃkiñci vākaṃ pakkhipitvā katā **vākabhisī**, yaṃkiñci tiṇaṃ pakkhipitvā katā **tiṇabhisī**, aññatra suddhatamālapattaṃ yaṃkiñci paṇṇaṃ pakkhipitvā katā **paṇṇabhisīti** veditabbā. Tamālapattaṃ pana aññena missameva vaṭṭati, suddhaṃ na vaṭṭati. Bhisīyā pamāṇaniyamo natthi, mañcabhisī pīṭhabhisī bhūmattharaṇabhisī caṅkamanabhisī pādapuñchanabhisīti etāsaṃ anurūpato sallakkhetvā attano rucivasena pamāṇaṃ kātappaṃ. Yaṃ panetaṃ uññādīpañcavidhatūlampi bhisīyaṃ vaṭṭati, taṃ “masūrakepi vaṭṭatī”ti kurundiyam vuttaṃ. Etena masūraṃ paribhuñjitum vaṭṭatīti siddhaṃ hoti.

Mañcabhisim piñhe santharantīti mañcabhisim piñhe attharanti; attharañatthāya harantīti yujjati. **Ullokaṃ akaritvāti** heññhā cimilikam adatvā. **Phositunti** rajanena vā haliddiyā vā upari phusitāni dātuṃ. **Bhattikammanti** bhisicchaviyā upari bhattikammaṃ. **Hatthabhattinti** pañcañgulibhattiṃ.

298. Ikkāsanti rukkhaniiyāsam vā silesam vā. **Piññhamaddanti** piññhakhalim. **Kuñḍakamattikanti** kuñḍakamissakamattikaṃ. **Sāsapakuttaṃ** sāsapapiññham. **Sitthatelakanti** vilīnamadhusitthakaṃ. **Accussannaṃ hotīti** bindu bindu hutvā tiññhati. **Paccuddharitunti** puñchituṃ. **Gaṇḍumattikanti** gaṇḍuppadagūthamattikaṃ. **Kasāvanti** āmalakharītakānaṃ kasāvaṃ.

299. Na bhikkhave pañbhānaccittanti ettha na kevalaṃ itthipurisarūpameva, tiracchānarūpampi antamaso gaṇḍuppadarūpampi bhikkhuno sayam kātuṃ vā “karohī”ti vattuṃ vā na vaṭṭati, “upāsaka dvārapālaṃ karohī”ti vattumpi na labbhati. Jātakapakaraṇaasadasādānādīni pana pasādāniyāni nibbidāpaṭisaṃyuttāni vā vatthūni parehi kārāpetuṃ labbhati. Mālākammādīni sayampi kātuṃ labbhati.

300. Aḷakamandāti ekañgaṇā manussābhikiññā. **Tayo gabbheti** ettha **sivikāgabbhoti** caturassagabbho. **Nāḷikāgabbhoti** vitthārato diguṇatiguṇāyāmo dīghagabbho. **Hammiyagabbhoti** ākāsatale kūṭāgaragabbho vā muñḍacchadanagabbho vā.

Kalaṅkapādakanti rukkham vijjhivā tattha khāṇuke ākoṭetvā kataṃ, taṃ āharimaṃ bhittipādaṃ jiñṇakuṭṭapādassa upatthambhanattham bhūmiyaṃ paññāpetuṃ anujānāmīti attho. **Parittāṇakīṭikanti** vassaparittāñattham kiṭikaṃ. **Uddasudhanti** vacchakagomayena ceva chārikāya ca saddhiṃ madditamattikaṃ.

Ājindo nāma pamukhaṃ vuccati. **Paghanaṃ** nāma yaṃ nikkhamantā ca pavisantā ca pādehi hananti, tassa vihāradvāre ubhato kuṭṭam nīharitvā katapadesassetam adhivacanaṃ, “paghāna”ntipi vuccati. **Pakuṭṭanti** majjhe gabbhassa samantā pariyaḅāro vuccati. “Pakuṭṭa”ntipi pāṭho. **Osārakanti** anāḷindake vihāre vaṃsaṃ datvā tato daṇḍake osāretvā katachadanapamukhaṃ. **Saṃsāraṇakīṭiko** nāma cakkalayutto kiṭiko.

301. Pānīyabhājananti pivantānaṃ pānīyadānabhājanaṃ. Uḷūko ca thālakañca pānīyasañkhassa anulomāni.

303. Apesīti dīghadārumhi khāṇuke pavesetvā kañṭakasākhāhi vinandhitvā kataṃ dvārathakanakaṃ. **Palighoti** gāmadvāresu viya cakkayuttaṃ dvārathakanakaṃ.

305. Assatārīhi yuttā rathā **assatārīrathā**. **Āmuttamañikuṇḍalāti** āmuttamañikuṇḍalāni.

Parinibbutoti kilesapariniḅbānena parinibbuto. **Sītībhūtoti** kilesātapābhāvena sītībhūto. **Nirūpadhīti** kilesupadhīabhāvena nirūpadhīti vuccati.

Sabbā āsattiyo chetvāti rūpādīsū vā visayesu sabbabhavesu vā patthanāyo chinditvā. **Hadaye daranti** citte kilesadaratham vinetvā. **Veyyāyikanti** vayakaraṇam vuccati.

307. Ādeyyavācoti tassa vacanaṃ bahū janā ādiyitabbaṃ sotabbaṃ maññantīti attho. **Ārāme akaṃsūti** ye sadhanā, te attano dhanena akaṃsu. Ye mandadhanā ceva adhanā ca, tesam dhanam adāsi. Iti so sataśahassakahāpaṇe sataśahassagghanakañca bhañḍam datvā pañcacattālīsajoyanike addhāne yojane yojane vihārapaṭiññānaṃ katvā sāvattim agamāsi.

Koṭisantharam santharāpesīti kahāpaṇakoṭiyā kahāpaṇakoṭim pañipādetvā santhari. Ye tattha rukkha vā pokkharāniyo vā tesam parikkheppamānaṃ gahetvā aññasmim thāne santharitvā adāsi. Evamassa aṭṭhārasakoṭikam nidhānaṃ parikkhayaṃ agamāsi.

Kumārassa etadahosīti gahapatino evam bahudhanaṃ cajantassāpi mukhassa vipasannākāram disvā etaṃ ahoṣi. **Koṭṭhakaṃ māpesīti** sattabhūmikaṃ dvārakoṭṭhakaṃpāsādaṃ māpesi.

Atha kho anāthapiṇḍiko gahapati jetavane vihāre kārāpesi...pe... mañḍape kārāpesīti aparāhipi aṭṭhārasahi koṭṭhi ete vihāradāyo kārāpesi aṭṭhakarīsappamāñāya bhūmiyā. Vipassissa hi bhagavato punabbasumitto gahapati yojanappamānaṃ bhūmim suvañṇaṭṭhakaśantharena kiñitvā vihāram kārāpesi. Sikhissa pana sirivaḍḍho gahapati tigāvutappamānaṃ suvañṇayaṭṭhisantharena, vessabhussa sotthijo gahapati aḍḍhayaṃ yojanappamānaṃ suvañṇaphālasantharena, kakusandhassa pana accuto gahapati gāvutappamānaṃ suvañṇahatthipadasantharena, koṇāgamanassa uggo gahapati aḍḍhagāvutappamānaṃ suvañṇaṭṭhakaśantharena, kassapassa sumāngalo gahapati

vīsatusabhappamāṇaṃ suvaṇṇakacchapasantharena, amhākaṃ bhagavato sudatto gahapati aṭṭhakarīsappamāṇaṃ bhūmiṃ kahāpaṇasantharena kiṇitvā vihāraṃ kārāpesīti; evaṃ anupubbena parihāyanti sampattiyoti alameva sabbasampattīsu virajjitūṃ alaṃ vimuccituntī.

308. Khaṇḍanti bhinnokāso. **Phullanti** phalitokāso. **Paṭisaṅkharissatīti** pākatikaṃ karissati. Laddhanavakammena pana bhikkhunā vāsipharasunikhādanādīni gahetvā sayāṃ na kātabbaṃ, katākataṃ jānitabbaṃ.

310. Piṭṭhito piṭṭhito gantvāti thero kira gilāne paṭijagganto jiṇṇe vuḍḍhe saṅgaṇhanto sabbapacchato āgacchati. Idamassa cārittaṃ. Tena vuttaṃ – “piṭṭhito piṭṭhito gantvā”ti. **Aggāsananti** therāsaṇaṃ. **Aggodakanti** dakkhiṇodakaṃ. **Aggapiṇḍanti** saṅghattherapiṇḍaṃ. **Antarā satthinaṃ karitvāti** catunnaṃ pādānaṃ antare karitvā.

315. Patitṭhāpesīti aṭṭhārasakoṭipariccāgaṃ katvā patitṭhāpesi. Evaṃ sabbāpi catupaṇṇāsakoṭīyo pariccaji.

Vihārānujānanakathā niṭṭhitā.

Āsanappaṭibāhanādīkathā

316. Vipakatabhojanoti antaraghare vā vihāre vā araṇṇe vā yattha katthaci bhuñjamāno bhikkhu aniṭṭhite bhojane na vuṭṭhāpetabbo. Antaraghare pacchā āgatena bhikkhaṃ gahetvā gantabbaṃ. Sace manussā vā bhikkhū vā “pavisathā”ti vadanti, “mayi pavisante bhikkhū uṭṭhahissanti”ti vattabbaṃ. “Etha, bhante, āsanaṃ atthi”ti vuttena pana pavisitabbaṃ. Sace koci kiṅci na vadati, āsanasālaṃ gantvā atisamīpaṃ agantvā sabhāgaṭṭhāne ṭhātabbaṃ. Okāse kate “pavisathā”ti vuttena pana pavisitabbaṃ. Sace pana yaṃ āsanaṃ tassa pāpuṇāti, tattha abhuñjanto bhikkhu nisinnaṃ hoti, taṃ uṭṭhāpetuṃ vaṭṭati. Yāgukhajjakādīsu pana yaṃkiṅci pivitvā vā khādītva vā yāva añño āgacchati, tāva nisinnaṃ rittahattampi vuṭṭhāpetuṃ na vaṭṭati. Vipakatabhojanoyeva hi so hoti.

Sace vuṭṭhāpetīti sace āpattim atikkamitvāpi vuṭṭhāpetiyeva. **Pavārito ca hotīti** yaṃ so vuṭṭhāpeti, ayaṅca bhikkhu pavārito ca hoti, tena vattabbo – “gaccha udakaṃ āharāhi”ti. Vuḍḍhatarāṇhi bhikkhuṃ āṇāpetuṃ idameva ekaṃ ṭhānanti. Sace so udakampi na āharati, tato yaṅca navakatarena kattabbaṃ, taṃ dassento “**sādhukaṃ sitthānī**”tiādīmāha.

Gilānassa patirūpaṃ seyyanti ettha yo kāsabhagandarātīsārādīhi gilāno hoti, kheḷamallakavaccakapālādīni ṭhapetabbāni honti. Kuṭṭhi vā hoti, senāsaṇaṃ dūseti; evarūpassa heṭṭhāpāsādapaṇṇasālādīsu aññatarāṃ ekamantaṃ senāsaṇaṃ dātabbaṃ. Yasmiṃ vasante senāsaṇaṃ na dussati, tassa varaseyyāpi dātabbāva. Yopi sinehapānavirecananattukammādīsu yaṃkiṅci bhesajjaṃ karoti, sabbo so gilānoyeva, tassāpi sallakkhetvā patirūpaṃ senāsaṇaṃ dātabbaṃ. **Lesakappenāti** appakena sīsābādhādīmattena. **Bhikkhū gaṇetvāti** “ettakā nāma bhikkhū”ti vihāre bhikkhūnaṃ paricchedaṃ ṇatvā.

Āsanappaṭibāhanādīkathā niṭṭhitā.

Senāsanaggāhakathā

318. Seyyāti mañcaṭṭhānāni vuccanti. **Seyyaggenāti** seyyāparicchedena, vassūpanāyikadivase kālaṃ ghosetvā ekamañcaṭṭhānaṃ ekassa bhikkhuno gāhetuṃ anujānāmīti attho. **Seyyaggena gāhentāti** seyyāparicchedena gāhiyamānā. **Seyyā ussārayimsūti** mañcaṭṭhānāni atirekāni ahesuṃ. Vihāraggādīsūpi eseva nayo. **Anubhāganti** puna aparampi bhāgaṃ dātuṃ. Atimandesu hi bhikkhūsu ekekassa bhikkhuno dve tīṇi pariveṇāni dātabbāni. **Na akāmā dātabboti** anicchāya na dātabbo. Tattha vassūpanāyikadivase gahite anubhāge pacchā āgatānaṃ na attano aruciyā so anubhāgo dātabbo. Sace pana yena gahito, so ca attano ruciyā taṃ anubhāgaṃ vā paṭhamabhāgaṃ vā deti, vaṭṭati.

Nissīme ṭhitassāti upacārasīmato bahi ṭhitassa. Anto upacārasīmāya pana dūre ṭhitassāpi labbhatiyeva. **Senāsaṇaṃ gahetvāti** vassūpanāyikadivase gahetvā. **Sabbakālaṃ paṭibāhanīti** catumāsaccayena utukālepi paṭibāhanti. Tīsu senāsanaggāhesu purimako ca pacchimako cāti ime dve gāhā thāvarā.

Antarāmuttake ayaṃ vinicchayo – ekasmiṃ vihāre mahālābhasenāsaṇaṃ hoti. Senāsanasāmikā vassūpagataṃ bhikkhuṃ sabbapaccayehi sakkaccaṃ upaṭṭhahitvā pavāretvā gamanakāle bahuṃ samaṇaparikkhāraṃ denti. Mahātherā dūratoṃ āgantvā vassūpanāyikadivase taṃ gahetvā phāsuṃ vasitvā vutthavassā lābhaṃ gaṇhitvā pakkamanti. Āvāsikā “mayāṃ etthuppannaṃ lābhaṃ na labhāma, niccaṃ āgantukamahātherāva labhanti, teyeva naṃ āgantvā paṭijaggissanti”ti palujjantampi na olokeṃti. Bhagavā tassa paṭijagganattaṃ “aparajjugatāya pavāraṇāya āyatim vassāvāsattāya antarāmuttako gāhetabbo”ti āha.

Taṃ gāhentena saṅghatthero vattabbo – “bhante antarāmuttakasenāsanam gaṇhathā”ti. Sace gaṇhāti, dātabbam; no ce eteneva upāyena anutheraṃ ādim katvā yo gaṇhāti, tassa antamaso sāmaṇerassāpi dātabbam. Tena taṃ senāsanam aṭṭhamāse paṭijaggitabbam. Chadanabhittibhūmīsu yaṃ kiñci khaṇḍam vā phullam vā hoti, taṃ sabbam paṭisaṅkharitabbam. Uddesaparipucchādīhi divasaṃ khetvā rattim tattha vasitumpi vaṭṭati. Utukāle āgatānam vuḍḍhānam na paṭibāhitabbam. Vassūpanāyikadivase pana sampatte sace saṅghatthero “mayhaṃ idaṃ senāsanam dethā”ti vadati, na labhati. “Bhante, idaṃ antarāmuttakam gahetvā aṭṭhamāse ekena bhikkhunā paṭijaggita”nti vatvā na dātabbam. Aṭṭhamāse paṭijaggakabhikkhusseva gahitam hoti.

Yasmiṃ pana senāsane ekasaṃvacchare dvikkhattuṃ paccaye denti chamāsaccayena chamāsaccayena, taṃ antarāmuttakam na gāhetabbam. Yasmiṃ vā tikkhattuṃ denti catumāsaccayena catumāsaccayena, yasmiṃ vā catukhattuṃ denti temāsaccayena temāsaccayena, taṃ antarāmuttakam na gāhetabbam. Paccayeneva hi taṃ paṭijagganam labhissati. Yasmiṃ pana ekasaṃvacchare sakideva bahupaccaye denti, etaṃ antarāmuttakam gāhetabbanti. Ayaṃ tāva antovasse vassūpanāyikadivasena pāḷiyam āgatasenāsanaggāhakathā.

Ayaṃ pana senāsanaggāho nāma duvidho hoti – utukāle ca vassāvāse ca. Tattha utukāle tāva keci āgantukā bhikkhū purebhattam āgacchanti, keci pacchābhattam paṭhamayāmam vā majjhimayāmam vā pacchimayāmam vā ye yadā āgacchanti, tesam tadāva bhikkhū uṭṭhāpetvā senāsanam dātabbam. Akālo nāma natthi. Senāsanapaññāpakena pana paṇḍitena bhavitabbam, ekaṃ vā dve vā mañcaṭṭhānāni ṭhapetabbāni. Sace vikāle eko vā dve vā therā āgacchanti, te vattabbā – “bhante, ādito paṭṭhāya vuṭṭhāpiyamāne sabbepi bhikkhū ubbhaṇḍikā bhavissanti, tumhe amhākam vasanaṭṭhāneyeva vasathā”ti.

Bahūsu pana āgatesu vuṭṭhāpetvā paṭipāṭiyā dātabbam. Sace ekekaṃ pariveṇam pahoti, ekekaṃ pariveṇam dātabbam. Tattha aggisālādīghasālamāṇḍalamālādayo sabbepi tasseva pāpuṇanti. Evaṃ appahonte pāsādaggena dātabbam. Pāsādesu appahontesu ovarakaggena dātabbam. Ovarakesu appahontesu seyyaggena dātabbam. Seyyaggesu appahontesu mañcaṭṭhānena dātabbam. Mañcaṭṭhāne appahonte ekapīṭhakaṭṭhānavasena dātabbam. Bhikkhuno pana ṭhitokāsamattam na gāhetabbam. Etañhi senāsanam nāma na hoti. Pīṭhakaṭṭhāne pana appahonte ekaṃ mañcaṭṭhānam vā pīṭhakaṭṭhānam vā vārena vārena gahetvā “bhante, vissamathā”ti tiṇṇam janānam dātabbam, na hi sakkā sītasamaye sabbarattim ajjhokāse vasitum. Mahātherena paṭhamayāmam vissamitvā nikkhamitvā dutiyattherassa vattabbam – “āvuso, idha pavisāhi”ti. Sace mahāthero niddāgaruko hoti, kālam na jānāti, ukkāsitvā dvāram ākoṭevā “bhante, kālo jāto, sītam anudahati”ti vattabbam. Tena nikkhamitvā okāso dātabbo, adātuṃ na labhati. Dutiyattherenapi majjhimayāmam vissamitvā purimanayeneva itarassa dātabbam. Niddāgaruko vuttanayeneva vuṭṭhāpetabbo. Evaṃ ekarattim ekamañcaṭṭhānam tiṇṇam dātabbam. Jambudīpe pana ekacce bhikkhū “senāsanam nāma mañcaṭṭhānam vā pīṭhakaṭṭhānam vā kiñciveva kassaci sappāyam hoti, kassaci asappāya”nti āgantukā hontu vā mā vā, devasikaṃ senāsanam gāhenti. Ayaṃ utukāle senāsanaggāho nāma.

Vassāvāse pana atthi āgantukavattam, atthi āvāsikavattam, āgantukena tāva sakaṭṭhānam muñcitvā aññattha gantvā vasitukāmena vassūpanāyikadivasameva tattha na gantabbam. Vasanaṭṭhānam vā hi tatra sambādham bhaveyya, bhikkhācāro vā na sampajjeyya, tena na phāsum vihareyya. Tasmā “idāni māsamattena vassūpanāyikā bhavissati”ti taṃ vihāram pavisitabbam. Tattha māsamattam vasanto sace uddesatthiko uddesasampattim sallakkhetvā, sace kammaṭṭhāniko kammaṭṭhānasappāyatam sallakkhetvā, sace paccayatthiko paccayalābham sallakkhetvā antovasse sukham vasissati.

Sakaṭṭhānato ca tattha gacchantena na gocaragāmo ghaṭṭetabbo, na tattha manussā vattabbā – “tumhe nissāya salākabhaddādīni vā yāgukhajjakādīni vā vassāvāsikaṃ vā natthi, ayaṃ cetiyassa parikkhāro, ayaṃ uposathāgārassa, idaṃ tālañceva sūci ca sampaticchatha tumhākam vihāra”nti. Senāsanam pana jaggitvā dārubhaṇḍamattikābhaṇḍāni paṭisāmetvā gamiyavattam pūretvā gantabbam. Evaṃ gacchantenāpi daharehi pattacīvarabhaṇḍikāyo ukkhipāpetvā telanālikattaradaṇḍādīni gāhāpetvā chattaṃ paggayha attānam dassentena gāmadvāreneva na gantabbam, paṭicchannena aṭṭavimaggena gantabbam. Aṭṭavimagge asati gumbādīni maddantena na gantabbam, gamiyavattam pana pūretvā vitakkaṃ chinditvā suddhacittena gamanavatteneva gantabbam. Sace pana gāmadvārena maggo hoti, gacchantañca naṃ saparivāram disvā manussā “amhākam thero viyā”ti upadhāvitvā “kuhiṃ, bhante, sabbaparikkhāre gahetvā gacchathā”ti vadanti, tesu ce eko evaṃ vadati – “vassūpanāyikakālo nāmāyam, yattha antovasse nibaddhabhikkhācāro bhaṇḍapaṭicchādanañca labhati, tattha bhikkhū gacchanti”ti. Tassa ce sutvā ce manussā “bhante, imasmimpi gāme jano bhuñjati ceva nivāseti ca, mā aññattha gacchathā”ti vatvā mittāmacce pakkosāpetvā sabbe sammantayitvā vihāre nibaddhavattañca salākabhaddādīni ca vassāvāsikañca paṭṭhapetvā “idheva bhante vasathā”ti yācanti, sabbam sādītum vaṭṭati. Sabbañhetam kappiyañceva anavajjañca. Kurundiyaṃ pana “kuhiṃ gacchathā”ti vutte ‘asukaṭṭhāna’nti vatvā, ‘kasmā tattha gacchathā’ti vutte ‘kāraṇam ācikkhitabba’nti vuttaṃ. Ubhayampi panettha suddhacittatvā anavajjam. Idaṃ āgantukavattam nāma.

Idaṃ pana āvāsikavattaṃ – paṭikacceva hi āvāsikehi vihāro jaggitabbo. Khaṇḍaphullapaṭisaṅkharāṇaparibhaṇḍāni kātābbāni. Rattiṭṭhānadivāṭṭhānavaccakuṭipassāvāṭṭhānāni padhānagharavihāramaggoti imāni sabbāni paṭijaggitabbāni, cetiye sudhākammaṃ muddavedikāya telamakkhanaṃ mañcapīṭṭhapaṭijaggananti idampi sabbam kātābbam – “vassam vasitukāma āgantvā uddesaparipucchākammaṭṭhānānyogādīni karontā sukham vasissanti”ti. Kataparikkammehi āsāḷhijunhapañcamito paṭṭhāya vassāvāsikam pucchitabbam. Kattha pucchitabbam? Yato pakatiyā labbhati. Yehi pana na dinnapubbam, te pucchitum na vaṭṭati. Kasmā pucchitabbam? Kadāci hi manussā denti, kadāci dubbhikkhādīhi upaddutā na denti. Tattha ye na dassanti, te apucchitvā vassāvāsike gāhite gāhitabhikkhūnaṃ lābhantarāyo hoti, tasmā pucchitvā gāhetabbam, pucchantena “tumhākaṃ vassāvāsikaggāhakakālo upakaṭṭho”ti vattabbam. Sace vadanti “bhante, imaṃ samvaccaraṃ chātakādīhi upaddutamha, na sakkoma dātu”nti vā “yaṃ mayam pubbe dema, tato ūnatarāṃ dassāmā”ti vā “idāni kappāso sulabho, yaṃ pubbe dema, tato bahutarāṃ dassāmā”ti vā vadanti, taṃ sallakkhetvā tadanurūpena nayena tesam tesam senāsane bhikkhūnaṃ vassāvāsikam gāhetabbam.

Sace manussā vadanti – “yassa amhākaṃ vassāvāsikam pāpuṇāti, so temāsam pānīyaṃ upaṭṭhāpetu, vihāramaggam jaggatu, cetiyaṅgaṇabodhiyaṅgaṇāni jaggatu, bodhirukkhe udakaṃ āsiñcatu”ti, yassa taṃ pāpuṇāti, tassa ācikkhitabbam. Yo pana gāmo paṭikkamma yojanadvijoyanantare hoti, tatra ce kulāni upanikkhepaṃ ṭhapetvā vihāre vassāvāsikam dentiyeva, tāni kulāni apucchitvāpi tesam senāsane vattaṃ katvā vasantassa vassāvāsikam gāhetabbam. Sace pana tesam senāsane paṃsukūliko vasati, āgatañca taṃ disvā “tumhākaṃ vassāvāsikam demā”ti vadanti, tena saṅghassa ācikkhitabbam. Sace tāni kulāni saṅghassa dātuṃ na icchanti, “tumhākaṃyeva demā”ti vadanti, sabhāgo bhikkhu “vattaṃ katvā gaṇhāhi”ti vattabbo. Paṃsukūlikassa panetaṃ na vaṭṭati, iti saddhādeyye dāyakamanussā pucchitabbā.

Tatruppāde pana kappiyakārakā pucchitabbā. Kathaṃ pucchitabbā? “Kiṃ, āvuso, saṅghassa bhaṇḍapaṭicchādanam bhavissati”ti. Sace vadanti – “bhavissati, bhante, ekekassa navahatthaṃ sātakaṃ dassāma, vassāvāsikam gāhetā”ti, gāhetabbam. Sacepi vadanti – “sātakaṃ natthi; vatthu pana atthi, gāhetā, bhante”ti, vatthumhi santepi gāhetum vaṭṭatiyeva. Kappiyakārakānañhi hatthe “kappiyabhaṇḍam paribhuñjathā”ti dinnavatthuto yaṃ yaṃ kappam, taṃ taṃ sabbam paribhuñjitum anuññātam.

Yaṃ panettha piṇḍapātathāya gilānapaccayatthāya vā uddissa dinnam, taṃ cīvare upanāmentehi saṅghasutthutāya apaloketvā upanāmetabbam. Senāsanatthāya uddissa dinnam garubhaṇḍam hoti, cīvaravaseneva catupaccayavasena vā dinnam cīvare upanāmentānaṃ apalokanakammakiccaṃ natthi, apalokanakammaṃ karontehi ca puggalavaseneva kātābbam, saṅghavasena na kātābbam. Jātarūparajatavasenāpi āmakadhāññavasena vā apalokanakammaṃ na vaṭṭati. Kappiyabhaṇḍavasena cīvarataṇḍulādivaseneva ca vaṭṭati. Taṃ pana evaṃ kattabbam – “idāni subhikkham sulabhapiṇḍam, bhikkhū cīvarena kilamanti, ettakaṃ nāma taṇḍulabhāgaṃ bhikkhūnaṃ cīvaraṃ kātuṃ rucati”ti. “Gilānapaccayo sulabho gilāno vā natthi, ettakaṃ nāma taṇḍulabhāgaṃ bhikkhūnaṃ cīvaraṃ kātuṃ rucati”ti.

Evaṃ cīvarapaccayaṃ sallakkhetvā senāsanassa kāle ghosite sannipatite saṅhe senāsanaggāhako sammannitabbo. Sammāntena ca dve sammannitabbāti vuttaṃ. Evañhi navako vuḍḍhatarassa, vuḍḍho ca navakassa gāhessati. Mahante pana mahāvihārasadise vihāre tayo cattāro janā sammannitabbā. Kurundiyam pana “aṭṭhapi soḷasapi jane sammannitum vaṭṭati”ti vuttaṃ. Tesam sammuti kammavācāyapi apalokanenapi vaṭṭatiyeva.

Tehi sammatehi bhikkhūhi senāsanam sallakkhetabbam, cetiyagharam bodhigharam āsanagharam sammunjanīyaṭṭo dāruyaṭṭo vaccakuṭi iṭṭhakasālā vaḍḍhakisālā dvārakoṭṭhako pānīyamālo maggo pokkharāṇīti etāni hi asenāsanāni, vihāro aḍḍhayogo pāsādo hammiyam guhā maṇḍapo rukkhamūlam velugumboti imāni senāsanāni, tāni gāhetabbāni. Gāhentena ca “paṭhamam bhikkhū gaṇetum, bhikkhū gaṇetvā seyyā gaṇetu”nti ettha vuttanayena gāhetabbāni. Sace saṅghiko ca saddhādeyyo cāti dve cīvarapaccayā honti, tesu yaṃ bhikkhū paṭhamam gaṇhitum icchanti, taṃ gāhetvā tassa ṭhitikato paṭṭhāya itaro gāhetabbo.

Sace pana bhikkhūnaṃ appatāya pariveṇaggena senāsane gāhiyamāne ekaṃ pariveṇam mahālābham hoti, dasa vā dvādasa vā cīvarāni labhanti, taṃ vijaṭetvā aññesu alābhakesu āvāsesu pakkhipitvā aññesampi bhikkhūnaṃ gāhetabbanti mahāsumatthero āha. Mahāpadumatthero panāha – “na evaṃ kātābbam, manussā hi attano āvāsajagganattāya paccayaṃ denti, tasmā aññehi bhikkhūhi tattha pavisitabba”nti. Sace panettha mahāthero paṭikkosati – “māvuso, evaṃ gāhetā, bhagavato anusīṭṭhim karotha, vuttañhetam bhagavatā – ‘anujānāmi, bhikkhave, pariveṇaggena gāhetu’”nti tassa paṭikkosanāya aṭṭhatvā “bhante bhikkhū bahū, paccayo mando, saṅgham kātuṃ vaṭṭati”ti taṃ saññāpetvā gāhetabbameva.

Gāhentena ca sammatena bhikkhūnaṃ mahātherassa santikam gantvā evaṃ vattabbam – “bhante, tumhākaṃ senāsanam pāpuṇāti, gaṇhatha paccayaṃ dhāretā”ti. “Asukakulassa paccayo asukasenāsanañca mayham pāpuṇāti, āvuso”ti, “pāpuṇāti, bhante, gaṇhatha na”nti, “gaṇhāmi, āvuso”ti, gahitam hoti. Sace pana “gahitam vo, bhante”ti vutte “gahitam me”ti vā “gaṇhissatha, bhante”ti vutte “gaṇhissāmi”ti vā vadati, “agahitam hoti”ti mahāsumatthero

āha. Mahāpadumatthero panāha – “atītānāgatavacanam vā hotu, vattamānavacanam vā, satuppādamattaālayakaraṇamattameva cettha pamāṇam, tasmā gahitameva hotī”ti.

Yopi paṃsukūliko bhikkhu senāsanam gahetvā paccayam vissajjeti, ayampi na aññasmiṃ āvāse pakkhipitabbo. Tasmimyeva pariveṇe aggisālāya vā dīghasālāya vā rukkhāmūle vā aññassa gāhetum vaṭṭati. Paṃsukūliko “vasāmi”ti senāsanam jaggissati, itaro “paccayam gaṇhāmi”ti, evaṃ dvīhi kāraṇehi senāsanam sujaggitataram bhavissati. Mahāpaccariyam pana vuttam – “paṃsukūlike vāsathāya senāsanam gaṇhante senāsanaggāhāpakena vattabam – ‘bhante, idha paccayo atthi, so kiṃ kātabbo’ti. Tena ‘heṭṭhā aññam gāhāpehi’ti vattabbo. Sace pana kiñci avatvā vasati, vutthavassassa ca pādāmūle ṭhapetvā sātakaṃ denti, vaṭṭati. Atha vassāvāsikaṃ demāti vadanti, tasmim senāsane vassamvutthabhikkhūnam pāpuṇāti”ti. Yesam pana senāsanam natthi; kevalam paccayameva denti, tesam paccayam avassāvāsike senāsane gāhetum vaṭṭati.

Manussā thūpaṃ katvā vassāvāsikaṃ gāhāpentī, thūpo nāma asenāsanam, tassa samīpe rukkhe vā maṇḍape vā upanibandhitvā gāhāpetabbam. Tena bhikkhūna cetiyam paṭijaggitabbam. Bodhirukkhabodhigharaāsanagharasammunījanīyaṭṭadāruaṭṭavaccakuṭṭidvārakoṭṭhakapānīyamālakadantakaṭṭhamālakasupi eseva nayo. Bhojanasālā pana senāsanameva, tasmā tam ekassa vā bahūnam vā paricchinditvā gāhetum vaṭṭatīti sabbamidaṃ vitthārena mahāpaccariyam vuttam.

Senāsanaggāhāpakena pana paṭipadaaruṇato paṭṭhāya yāva puna aruṇam na bhijjati tāva gāhetabbam, idaṇhi senāsanaggāhassa khettam. Sace pātova gāhite senāsane añño vitakkacāriko bhikkhu āgantvā senāsanam yācati, “gahitam, bhante, senāsanam, vassūpagato saṅgho, ramaṇīyo vihāro, rukkhāmūlādīsu yattha icchatha tattha vasathā”ti vattabbo. Vassūpagatehi antovasse nibaddhavattam ṭhapetvā vassūpagatā bhikkhū “sammunījaniyo bandhathā”ti vattabbā. Sulabhā ce daṇḍakā ceva salākāyo ca honti, ekekena cha pañca muṭṭhisammunījaniyo, dve tisso yaṭṭhisammunījaniyo vā bandhitabbā. Dullabhā ce honti, dve tisso muṭṭhisammunījaniyo ekā yaṭṭhisammunījanī bandhitabbā. Sāmaṇerehi pañca pañca ukkā koṭṭetabbā. Vasanatṭhāne kasāvaparibhaṇḍam kātabbam.

Vattam karontehi pana “na uddisitabbam, na uddisāpetabbam, na sajjhāyo kātabbo, na pabbājetabbam, na upasampādetabbam, na nissayo dātabbo, na dhammasavanam kātabbam, sabbeva hi ete papañcā. Nippapañcā hutvā samaṇadhamameva karissāmā”ti vā “sabbe terasa dhutaṅgāni samādiyantu, seyyam akappetvā ṭhānacaṅkamehi vītināmentu, mūgabbatam gaṇhantu, sattāhakarāṇīyena gatāpi bhājanīyabhaṇḍam labhantū”ti vā evarūpaṃ adhammikavattam na kātabbam. Evaṃ pana kātabbam – pariyaṭṭidhammo nāma tividhampi saddhammaṃ patiṭṭhāpeti; tasmā sakkaccaṃ uddisatha, uddisāpetha, sajjhāyam karotha, padhānaghare vasantānam saṅghaṭṭanam akatvā antovihāre nisīditvā uddisatha, uddisāpetha, sajjhāyam karotha, dhammasavanam samiddham karotha, pabbājentā sodhetvā pabbājetha, sodhetvā upasampādettha, sodhetvā nissayam detha, ekopi hi kulaputto pabbajjam upasampadañca labhitvā sakalasāsanam patiṭṭhāpeti, attano thāmena yattakāni sakkotha tattakāni dhutaṅgāni samādiyatha. Antovassam nāmetam sakaladivasam rattiyā ca paṭhamapacchimayāmesu appamattehi bhavitabbam, vīriyam ārabhitabbam. Porāṇakamahātherāpi sabbapalībodhe chinditvā antovasse ekacārikavattam pūrayimisu, bhasse mattam jānitvā dasavatthukakatham dasaasubhadāsānussatiṭṭhatimśarammaṇakathañca kātum vaṭṭati, āgantukānam vattam kātum sattāhakarāṇīyena gatānam apaloketvā dātum vaṭṭatīti evarūpaṃ vattam kātabbam.

Apica bhikkhū ovaditabbā – “vigāhikapisuṇapharusavacanāni mā vadatha, divase divase sīlāni āvajjentā caturārakkham ahāpentā manasikārahulā viharathā”ti. Dantakaṭṭhakhādanavattam ācikkhitabbam, cetiyam vā bodhim vā vandantena gandhamālam vā pūjentena pattam vā thavikāya pakkhipantena na kathetabbam, bhikkhācāravattam ācikkhitabbam – “antogāme manussehi saddhim paccayasaññuttakathā vā visabhāgakathā vā na kathetabbā, rakkhitindriyehi bhavitabbam, khandhakavattañca sekhiyavattañca pūretabba”nti evarūpā bahukāpi niyyānikakathā ācikkhitabbāti.

Pacchimavassūpanāyikadivase pana sace kālam ghoṣetvā sannipatite saṅghe koci dasahattham vattham āharitvā vassāvāsikaṃ deti, āgantuko sace bhikkhu saṅghatthero hoti, tassa dātabbam. Navako ce hoti, sammatena bhikkhūna saṅghatthero vattabbo – “sace bhante icchatha, paṭhamabhāgam muñcitvā idaṃ vattham gaṇhathā”ti, amuñcantassa na dātabbam. Sace pana pubbe gāhitam muñcitvā gaṇhāti, dātabbam. Etenevupāyena dutiyattherato paṭṭhāya parivattetvā pattaṭṭhāne āgantukassa dātabbam. Sace paṭhamavassūpagatā dve tīni cattāri pañca vā vatthāni alatthum, laddham laddham etenevupāyena vissajjāpetvā yāva āgantukassa samakam hoti, tāva dātabbam. Tena pana samake laddhe avasiṭṭho anubhāgo therāsane dātabbo. Paccuppanne lābhe satī ṭhitikāya gāhetum katikam kātum vaṭṭati.

Sace dubbhikkham hoti, dvīsipi vassūpanāyikāsu vassūpagatā bhikkhū bhikkhāya kilamantā “āvuso, idha vasantā sabbeva kilamāma, sādhu vata dvebhāgā homa, yesam nītipavāritāṭṭhānāni atthi, te tattha vasitvā pavāraṇāya āgantvā attano pattam vassāvāsikaṃ gaṇhantū”ti vadanti, tesu ye tattha vasitvā pavāraṇāya āgacchanti, tesam apaloketvā vassāvāsikaṃ dātabbam. Sādiyantāpi hi te neva vassāvāsikassa sāmīno, khīyantāpi ca āvāsikā neva adātum labhanti.

Kurundiyam pana vuttam – “katikavattam katabbam – ‘sabbesam no idha yagubhattam nappahoti, sabhagattthane vasitva agacchatha, tumhakaṃ pattam vassāvāsikaṃ labhissathā”ti. Tañce eko paṭibāhati, supaṭibāhitam; no ce paṭibāhati, katikā sukata. Pacchā tesam tattha vasitva āgatānam apaloketvā dātabbam, apalokanakāle paṭibāhitam na labbhati”ti. Punapi vuttam – “sace vassūpagatesu ekaccānam vassāvāsike apāpuṇante bhikkhū katikaṃ karonti – ‘chinnavassānam vassāvāsikaṃca idāni uppajjanakavassāvāsikaṃca imesaṃ dātuṃ ruccati”ti evaṃ katikāya katāya gāhitasadisameva hoti, uppannuppannam tesameva dātabba”nti.

Temāsam pānīyam upaṭṭhāpetvā vihāramaggacetiyaṅgaṇabodhiyaṅgaṇāni jaggitvā bodhirukkhe udakaṃ siñcitvā pakkantopi vibbhantopi vassāvāsikaṃ labhatiyeva. Bhatinivittāhāni tena katam. Saṅghikaṃ pana apalokanakammaṃ katvā gāhitam antovasse vibbhantopi labhateva. Paccayavasena gāhitam pana na labhatīti vadanti.

Sace vutthavasso disaṅgamiko bhikkhu āvāsikassa hatthato kiñciveva kappiyabhaṇḍam gahetvā “asukakule mayham vassāvāsikaṃ pattam, tam gaṇhathā”ti vatvā gataṭṭhāne vibbhamati, vassāvāsikaṃ saṅghikaṃ hoti. Sace pana manusse sammukhā sampaṭicchāpetvā gacchati, labhati. “Idam vassāvāsikaṃ amhākaṃ senāsane vutthabhikkhuno demā”ti vutte, yassa gāhitam tasseva hoti. Sace pana senāsanasāmikassa piyakamyatāya puttadhītādayo bahūni vatthāni āharitvā “amhākaṃ senāsane demā”ti denti, tattha vassūpagatassa ekameva vattham dātabbam, sesāni saṅghikāni honti, vassāvāsikaṭṭhitikāya gāhetabbāni. Ṭhitikāya asati therāsanato paṭṭhāya gāhetabbāni. Senāsane vassūpagatam bhikkhum nissāya uppanna cittaṃpasādena bahūni vatthāni āharitvā “senāsanassa demā”ti dinnesupi eseva nayo. Sace pana pādāmūle ṭhapetvā “etassa bhikkhuno demā”ti vadanti, tasseva honti.

Ekassa gehe dve vassāvāsikāni – paṭhamabhāgo sāmaṇerassa gāhito hoti, dutiyo therāsane. So ekaṃ dasahattham, ekaṃ aṭṭhahattham sāṭakaṃ peseti “vassāvāsikaṃ pattabhikkhūnam dethā”ti vicinitvā varabhāgam sāmaṇerassa datvā anubhāgo therāsane dātabbo. Sace pana ubhopi gharam netvā bhojetvā sayameva pādāmūle ṭhapeti, yaṃ yassa dinnam, tadeva tassa hoti.

Ito param mahāpaccariyam āgatanayo hoti – “ekassa ghare daharasāmaṇerassa vassāvāsikaṃ pāpuṇāti, so ce pucchati – ‘amhākaṃ vassāvāsikaṃ kassa patta’nti, ‘sāmaṇerassa’ti avatvā ‘dānakāle jānissasi’ti vatvā dānadivase ekaṃ mahātheram pesetvā nīharāpetabbam. Sace yassa vassāvāsikaṃ pattam, so vibbhamati vā kālam vā karoti, manussā ce pucchanti – ‘kassa amhākaṃ vassāvāsikaṃ patta’nti, tesam yathābhūtam ācikkhitabbam. Sace te vadanti – ‘tumhākaṃ demā’ti, tassa bhikkhuno pāpuṇāti. Atha saṅghassa vā gaṇassa vā denti, saṅghassa vā gaṇassa vā pāpuṇāti. Sace vassūpagatā suddhapaṃsukūlikāyeva honti, ānetvā dinnam vassāvāsikaṃ senāsanaparikkharam vā katvā ṭhapetabbam, bimbohanādīni vā kātabbāni”ti. Idam nevāsikavattam.

Senāsanaggāhakathā niṭṭhitā.

Upanandavatthukathā

319. Upanandavatthusmiṃ – tattha tayā moghapurisa gahitam idha muttam, idha tayā gahitam tatra muttanti ettha ayamatto – yaṃ tayā tattha senāsanam gahitam, tam te gaṇhanteneva idha muttam hoti. “Idha dānāham, āvuso, muñcāmi”ti vadantena pana tam tatrāpi muttam. Evaṃ tvaṃ ubhayattha paribāhīroti.

Yam panettha vinicchayo – gahaṇena gahaṇam paṭippassambhati, gahaṇena ālayo paṭippassambhati, ālayena gahaṇam paṭippassambhati, ālayena ālayo paṭippassambhati. Katham? Idhekacco vassūpanāyikadivase ekasmiṃ vihāre senāsanam gahetvā sāmantavihāram gantvā tatrāpi gaṇhāti, tassa iminā gahaṇena purimam gahaṇam paṭippassambhati. Aparo “idha vasissāmi”ti ālayamattam katvā sāmantavihāram gantvā tattha senāsanam gaṇhāti, tassa iminā gahaṇena purimo ālayo paṭippassambhati. Eko “idha vasissāmi”ti senāsanam vā gahetvā ālayam vā katvā sāmantavihāram gantvā “idheva dāni vasissāmi”ti ālayam karoti, iccassa ālayena vā gahaṇam ālayena vā ālayo paṭippassambhati, sabbattha pacchime gahaṇe vā ālaye vā tiṭṭhati. Yo pana “ekasmiṃ vihāre senāsanam gahetvā aññasmiṃ vihāre vasissāmi”ti gacchati, tassa upacārasimātikame senāsanaggāho paṭippassambhati. Yadi pana “tattha phāsu bhavissati, vasissāmi; no ce, āgamissāmi”ti gantvā aphāsubhāvam ṇatvā paccāgacchati, vaṭṭati.

320. Tivassantarenāti ettha tivassantaro nāma yo dvīhi vassehi mahantataro vā daharataro vā hoti. Yo pana ekena vassena mahantataro vā daharataro vā hoti, yo vā samānavasso, tattha vattabbameva natthi. Ime sabbe ekasmiṃ mañce vā piṭhe vā dve dve hutvā nisīditum labhanti. Yam tiṇṇam pahoti, tam samhārimam vā hotu asaṃhārimam vā, tathārūpe api phalakakhaṇḍe anupasampannēpi saddhiṃ nisīditum vaṭṭati.

Hatthinakhakanti hatthikumbhe paṭiṭṭhitam; evam katassa kiretam nāmam. **Sabham pāsādaparibhoganti** suvaṇṇarajatādivicitrāni kavāṭāni mañcapīṭhāni tālavaṇṇāni suvaṇṇarajatamayapānīyaghaṭapānīyasarāvāni yaṃkiñci cittakammakatam, sabham vaṭṭati. “Pāsādassa dāsīdasaṃ khattavatthum gomahiṃsam demā”ti vadanti, pāṭekkam

gahaṇakiccaṃ natthi, pāsāde paṭiggahite paṭiggahitameva hoti. Gonakādīni saṅghikavihāre vā puggalikavihāre vā mañcapīṭhakesu attharivā paribhuñjitum na vaṭṭanti. Dhammāsane pana gihivikaṭānihārena labbhanti, tatrāpi nipajjitum na vaṭṭati.

Upanandavattukathā niṭṭhitā.

Avisajjiyavattukathā

321. Pañcimānīti rāsivasena pañca, sarūpavasena panetāni bahūni honti. Tattha **ārāmo** nāma pupphārāmo vā phalārāmo vā. **Ārāmatvattu** nāma tesameva ārāmānaṃ atthāya paricchindivā ṭhapitokāso; tesu vā ārāmesu vinatṭhesu tesam porāṇakabhūmibhāgo. **Vihāro** nāma yaṃkiñci pāsādādisenāsanaṃ. **Vihāratvattu** nāma tassa patiṭṭhānokāso. **Mañico** nāma – masārako, bundikābaddho, kuḷirapādako āhaccapādakoti imesaṃ pubbe vuttānaṃ catunnaṃ mañcānaṃ aññataro. **Pīṭhaṃ** nāma masārakādīnaṃyeva catunnaṃ pīṭhānaṃ aññataraṃ. **Bhisi** nāma uṇṇabhisiādīnaṃ pañcannaṃ aññatarā. **Bimbohanaṃ** nāma vuttappakārānaṃ bimbohanānaṃ aññataraṃ. **Lohakumbhī** nāma kāḷalohena vā tambalohena vā yena kenaci lohena katā kumbhī. **Lohabhāṇakā**dīsipi eseva nayo. Ettha pana **bhāṇakanti** arañjaro vuccati. **Vārakoti** ghaṭo. **Kaṭāhaṃ** kaṭāhameva. **Vāsi**ādīsu **vallī**ādīsu ca duviññeyyaṃ nāma natthi. Evaṃ –

Dvisaṅgahāni dve honti, tatiyaṃ catusaṅgahaṃ;
Catutthaṃ navakoṭṭhāsaṃ, pañcamaṃ aṭṭhabhedanaṃ.

Iti pañcahi rāsīhi, pañcanimmalalocano;
Pañcavīsavidhaṃ nātho, garubhaṇḍaṃ pakāsaya.

Tatrāyaṃ vinicchayakathā – idaṃhi sabbampi garubhaṇḍaṃ idha avisajjiyaṃ, kīṭṭāgirivatthusmiṃ
“avebhaṅgiya”nti vuttaṃ. Parivāre pana –

“Avisajjiyaṃ avebhaṅgiyaṃ, pañca vuttā mahesinā;
Vissajjentassa paribhuñjantassa anāpatti,
Pañhā mesā kusalehi cintitā”ti. (pari. 479) –

Āgataṃ. Tasmā mūlacchejjasena avisajjiyaṃ avebhaṅgiyañca parivattanavasena pana vissajjentassa paribhuñjantassa ca anāpattīti evamettha adhippāyo veditabbo.

Tatrāyaṃ anupubbikathā – idaṃ tava pañcavidhampi cīvarapiṇḍapātābhesajjathāya upanetuṃ na vaṭṭati. Thāvarena ca thāvaram garubhaṇḍena ca garubhaṇḍaṃ parivattetuṃ vaṭṭati. Thāvare pana khettaṃ vatthu taḷākaṃ mātikāti evarūpaṃ bhikkhusaṅghassa vicāretuṃ vā sampaṭicchituṃ vā adhivāsetuṃ vā na vaṭṭati, kappiyakārakeheva vicāritato kappiyabhaṇḍaṃ vaṭṭati. Ārāmena pana ārāmaṃ ārāmatvattuṃ vihāraṃ vihāratvattuntī imāni cattāri parivattetuṃ vaṭṭati.

Tatrāyaṃ parivattananayo – saṅghassa nāḷikerārāmo dūre hoti, kappiyakārakā vā bahutaraṃ khādanti. Yampi na khādanti, tato sakaṭavetaṇaṃ datvā appameva haranti. Aññesaṃ pana tassa ārāmassa avidūragāmaṃvāsīnaṃ manussānaṃ vihārassa samīpe ārāmo hoti, te saṅghaṃ upasaṅkamitvā sakena ārāmena taṃ ārāmaṃ yācanti, saṅghena “ruccati saṅghassa”ti apaloketvā sampaṭicchitabbo. Sacepi bhikkhūnaṃ rukkhāsahassaṃ hoti, manussānaṃ pañca satāni, “tumhākaṃ ārāmo khuddako”ti na vattabbaṃ. Kiñcāpi hi ayaṃ khuddako, atha kho itarato bahutaraṃ āyaṃ deti. Sacepi samakameva deti; evampi icchitacchitakkhaṇe paribhuñjitum sakkāti gahetabbameva. Sace pana manussānaṃ bahutarā rukkhā honti, “nanu tumhākaṃ bahutarā rukkhā”ti vattabbaṃ. Sace “atirekaṃ amhākaṃ puññaṃ hotu, saṅghassa demā”ti vadanti, jānāpetvā sampaṭicchituṃ vaṭṭati. Bhikkhūnaṃ rukkhā phaladhārino, manussānaṃ rukkhā na tāva phalaṃ gaṇhanti, kiñcāpi na gaṇhanti, na cirena gaṇhissantīti sampaṭicchitabbameva. Manussānaṃ rukkhā phaladhārino, bhikkhūnaṃ na tāva phalaṃ gaṇhanti, “nanu tumhākaṃ rukkhā phaladhārino”ti vattabbaṃ. Sace “gaṇhatha, bhante, amhākaṃ puññaṃ bhavissatī”ti denti, jānāpetvā sampaṭicchituṃ vaṭṭati; evaṃ ārāmena ārāmo parivattetabbo. Eteneva nayena ārāmatvattupi vihāropi vihāratvattupi ārāmena parivattetabbaṃ. Ārāmatvattunā ca mahantena vā khuddakena vā ārāmaārāmatvattu vihāravihāratvattunī.

Kathaṃ vihārena vihāro parivattetabbo? Saṅghassa antogāme geḥaṃ hoti, manussānaṃ vihāramajjhe pāsādo, ubhopi agghena samakā, sace manussā tena pāsādena taṃ geḥaṃ yācanti, sampaṭicchituṃ vaṭṭati. Bhikkhūnaṃ ce mahagghataraṃ geḥaṃ hoti, “mahagghataraṃ amhākaṃ geḥa”nti vutte “kiñcāpi mahagghataraṃ, pabbajitānaṃ asārūpaṃ, na sakkā tattha pabbajitehi vasituṃ, idaṃ pana sārūpaṃ gaṇhathā”ti vadanti; evampi sampaṭicchituṃ vaṭṭati. Sace pana manussānaṃ mahagghaṃ hoti, “nanu tumhākaṃ geḥaṃ mahaggha”nti vattabbaṃ. “Hotu, bhante,

amhākaṃ puññaṃ bhavissati, gaṇhathā”ti vutte pana sampācchitūṃ vaṭṭati. Evaṃ vihārena vihāro parivattetaḃbo. Eteneva nayena vihāravatthupi āramopi āramavatthupi vihārena parivattetaḃbaṃ. Vihāravatthunā ca mahagghena vā appagghena vā vihāravihāravatthuārāmaārāmatthūni. Evaṃ tāva thāvarena thāvaraparivattanaṃ veditaḃbaṃ.

Garubhaṇḍena garubhaṇḍaparivattane pana mañcapīṭhaṃ mahantaṃ vā hotu khuddakaṃ vā, antamaso caturaṅgulapādakaṃ vā gāmadārakehi paṃsvāgāraakesu kīlantehi katampi saṅghassa dinnakālato paṭṭhāya garubhaṇḍaṃ hoti. Sacepi rājarājamahāmatṭādayo ekappahāreneva mañcasataṃ vā mañcasahassaṃ vā denti, sabbe kappiyamañcā sampācchitabbā, sampācchitvā vuḍḍhapaṭipāṭiyā “saṅghikaparibhogena paribhuñjathā”ti dātabbā, puggalikavasena na dātabbā. Atirekamañce bhaṇḍāgārādīsu paññapetvā pattacīvaraṃ nikkhipitūṃ vaṭṭati. Bahisīmāya “saṅghassa demā”ti dinnamañco saṅghattherassa vasanaṭṭhāne dātabbo. Tattha ce bahū mañcā honti, mañcena kammaṃ natthi; yassa vasanaṭṭhāne kammaṃ atthi, tattha “saṅghikaparibhogena paribhuñjathā”ti dātabbo. Mahagghena satagghanakena vā saḥassagghanakena vā sataḥassagghanakena vā mañcena aññaṃ mañcasataṃ labhati, parivattetvā gahetaḃbaṃ. Na kevalaṃ mañcena mañcoveva, āramaārāmatthuvihāravihāravatthupīṭhabhisibimbohanānīpi parivattetūṃ vaṭṭanti. Esa nayo pīṭhabhisibimbohanesupī. Etesu hi kappiyākappiyāṃ vuttanayameva. Tattha akappiyāṃ na paribhuñjitaḃbaṃ, kappiyāṃ saṅghikaparibhogena paribhuñjitaḃbaṃ. Akappiyāṃ vā mahagghaṃ kappiyāṃ vā parivattetvā vuttavatthūni gahetaḃbāni. Agarubhaṇḍupagaṃ pana bhisibimbohanaṃ nāma natthi.

Lohakumbhī lohahāṇakaṃ lohakaṭāhanti imāni tīṇi mahantāni vā hontu khuddakāni vā antamaso pasatamattaudakagaṇhanakānīpi garubhaṇḍāniyeva. Lohavārako pana kājalohatambalohavattalohakaṃsalohānaṃ yena kenaci kato sīhaḷadīpe pādagaṇhanako bhājetabbo. Pādo ca nāma magadhanāḷiyā pañcanāḷimattaṃ gaṇhāti, tato adhikagaṇhanako garubhaṇḍaṃ. Imāni tāva pāḷiyāṃ āgatāni lohahājanāni.

Pāḷiyāṃ pana anāgatānīpi bhīṅgārapaṭṭiggaḥauḷunkadabbikaṭacchupātitaṭṭakasarakasamuggaāṅgārapalladhūmakaṭacchuādīni khuddakāni vā mahantāni vā sabbāni garubhaṇḍāni. Patto, ayathālakāṃ, tambalohathālakanti imāni pana bhājanīyāni. Kaṃsalohavattalohahājanavikati saṅghikaparibhogena vā gihivikaṭā vā vaṭṭati, puggalikaparibhogena na vaṭṭati. Kaṃsalohādibhājanaṃ saṅghassa dinnampi hi pārihāriyāṃ na vaṭṭati. “Gihivikaṭānihāreneva paribhuñjitaḃba”nti mahāpaccariyāṃ vuttam.

Ṭhapetvā pana bhājanavikatīṃ aññaṃsmīpi kappiyalohabhaṇḍe – añjanī, añjanisalākā, kaṇṇamalahaṇā, sūci, paṇṇasūci, khuddako, pipphalako, khuddakaṃ, āraṇṇakaṃ, kuñcīkā, tāḷaṃ, kattarayattī vedhako, natthudānaṃ, bhīndivālo, lohakūṭo, lohakuṭṭi, lohaguḷo, lohapiṇḍi, lohacakkalikaṃ, aññaṃpi vipakatalohabhaṇḍaṃ bhājanīyāṃ. Dhūmanettaphālādīparukkhadīpakapallakaolambakadīpaitthipurisatiracchānagatarūpakāni pana aññāni vā bhitticchadanakavāṭādīsu upanetaḃbāni, antamaso lohakhilakaṃ upādāya sabbāni lohahāṇāni garubhaṇḍāniyeva honti, attanā laddhānīpi pariharitvā puggalikaparibhogena na paribhuñjitaḃbāni, saṅghikaparibhogena vā gihivikaṭāni vā vaṭṭanti. Tipubhaṇḍepi eseva nayo. Khīrapāsānamayāni taṭṭakasarakādīni garubhaṇḍāniyeva.

Ghaṭako pana telabhājanaṃ vā pādagaṇhanakato atirekameva garubhaṇḍaṃ. Suvanṇarajatahārukūṭajātīphalikhājanāni gihivikaṭānīpi na vaṭṭanti, pageva saṅghikaparibhogena vā puggalikaparibhogena vā. Senāsanaparibhoge pana āmāsampi anāmāsampi sabbāṃ vaṭṭati.

Vāsiādīsu yāya vāsiyā ṭhapetvā daṇḍakaṭṭhacchedanaṃ vā ucchutacchanaṃ vā aññaṃ mahākammaṃ kātūṃ na sakkā, ayaṃ bhājanīyā. Tato mahattarī yena kenaci ākārena katā vāsi garubhaṇḍameva. Pharasu pana antamaso vejjānaṃ sirāvedhanapharasupī garubhaṇḍameva. Kuṭṭhāriyāṃ pharasusadiso eva vinicchayo. Yā pana āvudhasaṅkhepena katā, ayaṃ anāmāsā. Kudālo antamaso caturaṅgulamatṭopi garubhaṇḍameva. Nikhādanaṃ caturassamukhaṃ vā hotu doṇimukhaṃ vā vaṅkaṃ vā ujukaṃ vā, antamaso sammūñjanidaṇḍakavedhanampi daṇḍabaddhaṃ ce, garubhaṇḍameva. Sammuñjanidaṇḍakhaṇanaṃ pana adaṇḍakaṃ phalamattameva, yaṃ sakkā sipāṭikāya pakkhipitvā pariharitūṃ, taṃ bhājanīyāṃ. Sikharampi nikhādaneneva saṅghitaṃ. Yehi manussehi vihāre vāsiādīni dinnāni honti, te ca ghare daḍḍhe vā corehi vā vilutte “detha no, bhante, upakaraṇe, puna pākāṭike karissāmā”ti vadanti, dātabbā. Sace āharanti, na vāretabbā; anāharantāpi na codetabbā.

Kammārataṭṭakāracundakāraṇalākāramaṇīkārapattabandhakānaṃ adhikaraṇimuṭṭhikasaṇḍāsatulādīni sabbāni lohamayaupakaraṇāni saṅghe dinnakālato paṭṭhāya garubhaṇḍāni. Tipukoṭṭakasuvanṇakāracammakāraupakaraṇesupī eseva nayo. Ayaṃ pana viṣeso – tipukoṭṭakaupakaraṇesupī tipucchedanasatthakaṃ, suvaṇṇakāraupakaraṇesu suvaṇṇacchedanasatthakaṃ, cammakāraupakaraṇesu kataparikkammacammachiddanaṃ khuddakasatthakanti imāni bhājanīyabhāṇāni. Nahāpitatunnakāraupakaraṇesupī ṭhapetvā mahākattariṃ mahāsaṇḍāsaṃ mahāpipphalakaṇca sabbāṃ bhājanīyāṃ. Mahākattariādīni garubhaṇḍāni.

Vallīādīsu vettavallīādīkā yā kāci aḍḍhabāhuppamāṇā valli saṅghassa dinnā vā tatthajātakā vā rakkhitagopitā

garubhaṇḍaṃ hoti, sā saṅghakamme ca cetiyakamme ca kate sace atirekā hoti, puggalikalakammepi upanetuṃ vaṭṭati; arakkhitā pana garubhaṇḍameva na hoti. Suttamakacivākanāḷikerahīracammamayā rajjukā vā yottāni vā vāke ca nāḷikerahīre ca vaṭṭetvā katā ekavaṭṭā vā dvivaṭṭā vā saṅghassa dinnakālato paṭṭhāya garubhaṇḍaṃ. Suttaṃ pana avatṭetvā dinnam makacivākanāḷikerahīra ca bhājanīyā. Yehi panetāni rajjukayottādāni dinnāni honti, te attano karaṇīyena harantā na vāretabbā.

Yo koci antamaso aṭṭhaṅgulasūcidaṇḍamattopi veḷu saṅghassa dinno vā tatthajātako vā rakkhitagopito garubhaṇḍaṃ, sopi saṅghakamme ca cetiyakamme ca kate atireko puggalikalakamme dātuṃ vaṭṭati. Pādagaṇḥanakatelanāli pana kattarayaṭṭhi, upāhanadaṇḍako, chattadaṇḍo, chattasalākāti idamettha bhājanīyabhaṇḍaṃ. Daḍḍhagehamanussā gaṇhitvā gacchantā na vāretabbā. Rakkhitagopitaṃ veḷuṃ gaṇhantena samakaṃ vā atirekaṃ vā thāvaram antamaso taṃagghanakampi phātikammaṃ katvā gahetabbo. Phātikammaṃ akatvā gaṇhantena tattheva vaḷaṇjetabbo, gamanakāle saṅghikāvāse ṭhapetvā gantabbaṃ. Asatiyā gahetvā gatena pahīnitvā dātabbo. Desantaram gatena sampattavihāre saṅghikāvāse ṭhapetabbo.

Tiṇanti muñjaṃ pabbajaṇca ṭhapetvā avasesaṃ yaṃkiñci tiṇaṃ. Yattha pana tiṇaṃ natthi, tattha paṇṇehi chādentī; tasmā paṇṇampi tiṇeneva saṅgahitaṃ. Iti muñjādīsu yaṃkiñci muṭṭhippamāṇampi tiṇaṃ tālapaṇṇādīsu ca ekaṃ paṇṇampi saṅghassa dinnam vā tatthajātakaṃ vā bahārāme saṅghassa tiṇavatthuto jātatiṇaṃ vā rakkhitagopitaṃ garubhaṇḍaṃ hoti, tampi saṅghakamme ca cetiyakamme ca kate atirekaṃ puggalikalakamme dātuṃ vaṭṭati. Daḍḍhagehamanussā gahetvā gacchantā na vāretabbā. Aṭṭhaṅgulappamāṇopi rittapotthako garubhaṇḍameva.

Mattikā pakatimattikā vā hotu pañcavaṇṇā vā sudhā vā sajjurasakaṅguṭṭhasilesādīsu vā yaṃkiñci, dullabhaṭṭhāne ānetvā vā dinnam tatthajātakaṃ vā rakkhitagopitaṃ tālaphalapakkamattaṃ garubhaṇḍaṃ hoti. Tampi saṅghakamme ca cetiyakamme ca niṭṭhite atirekaṃ puggalikalakamme dātuṃ vaṭṭati. Hiṅguhiṅgulakaharītālamanosilaṅjanāni pana bhājanīyabhaṇḍāni.

Dārubhaṇḍe yo koci aṭṭhaṅgulasūcidaṇḍamattopi dārubhaṇḍako dārudullabhaṭṭhāne saṅghassa dinno vā tatthajātako vā rakkhitagopito, ayaṃ garubhaṇḍaṃ hotīti kurundiyaṃ vuttaṃ. Mahāaṭṭhakathāyaṃ pana sabbampi dāruveḷucammāpāsānādivikatiṃ dārubhaṇḍena saṅgaṇhitvā “tena kho pana samayena saṅghassa āsandiko uppanno hotī” ti ito paṭṭhāya dārubhaṇḍavinicchayo vutto.

Tatrāyaṃ atthuddhāro, āsandiko, sattaṅgo, bhaddapīṭhaṃ, pīṭhikā, eḷakapādakapīṭhaṃ, āmalakavaṭṭakapīṭhaṃ, phalakaṃ, kocchaṃ, palālapīṭhakanti imesu tāva yaṃkiñci khuddakaṃ vā hotu mahantaṃ vā, saṅghassa dinnam garubhaṇḍaṃ hoti. Palālapīṭhena cettha kadaliṭṭāpīṭhānīpi saṅgahitāni. Byagghacammaonaddhampi vāḷarūparikkhattaṃ, ratanaparisisbitaṃ, kocchakaṃ garubhaṇḍameva.

Vaṅkaphalakaṃ, dīghaphalakaṃ, cīvaradhovanaphalakaṃ, ghaṭṭanaphalakaṃ, ghaṭṭanamuggaro, dantakaṭṭhacchedanagaṇṭhikā, daṇḍamuggaro, ambaṇaṃ, rajanadoṇi, udakapaṭicchako, dārumayo vā dantamayo vā veḷumayo vā sapādakopi apādakopi samuggo, mañjūsā, pādagaṇḥanakato atirekappamāṇo karaṇḍo, udakadoṇi, udakakaṭṭhaṃ, uḷuṅko, kaṭacchu, pānīyasarāvaṃ, pānīyasankhoti etesupi yaṃkiñci saṅghe dinnam garubhaṇḍaṃ. Saṅkhathālakam pana bhājanīyaṃ, tathā dārumayo udakatumbo.

Pādakathalikamaṇḍalaṃ dārumayaṃ vā hotu coḷapaṇṇādimaṃ vā sabbam garubhaṇḍaṃ. Ādhārako pattapīdhānaṃ, tālavaṇṭaṃ, bījanī, caṅkoṭakaṃ, pacchi, yaṭṭhisammañjanī muṭṭhisammañjanīti etesupi yaṃkiñci khuddakaṃ vā mahantaṃ vā dāruveḷupaṇṇacammādīsu yena kenaci kataṃ garubhaṇḍameva.

Thambhatulāsopānaphalakādīsu dārumayaṃ vā pāsānamayaṃ vā yaṃkiñci gehasambhārarūpaṃ, yo koci kaṭasārako, yaṃkiñci bhūmattharaṇaṃ, yaṃkiñci akappiyacammaṃ, sabbam saṅghe dinnam garubhaṇḍaṃ, bhūmattharaṇaṃ kātuṃ vaṭṭati. Eḷakacammaṃ pana paccattharaṇagatikaṃ hoti, tampi garubhaṇḍameva. Kappiyacammāni bhājanīyāni. Kurundiyaṃ pana “sabbam mañcappamāṇaṃ cammaṃ garubhaṇḍa”nti vuttaṃ.

Udukkhalaṃ, musalaṃ, suppaṃ, nisadaṃ, nisadapoto, pāsāṇadoṇi, pāsāṇakaṭṭhaṃ, turivemabastādī sabbam pesakārādibhaṇḍaṃ, sabbam kasibhaṇḍaṃ, sabbam cakkayuttakayānaṃ garubhaṇḍameva. Mañcapādo, mañcaṭṭāni, pīṭhapādo, pīṭhaṭṭāni, vāsipharasuādīnaṃ daṇḍāti etesu yaṃkiñci vipakkatatacchanakammaṃ anīṭṭhitameva bhājanīyaṃ, tacchitamaṭṭhaṃ pana garubhaṇḍaṃ hoti. Anuññitavāsīyā pana daṇḍo chattamuṭṭhipaṇṇaṃ kattarayaṭṭhi upāhanā araṇisahitaṃ dhammakaraṇo pādagaṇḥanakato anatirittaṃ āmalakatumbaṃ āmalakaghaṭṭo lābukatumbaṃ lābughaṭṭo visāṇakatumbanti sabbametaṃ bhājanīyaṃ, tato mahantataraṃ garubhaṇḍaṃ.

Hatthidanto vā yaṃkiñci visāṇaṃ vā atacchitaṃ yathājātameva bhājanīyaṃ, tehi katamañcapādādīsu purimasadisoyeva vinicchayo. Tacchitaniṭṭhitopi hiṅgukaraṇḍako añjanakaraṇḍako gaṇṭhikā vidho añjanī añjanisalākā

udakapuñchanīti idaṃ sabbam bhājanīyameva.

Mattikābhaṇḍe sabbam manussānaṃ upabhogaparibhogaṃ ghaṭaṭṭharādikulālabhājanam pattakaṭāham aṅgarakaṭāham dhūmadānakam dīparukkhako dīpakapallikā cayaniṭṭhakā chadaniṭṭhakā thūpikāti saṅghassa dinnakālato paṭṭhāya garubhaṇḍam, pādagaṇhanakato anātirittappamaṇo pana ghaṭako pattam thālakam kañcanako kuṇḍikāti idamettha bhājanīyabhaṇḍam. Yathā ca mattikābhaṇḍe; evaṃ lohabhaṇḍepi kuṇḍikā bhājanīyakoṭṭhāsameva bhajātīti ayamettha anupubbikathā.

Avissajjivatthukathā niṭṭhitā.

Navakammadānakathā

323. Bhaṇḍikāṭṭhapanamattenāti dvārabāhānaṃ upari kapotabhaṇḍikayojanamattena.

Paribhaṇḍakaraṇamattenāti gomayaparibhaṇḍakasāvaparibhaṇḍakaraṇamattena. **Dhūmakālikanti** idaṃ yāvassa citakadhūmo na paññāyati, tāva ayaṃ vihāro etassevāti evaṃ dhūmakāle apaloketvā katapariyositaṃ vihāraṃ denti. **Vippakatanti** ettha vippakato nāma yāva gopānasiyo na ārohanti. Gopānasīsu pana āruḥāsū bahukato nāma hoti, tasmā tato paṭṭhāya na dātabbo, kiñcīdeva samādapetvā kāressati. **Khuddake vihāre kammaṃ oloketvā chappañcavassikanti** kammaṃ oloketvā catuhatthavihāre catuvassikaṃ, pañcahatthe pañcavassikaṃ, chahatthe chavassikaṃ dātabbam. Aḍḍhayogo pana yasmā sattaṭṭhahattho hoti, tasmā ettha ‘sattaṭṭhavassika’nti vuttam. Sace pana so navahattho hoti navavassikampi dātabbam. Mahallake pana dasahatthe ekādasahatthe vihāre vā pāsāde vā dasavassikaṃ vā ekādasavassikaṃ vā dātabbam. Dvādasahatthe pana tato adhike vā lohapāsādasadisepi dvādasavassikameva dātabbam, na tato uttari.

Navakammiko bhikkhu antovasse taṃ āvāsaṃ labhati, utukāle paṭibāhituṃ na labhati. Sace so āvāso jīrati, āvāsasāmikassa vā tassa vaṃse uppannassa vā kassaci kathetabbam – ‘āvāso te nassati, jaggatha etaṃ āvāsa’nti. Sace so na sakkoti, bhikkhūhi nīti vā upaṭṭhāke vā samādapetvā jaggitabbo. Sace tepi na sakkonti, saṅghikena paccayena jaggitabbo. Tasmimpi asati ekaṃ āvāsaṃ vissajjtvā avasesā jaggitabbā. Bahū vissajjtvā ekaṃ saṅghāpetumpi vaṭṭatiyeva.

Dubbhikkhe bhikkhūsu pakkantesu sabbe āvāsā nassanti, tasmā ekaṃ vā dve vā tayo vā āvāse vissajjtvā tato yāgubhattacīvarādīni paribhuñjantehi sesāvāsā jaggitabbāyeva. Kurundiyaṃ pana vuttam ‘saṅghike paccaye asati eko bhikkhu ‘tuyhaṃ ekaṃ mañcaṭṭhānaṃ gahetvā jaggāhī’ti vattabbo. Sace bahutaraṃ icchati, tibhāgaṃ vā upaḍḍhabhāgaṃ vā datvāpi jaggāpetabbam. Atha ‘thambhamattamevettha avasiṭṭhaṃ, bahukammaṃ kātappa’nti na icchati, ‘tuyhaṃ puggalikameva katvā jaggā; evampi hi saṅghassa bhaṇḍakāṭṭhapanatṭhānaṃ navakānañca vasanaṭṭhānaṃ labhissatī’ti jaggāpetabbo. Evaṃ jaggito pana tasmim jīvante puggaliko hoti, mate saṅghikoyeva. Sace saddhivihārikānaṃ dātukāmo hoti, kammaṃ oloketvā tibhāgaṃ vā upaḍḍhaṃ vā puggalikaṃ katvā jaggāpetabbo. Evañhi saddhivihārikānaṃ dātuṃ labhati. Evaṃ jagganake pana asati ‘ekaṃ āvāsaṃ vissajjtvā’tiadinā nayena jaggāpetabbo’nti.

Idampi ca aññaṃ tattheva vuttam – dve bhikkhū saṅghikaṃ bhūmiṃ gahetvā sodhetvā saṅghikaṃ senāsanaṃ karonti. Yena sā bhūmi paṭhamam gahitā, so sāmī. Ubhopi puggalikaṃ karonti, soyeva sāmī. So saṅghikaṃ karoti, itaro puggalikaṃ karoti, aññaṃ ce bahuṃ senāsanaṭṭhānaṃ atthi, puggalikaṃ karontopi na vāretabbo. Aññasmiṃ pana tādise paṭirūpe ṭhāne asati taṃ paṭibāhitvā saṅghikaṃ karonteneva kātappaṃ. Yaṃ pana tassa tattha vayakammaṃ kataṃ, taṃ dātabbam. Sace pana katāvāse vā āvāsakaraṇatṭhāne vā chāyūpagaphalūpagarukkhā honti, apaloketvā hāretabbā. Puggalikā ce honti, sāmikā āpucchitabbā; no ce denti, yāvattatīyaṃ āpucchitvā ‘rukkaagghanakamūlaṃ dassāmā’nti hāretabbā.

Yo pana saṅghikavallimattampi aggahetvā āharimena upakaraṇena saṅghikāya bhūmiyā puggalikavihāraṃ kāreti, upaḍḍhaṃ saṅghikaṃ hoti; upaḍḍhaṃ puggalikaṃ. Pāsādo ce hoti, heṭṭhāpāsādo saṅghiko; upari puggaliko. Sace so heṭṭhāpāsādam icchati, tassa hoti. Atha heṭṭhā ca upari ca icchati, ubhayattha upaḍḍhaṃ labhati. Dve senāsānāni kāreti – ekaṃ saṅghikaṃ, ekaṃ puggalikaṃ. Sace vihāre uṭṭhitena dabbasambhārena kāreti, tatiyabhāgaṃ labhati. Sace akataṭṭhāne cayaṃ vā pamukhaṃ vā karoti, bahikuṭṭe upaḍḍhaṃ saṅghassa, upaḍḍhaṃ tassa. Atha mahantaṃ visamaṃ pūretvā apade padaṃ dassetvā kataṃ hoti, anissaro tattha saṅgho.

Ekaṃ varaseyyanti ettha navakammadānatṭhāne vā vassaggena pattaṭṭhāne vā yaṃ icchati, taṃ ekaṃ varaseyyaṃ anujānāmīti attho.

Pariyosite pakkamati tassevetanti puna āgantvā vasantassa antovassaṃ tasseva taṃ; anāgacchantassa pana saddhivihārikādayo gahetuṃ na labhanti.

Navakammadānakathā niṭṭhitā.

Aññatrapaṭibhogapaṭikkhepādikathā

324. Nātiharantīti aññatra haritvā na paribhuñjanti. **Guttatthāyāti** yaṃ tattha mañcapīṭhādi, tassa guttatthāya, taṃ aññatra haritum anujānāmīti attho. Tasmā taṃ aññatra haritvā saṅghikaparibhogena paribhuñjantassa naṭṭhaṃ sunaṭṭhaṃ, jiṇṇaṃ sujiṇṇaṃ. Sace arogaṃ tasmim vihare paṭisaṅkhate puna pākatiṃ kātappaṃ. Puggalikaparibhogena paribhuñjato naṭṭhaṃ vā jiṇṇaṃ vā gīvā hoti, tasmim paṭisaṅkhate dātabbameva. Sace tato gopānāsīdāni gahetvā aññasmiṃ saṅghikāvāse yojenti, suyojitāni. Puggalikāvāse yojentehi pana mūlaṃ vā dātabbaṃ, paṭipākatiṃ vā kātappaṃ chaḍḍitavihārato mañcapīṭhādīni theyyacittena gaṇhanto uddhāreyeva bhaṇḍagghena kāretabbo. Puna āvāsikāle dassāmīti gahetvā saṅghikaparibhogena paribhuñjantassa naṭṭhaṃ sunaṭṭhaṃ, jiṇṇaṃ sujiṇṇaṃ. Arogañce pākatiṃ kātappaṃ. Puggalikaparibhogena paribhuñjantassa naṭṭhaṃ gīvā hoti. Tato dvāravatāpānādīni saṅghikāvāse vā puggalikāvāse vā yojitāni paṭidātabbāniyeva.

Phātikammatthāyāti vaḍḍhikammatthāya. Phātikammañcetha samakaṃ vā atirekaṃ vā agghanakaṃ mañcapīṭhādīsenāsanameva vaṭṭati.

Cakkalikanti kambalādīni veṭhetvā katacakkalikaṃ. **Allehi pādehīti** yehi akkantaṭṭhāne udakaṃ paññāyati, evarūpehi pādehi paribhaṇḍakatabhūmi vā senāsanam vā na akkamitappaṃ. Sace pana udakasinehamattameva paññāyati, na udakaṃ, vaṭṭati. Pādapuñchanim pana allapādehipi akkamitum vaṭṭatiyeva. Saupāhanena dhotapādehi akkamitappaṭṭhāneyeva na vaṭṭati.

Coḷakena paliveṭhetunti sudhābhūmiyaṃ vā paribhaṇḍabhūmiyaṃ vā sace taṭṭikā vā kaṭasārako vā natthi, coḷakena pādā veṭhetabbā, tasmim asati paṇṇampi attharitam vaṭṭati. Kiñci anattarivā ṭhapentassa pana dukkaṭaṃ. Yadi pana tattha nevāsikā anattatāyapi bhūmiyā ṭhapenti, adhotapādehipi vaḷaṅjenti, tatheva vaḷaṅjetum vaṭṭati.

Na bhikkhave parikkamatā bhittīti setabhitti vā cittakammakatā vā. Na kevalaṅca bhittimeva, dvārampi vātāpānampi apassenaphalakampi pāsāṇatthambhampi rukkhatthambhampi cīvarena vā kenaci vā appaṭicchadetvā apassayitum na labbhatiyeva.

Dhotapādakāti dhotapādakā hutvā dhotehi pādehi akkamitappaṭṭhāne nipajjitum kukkucāyanti. “Dhotapādake”ṭipi pāṭho. Dhotehi pādehi akkamitappaṭṭhānassetam adhivacanam. **Paccattharivāti** paribhaṇḍakataṃ bhūmiṃ vā bhūmattharaṇasenāsanam vā saṅghikamañcapīṭhaṃ vā attano santakena paccattharaṇena paccattharivāya nipajjitappaṃ. Sace niddāyatopi paccattharaṇe saṅkuṭṭe koci sarīravayavo mañcaṃ vā pīṭhaṃ vā phusati, āpattiyeva. Lomesu pana lomagaṇānāya āpattiyeva. Paribhogasīsenā apassayantassāpi eseve nayo. Hatthatalapādālehi pana phusitum vā akkamitum vā vaṭṭati. Mañcapīṭhaṃ nīharantassa kāye paṭihaññati, anāpatti.

Aññatraparibhogapaṭikkhepādikathā niṭṭhitā.

Saṅghabhattādiānujānanakathā

325. Na sakkonti saṅghabhataṃ kātunti sakalassa saṅghassa bhataṃ kātum na sakkonti. **Uddesabhattādiādisu** “ekaṃ vā dve vā...pe... dasa vā bhikkhū saṅghato uddisitvā dethā”ṭi evaṃ uddesena laddhabhikkhūnam bhataṃ kātum icchanti. Apare tatheva bhikkhū paricchinditvā nimantetvā tesam bhataṃ kātum icchanti. Apare salākāyo chinditvā, apare pakkhikaṃ uposathikaṃ paṭipadikanti evaṃ niyāmetvā, ekassa vā dvinnam vā...pe... dasannam vā bhikkhūnam bhataṃ kātum icchanti. Iti etāni bhattāni uddesabhataṃ nimantananti imaṃ vohāram pattāni. Yasmā pana te sacepi dubbhikkhe na sakkonti, subhikkhe jāte pana puna saṅghabhataṃ kātum sakkhissanti, tasmā bhagavā tampi anto katvā “**anujānāmi, bhikkhave, saṅghabhataṃ uddesabhata**”ṭiādimāha.

Tattha **saṅghabhate** ṭhitikā nāma natthi, tasmā “amhākaṃ ajja dasa dvādasa divasā bhuñjantānam idāni aññato bhikkhū ānethā”ṭi na evaṃ tattha vattappaṃ. “Purimadivasesu amhehi na laddham, idāni taṃ amhākaṃ gāhethā”ṭi evampi vattum na labhati. Tañhi āgatāgatānam pāpuṇātiyeva.

Saṅghabhattādiānujānanakathā niṭṭhitā.

Uddesabhattakathā

Uddesabhattādisu pana ayaṃ nayo – raññā vā rājamahāmattena vā saṅghato uddisitvā “**ettake bhikkhū ānethā**”ṭi

pahite kālaṃ ghoṣetvā ʔhitikā pucchitabbā. Sace atthi, tato paṭṭhāya gāhetabbaṃ; no ce, therāsanato paṭṭhāya gāhetabbaṃ. Uddesakena piṇḍapātikānampi na atikkāmetabbaṃ. Te pana dhutaṅgaṃ rakkhantā sayameva atikkamissanti; evaṃ gāhiyamāne alasaʔatikā mahātherā pacchā āgacchanti, “bhante, vīsativassānaṃ gāhiyati, tumhākaṃ ʔhitikā atikkantā”ti na vattabbā, ʔhitikaṃ ʔhapetvā tesam gāhetvā pacchā ʔhitikāya gāhetabbaṃ. “Asukavihāre bahuṃ uddesabhattaṃ uppanna”nti sutvā yojanantarikavihāratopi bhikkhū āgacchanti, sampattasampattānaṃ ʔhitatṭhānato paṭṭhāya gāhetabbaṃ. Asampattānampi upacārasīmaṃ pavitṭhānaṃ antevāsikādīsu gaṇhantesu gāhetabbameva. Bahiupacārasīmāya ʔhitānaṃ gāhetthāti vadanti, na gāhetabbaṃ. Sace pana upacārasīmaṃ okkantehi ekābaddhā hutvā attano vihāradvāre vā antovihāreyeva vā honti, parisāvasena vaḍḍhitā nāma sīmā hoti, tasmā gāhetabbaṃ. Saṅghanavakassa dinnepi pacchā āgatānaṃ gāhetabbameva. Dutiyabhāge pana therāsanam āruḷhe puna āgatānaṃ paṭṭhamabhāgo na pāpuṇāti, dutiyabhāgato vassaggena gāhetabbaṃ.

Ekasmiṃ vihāre ekaṃ bhuttuddesaṭṭhānaṃ paricchinditvā gāvutappamaṇāyapi upacārasīmāya yattha katthaci ārocitaṃ uddesabhattaṃ, tasmimyeva bhuttuddesaṭṭhāne gāhetabbaṃ. Eko ekassa bhikkhuno pahiṇāti “svepi saṅghato uddisitvā dasa bhikkhū pahiṇathā”ti, tena so attho bhuttuddesakassa ārocetabbo. Sace taṃ divasaṃ pamussati, dutiyadivase pātova ārocetabbo. Atha pamussitvāya piṇḍāya pavisanto sarati, yāva upacārasīmaṃ nātikkaṃ, tāva yā bhojanasālāya pakatiṭṭhitikā, tassāyeva vasena gāhetabbaṃ. Sacepi upacārasīmaṃ atikkantā bhikkhū ca upacārasīmaṭṭhakehi ekābaddhā honti, aññaṃaññaṃ dvādasahatthantaraṃ avijahitvā gacchanti, pakatiṭṭhitikāya vasena gāhetabbaṃ. Bhikkhūnaṃ pana tādisse ekābaddhe asati bahiupacārasīmāya yasmim ʔhāne sarati, tattha navaṃ ʔhitikaṃ katvā gāhetabbaṃ. Antogāme āsanasālāya sarantena āsanasālāya ʔhitikāya gāhetabbaṃ. Yattha katthaci saritvā gāhetabbameva, agāhetuṃ na vaṭṭati. Na hi etaṃ dutiyadivase labbhatīti.

Sace sakavihāro aññaṃ vihāraṃ gacchante bhikkhū disvā koci uddesabhattaṃ uddisāpeti, yāva antoupacāre vā upacārasīmaṭṭhakehi saddhiṃ vuttanayena ekābaddhā vā honti, tāva sakavihāre ʔhitikāvaseneva gāhetabbaṃ. Bahiupacāre ʔhitānaṃ dinnaṃ pana “saṅghato bhante ettake nāma bhikkhū uddisathā”ti vutte sampattānaṃ gāhetabbaṃ. Tattha dvādasahatthantaraṃ avijahitvā ekābaddhanayena dūre ʔhitāpi sampattāyevāti veditabbaṃ. Sace yaṃ vihāraṃ gacchanti, tattha pavitṭhānaṃ ārocenti, tassa vihārassa ʔhitikāvasena gāhetabbaṃ. Sacepi gāmadvāre vā vīthiyaṃ vā catukke vā antaragare vā bhikkhū disvā koci saṅghuddesaṃ ārocenti, tasmim tasmim ʔhāne antoupacāragatānaṃ gāhetabbaṃ.

Gharūpacāro cettha “ekaṃ gharaṃ ekūpacāraṃ, ekaṃ gharaṃ nānūpacāraṃ, nānāgharaṃ ekūpacāraṃ, nānāgharaṃ nānūpacāra”nti imesaṃ vasena veditabbo. Tattha yaṃ ekakulassa gharaṃ ekavaḷaṅjaṃ hoti, taṃ suppapātaparicchadassa anto ekūpacāraṃ nāma. Tatthuppanno uddesalābho tasmim upacāre bhikkhācāravattenapi ʔhitānaṃ sabbesaṃ pāpuṇāti, etaṃ **“ekaṃ gharaṃ ekūpacāraṃ”** nāma.

Yaṃ pana ekaṃ gharaṃ dvinnaṃ bhariyānaṃ sukhavihāratthāya majjhe bhittim utṭhāpetvā nānādvāraḷaṅjaṃ kataṃ, tatthuppanno uddesalābho bhittiantarikassa na pāpuṇāti, tasmim tasmim ʔhāne nisinnasseva pāpuṇāti, etaṃ **“ekaṃ gharaṃ nānūpacāraṃ”** nāma.

Yasmim pana ghare bahū bhikkhū nimantevā antogehato paṭṭhāya ekābaddhe katvā paṭivissakagharānīpi pūretvā nisīdāpentī, tatthuppanno uddesalābho sabbesaṃ pāpuṇāti. Yampi nānākulassa nivesanaṃ majjhe bhittim akatvā ekadvārenea vaḷaṅjanti, tatrāpi eseva nayo. Etaṃ **“nānāgharaṃ ekūpacāraṃ”** nāma.

Yo pana nānānivesanesu nisinnānaṃ bhikkhūnaṃ uddesalābho uppajjati, kiñcāpi bhitticchiddena bhikkhū dissanti, tasmim tasmim nivesane nisinnānaṃyeva pāpuṇāti, etaṃ **“nānāgharaṃ nānūpacāraṃ”** nāma.

Yo pana gāmadvāravīthicatukkesu aññatarasmim ʔhāne uddesabhattaṃ labhitvā aññasmim bhikkhusmim asati attanova pāpuṇāpetvā dutiyadivasepi tasmimyeva ʔhāne aññaṃ labhati, tena yaṃ aññaṃ navakaṃ vā vuḍḍhaṃ vā bhikkhuṃ passati, tassa gāhetabbaṃ. Sace koci natthi, attanova pāpetvā bhujitabbaṃ.

Sace āsanasālāya nisīditvā kālaṃ paṭimānentesu bhikkhūsu koci āgantvā “saṅghuddesapattaṃ detha, uddesapattaṃ detha, saṅghato uddisitvā pattaṃ detha, saṅghikaṃ pattaṃ dethā”ti vā vadati, uddesapattaṃ ʔhitikāya gāhetvā dātabbaṃ. “Saṅghuddesabhikkhuṃ detha, saṅghato uddisitvā bhikkhuṃ detha, saṅghikaṃ bhikkhuṃ dethā”ti vuttepi eseva nayo.

Uddesako panettha pesalo lajjī medhāvī icchitabbo, tena tikkhattuṃ ʔhitikaṃ pucchitvā sace koci ʔhitikaṃ jānanto natthi, therāsanato gāhetabbaṃ. Sace pana “ahaṃ jānāmi, dasavassena laddha”nti koci bhaṇati, “atthāvuso, dasavassā bhikkhū”ti pucchitabbaṃ. Sace tassa sutvā “dasavassamha dasavassamhā”ti bahū āgacchanti, “tuyhaṃ pāpuṇāti, tuyhaṃ pāpuṇāti”ti avatvā “sabbe appasaddā hothā”ti vatvā paṭipāṭiyā ʔhapetabbā. ʔhapetvā “kati icchathā”ti upāsako pucchitabbo. “Ettake nāma, bhante, bhikkhū”ti vutte “tuyhaṃ pāpuṇāti, tuyhaṃ pāpuṇāti”ti avatvā sabbanavakassa

vassaggañca utu ca divasabhāgo ca chāyā ca pucchitabbā. Sace chāyāyapi pucchiamānāya añño vuḍḍhataro āgacchati, tassa dātabbā. Atha chāyaṃ pucchitvā “tuyhaṃ pāpuṇāti”ti vutte vuḍḍhataro āgacchati, na labhati. Kathāpapañcena hi nisinnassāpi niddāyantassāpi gāhitam saggāhitam, atikkantam suatikkantam, bhājanīyabhaṇḍaṇhi nāmetam sampattasseva pāpuṇāti, tatha sampattabhāvo upacārena paricchinditabbo. Āsanasālāya ca antoparikkhepo upacāro, tasmim ʘhitassa lābho pāpuṇāti.

Koci āsanasālato aʘṭha uddesapatte āharāpetvā satta patte paṇitabhojanānam ekaṃ udakassa pūretvā āsanasālāyaṃ pahināti, gahetvā āgatā kiñci avatvā bhikkhūnam hatthesu patiṭṭhāpetvā pakkamanti. Yena yaṃ laddham, tasseva taṃ hoti. Yena pana udakaṃ laddham, tassa atikkantampi ʘhitikaṃ ʘhapetvā aññaṃ uddesabhattam gāhetabbam. Tañca lūkham vā labhatu paṇitam vā ticīvaraparivāram vā, tassevetam. Īdiso hissa puññaviseso. Udakaṃ pana yasmā āmisam na hoti, tasmā aññaṃ uddesabhattam labbhati.

Sace pana te gahetvā āgatā “idaṃ kira bhante sabbam bhājetvā bhuñjathā”ti vatvā gacchanti, sabbehi bhājetvā bhuñjitvā udakaṃ pātabbā. Saṅghato uddisitvā “aʘṭha mahāthere detha, majjhime detha, navake detha, paripuṇṇavassasāmaṇere detha, majjhimabhānakādayo detha, mayhaṃ nātibhikkhū dethā”ti vadantassa pana “upāsaka, tvaṃ evaṃ vadasi, ʘhitikāya pana tesam na pāpuṇāti”ti vatvā ʘhitikāvaseneva dātabbā. Daharasāmaṇerehi pana uddesabhatesu laddhesu sace dāyakānam ghare maṅgalaṃ hoti, “tumhākaṃ ācariyupajjhāye pesethā”ti vattabbam.

Yasmim pana uddesabhatte paʘṭhamabhāgo sāmaṇerānam pāpuṇāti, anubhāgo mahātherānam, na tatha sāmaṇerā “mayam paʘṭhamabhāgaṃ labhimhā”ti purato gantum labhanti, yathāpaṭipāṭiyā eva gantabbam. “Saṅghato uddisitvā ‘tumhe ethā’ti vutte ‘mayham aññaḍāpi jānissasi, ʘhitikā pana evaṃ gacchati’”ti ʘhitikāvaseneva gāhetabbam. Atha “saṅghuddesapattam dethā”ti vatvā agāhiteyeva patte yassa kassaci pattam gahetvā pūretvā āharati, āhaṭampi ʘhitikāya eva gāhetabbam.

Eko “saṅghuddesapattam āharā”ti pesito “bhante, ekaṃ pattam detha, nimantanabhattam āharissāmī”ti vadati, so ce uddesabhattacharato ayam āgatoti nītvā bhikkhūhi “nanu tvaṃ asukagharato āgato”ti vutto “āma, bhante, na nimantanabhattam, uddesabhatta”nti bhaṇati, ʘhitikāya gahetabbam. Yo pana “ekaṃ pattam āharā”ti vutto “‘ki’nti vatvā āharāmī”ti vatvā “yathā te rucchatī”ti vutto āgacchati, ayam vissatṭhadūto nāma. Uddesapattam vā paṭipāṭipattam vā puggalikapattam vā yaṃ icchati, taṃ tassa dātabbā. Eko bālo abyatto “uddesapattam āharā”ti pesito vattum na jānāti, tuṇhībūto tiṭṭhati, so “kassa santikaṃ āgatosī”ti vā “kassa pattam harissāmī”ti vā na vattabbo. Evañhi vutto pucchāsabhāgena “tumhākaṃ santikaṃ āgatomhī”ti “tumhākaṃ pattam harissāmī”ti vā vadeyya, tato taṃ bhikkhum aññe bhikkhū jigucchantā na olokeyyūṃ. “Kuhim gacchasi, kim karonto āhiṇḍasi”ti pana vattabbo. Tassa “uddesapattathāya āgatomhī”ti vadantassa gāhetvā patto dātabbo.

Eka **kūṭaʘṭhitikā** nāma hoti. Rañño vā hi rājamahāmatassa vā gehe atipaṇitāni aʘṭha uddesabhattāni niccam diyyanti, tāni ekacārikabhattāni katvā bhikkhū viṣum ʘhitikāya paribhuñjanti. Ekacce bhikkhū “sve dāni amhākaṃ pāpuṇissanti”ti attano ʘhitikaṃ sallakkhetvā gatā, tesu anāgatesuyeva aññe āgantukā bhikkhū āgantvā āsanasālāya nisīdanti; taṅkhaṇaññeva rājapurisā āgantvā “paṇitabhattapatte dethā”ti vadanti. Āgantukā ʘhitikaṃ ajānantā gāhenti. Taṅkhaṇaññeva ca ʘhitikaṃ jānanakabhikkhū āgantvā “kim gāhethā”ti vadanti. “Rājagehe paṇitabhatta”nti. “Kativassato paʘṭhāyā”ti? “Ettakavassato nāmā”ti. “Mā gāhethā”ti nivāretvā ʘhitikāya gāhetabbam. Gāhite āgatehipi pattadānakāle āgatehipi dinnakāle āgatehipi rājagehato patte pūretvā āhaṭakāle āgatehipi rājā “ajja bhikkhūyeva āgacchantū”ti pesetvā bhikkhūnamyeva hatthe piṇḍapātam deti; evaṃ dinnapiṇḍapātam gahetvā āgatakāle āgatehipi ʘhitikaṃ jānanakabhikkhūhi “mā bhuñjitthā”ti vāretvā ʘhitikāyameva gāhetabbam.

Atha ne rājā bhojetvā pattepi nesam pūretvā deti, yaṃ āhaṭam taṃ ʘhitikāya gāhetabbam. Sace pana “mā tucchahatthā gacchantū”ti thokameva pattesu pakkhittam hoti, taṃ na gāhetabbam. Atha bhuñjitvā tucchapattāva āgacchanti, yaṃ tehi bhuttam, taṃ nesam gīvā hotīti mahāsumatthero āha. Mahāpadumatthero paṇāha – “gīvākiccam ettha natthi, ʘhitikaṃ pana ajānantehi yāva jānanakā āgacchanti, tāva nisīditabbam siyā; evaṃ santepi bhuttam subhuttam, idāni pattaʘṭhānena gāhetabba”nti.

Eko ticīvaraparivāro satagghanako piṇḍapāto avassikassa bhikkhuno patto, vihāre ca “evarūpo piṇḍapāto avassikassa patto”ti likhitvā ʘhapesum. Atha saʘṭṭhivassaccayena añño tathārūpo piṇḍapāto uppanno, ayam kim avassikaʘṭṭhitikāya gāhetabbo, udāhu saʘṭṭhivassikaʘṭṭhitikāyāti. Saʘṭṭhivassikaʘṭṭhitikāyāti vuttam, ayañhi bhikkhu ʘhitikaṃ gahetvāyeva vaḍḍhitoti.

Eko uddesabhattam bhuñjitvā sāmaṇero jāto, puna taṃ bhattam sāmaṇeraʘṭṭhitikāya pattam gaṇhitum labhati. Ayam kira **antarābhaʘṭṭhako** nāma. Yo pana paripuṇṇavasso sāmaṇero “sve uddesabhattam labhissati”ti ajjeva upasampajjati, atikkantā tassa ʘhitikā. Ekassa bhikkhuno uddesabhattam pattam, patto cassa na tuccho hoti, so aññassa samīpe nisinnassa pattam dāpeti, tañce theyyāya haranti, gīvā hoti. Sace pana so bhikkhu “mayham pattam dammī”ti

sayameva deti, assa gīvā na hoti. Athāpi tena bhattena anattiko hutvā “alam mayham, tavetam bhattam dammi, pattam pesetvā āharāpehi”ti aññaṃ vadati, yaṃ tato āhariyati sabbam pattasāmikassa hoti. Pattañce theyyāya haranti, suhaṭo; bhattassa dinnattā gīvā na hoti.

Vihāre dasa bhikkhū honti, tesu nava piṇḍapātikā, eko sādiyanako. “Dasa uddesapatte dethā”ti vutte piṇḍapātikā gahetum na icchanti. Itaro bhikkhu “sabbāni mayham pāpuṇānti”ti gaṇhāti, ṭhitikā na hoti. Ekekaṃ ce pāpetvā gaṇhāti, ṭhitikā tiṭṭhati. Evaṃ gāhetvā dasahipi pattehi āharāpetvā “bhante, mayham saṅgham karothā”ti nava patte piṇḍapātikānaṃ deti, bhikkhudattiyam nāmetam, gaṇhitum vaṭṭati.

Sace so upāsako “bhante, gharam āgantabba”nti vadati, so ca bhikkhu te bhikkhū “etha, bhante, mayham sahāya hothā”ti tassa gharam gacchati. Yaṃ tattha labhati, sabbam tasseva hoti. Itare tena dinnam labhanti. Atha nesaṃ ghareyeva nisīdāpetvā dakkhiṇodakam datvā yāgukhajjakādīni denti, “bhante, yaṃ manussā denti, tam gaṇhathā”ti tassa bhikkhuno vacaneneva itaresam vaṭṭati. Bhuttāvīnam patte pūretvā gaṇhitvā gamanathāya denti, sabbam tasseva bhikkhuno hoti, tena dinnam itaresam vaṭṭati.

Yadi pana te vihāreyeva tena bhikkhunā “bhante, mayham bhikkham gaṇhatha, manussānañca vacanam katum vaṭṭati”ti vuttā gacchanti, yaṃ tattha bhujanti ceva niharanti ca, sabbam tam tasseva santakam. Athāpi “mayham bhikkham gaṇhathā”ti avuttā “manussānam vacanam katum vaṭṭati”ti gacchanti, tatra ce ekassa madhurena sarena anumodanam karontassa sutvā therānañca upasame pasīditvā bahum samaṇaparikkhāram denti, ayam thesua pasādena uppanno “akatabhāgo” nāma, tasmā sabbesam pāpuṇāti.

Eko saṅghato uddisāpetvā ṭhitikāya gāhitam pattam haritvā paṇitassa khādanīyabhojanīyassa pūretvā āharitvā “imaṃ, bhante, sabbo saṅgho paribhuṅjatū”ti deti, sabbehi bhājetvā paribhuṅjitabbaṃ. Pattasāmikassa pana atikkantampi ṭhitikam ṭhapetvā aññaṃ uddesabhattam dātabbaṃ. Atha “paṭhamameva sabbam saṅghikam pattam dethā”ti vadati, ekassa lajjibhikkhuno santako patto dātabbo. Āharitvā ca “sabbo saṅgho paribhuṅjatū”ti vutte bhājetvā paribhuṅjitabbaṃ.

Eko pātiyā bhattam āharitvā “saṅghuddesam dammi”ti vadati, ekekaṃ ālopaṃ adatvā ṭhitikāya ekassa yāpanamattam katvā dātabbaṃ. Atha so bhattam āharitvā kiñci vattum ajānanto tuṅhībūto acchati, “kassa te ānītam, kassa dātukāmosi”ti na vattabbaṃ. Pucchāsabhāgena hi “tumhākaṃ ānītam, tumhākaṃ dātukāmomhī”ti vadeyya, tato tam bhikkhum aññe bhikkhū jigucchantā gīvaṃ parivattetvā oloketabbampi na maññeyyūṃ. Sace pana “kuhiṃ yāsi, kiṃ karonto āhiṇḍasi”ti vutte “uddesabhattam gahetvā āgatomhī”ti vadati, ekena lajjibhikkhunā ṭhitikāya gāhetabbaṃ. Sace ābhatam bahu hoti, sabbesam pahoti, ṭhitikākeccam natthi, therāsanato paṭṭhāya pattam pūretvā dātabbaṃ.

“Saṅghuddesapattam dethā”ti vutte “kiṃ āharissasi”ti avatvā pakatiṭṭhitikāya eva gāhetabbaṃ. Yo pana pāyāso vā rasapiṇḍapāto vā niccam labbhati; evarūpānam paṇitabhojanānam āveṇikā ṭhitikā kātabbā, tathā saparivārāya yāgyā mahaggānaṃ phalānam paṇitānañca khajjakānam. Pakatibhattayāguphalakhajjakānam pana ekāva ṭhitikā kātabbā. “Sappiṃ āharissāmi”ti vutte sabbasappīnam ekāva ṭhitikā vaṭṭati, tathā sabbatelānam. “Madhum āharissāmi”ti vutte pana madhuno ekāva ṭhitikā vaṭṭati, tathā phāṇitassa laṭṭhimadhukādīnañca bhesajjānam. Sace pana gandhamālam saṅghuddesam denti, piṇḍapātikassa vaṭṭati, na vaṭṭatīti. Āmisasseva paṭikkhattā vaṭṭati, saṅgham uddissa dinnattā pana na gahetabbanti vadanti.

Uddesabhattakathā niṭṭhitā.

Nimantanabhattakathā

Nimantanam puggalikañce, sayameva issaro. Saṅghikam pana uddesabhatte vuttanayeneva gāhetabbaṃ. Sace panettha dūto byatto hoti, “bhante, rājagehe bhikkhusaṅghassa bhattam gaṇhathā”ti avatvā “bhikkham gaṇhathā”ti vadati, piṇḍapātikānampi vaṭṭati. Atha dūto abyatto “bhattam gaṇhathā”ti vadati, bhattuddesako byatto “bhatta”nti avatvā “bhante, tumhe yāthā”ti vadati; evampi piṇḍapātikānampi vaṭṭati. Tumhākaṃ paṭipāṭiyā “bhattam pāpuṇāti”ti vutte pana na vaṭṭati. Sace nimantetum āgatamanusso āsanasālam pavisitvā “aṭṭha bhikkhū dethā”ti vā “aṭṭha patte dethā”ti vā vadati; evampi piṇḍapātikānam vaṭṭati, “tumhe ca tumhe ca gacchathā”ti vattabbaṃ. Sace pana “aṭṭha bhikkhū detha; bhattam gaṇhatha, aṭṭha patte detha; bhattam gaṇhathā”ti vadati, paṭipāṭiyā gāhetabbaṃ. Gāhentena pana vicchinditvā “bhatta”nti avadantena “tumhe ca tumhe ca gacchathā”ti vutte piṇḍapātikānam vaṭṭati. “Bhante, tumhākaṃ pattam detha, tumhe ethā”ti vutte pana “sādhu, upāsakā”ti gantabbaṃ. Saṅghato uddisitvā “tumhe ethā”ti vuttepi yathāṭṭhitikāya gāhetabbaṃ.

Nimantanabhattagarato pana pattathāya āgatassa uddesabhatte vuttanayeneva ṭhitikāya patto dātabbo. Eko “saṅghato paṭipāṭiyā patta”nti avatvā kevalam “ekam pattam dethā”ti vatvā agāhiteyeva patte yassa kassaci pattam

gahetvā pūretvā āharati, taṃ pattaśāmikasseva hoti, uddesabhatte viya ʘhitikāya na gāhetabbaṃ. Idhāpi yo āgantvā tuṅhībhūto tiṭṭhati, so “kassa santikaṃ āgatośi”ti vā “kassa pattaṃ harissasi”ti vā na vattabbo.

Pucchāsabhāgena hi “tumhākaṃ santikaṃ āgato, tumhākaṃ pattaṃ harissāmi”ti vadeyya, tato so bhikkhu bhikkhūhi jigucchānīyo assa. “Kuhim gacchasi, kim karonto āhiṇḍasi”ti pana vutte “tassa pattaṃhāya āgatomhī”ti vadantassa paṭipāṭiyā bhattaṭṭhitikāya gāhetvā patto dātabbo. “Bhattāharaṇakapattaṃ dethā”ti vuttepi paṭipāṭiyā bhattaṭṭhitikāya eva dātabbo. Sace āharitvā “sabbo saṅgho bhuñjatū”ti vadati, bhājetvā bhuñjitabbaṃ. Pattaśāmikassa atikkantampi ʘhitikaṃ ʘhapetvā aññaṃ paṭipāṭibhattaṃ gāhetabbaṃ.

Eko pāṭiyā bhattaṃ āharitvā “saṅghassa dammī”ti vadati, ālopabhattaṭṭhitikato paṭṭhāya ālopasāṅkhepena bhājetabbaṃ. Sace pana tuṅhībhūto acchati, “kassa te ābhataṃ, kassa dātukāmosī”ti na vattabbo. Sace pana “kuhim gacchasi, kim karonto āhiṇḍasi”ti vutte “saṅghassa me bhattaṃ ābhataṃ, therānaṃ me bhattaṃ ābhata”nti vadati, gahetvā ālopabhattaṭṭhitikāya bhājetabbaṃ. Sace pana evaṃ ābhataṃ bahuṃ hoti, sakalassa saṅghassa bahu hoti, abhihaṭabhikkhā nāma piṇḍapāṭikānampi vaṭṭati, ʘhitikāpucchānakkiccaṃ natthi, therāsanato paṭṭhāya pattaṃ pūretvā dātabbaṃ.

Upāsako saṅghattherassa vā ganthadhutaṅgavasena abhiññātassa vā bhattuddesakassa vā pahīṇāti “amhākaṃ bhattagahaṇatṭhāya aṭṭha bhikkhū gahetvā āgacchathā”ti, sacepi ñātiupaṭṭhākehi pesitaṃ hoti, ime tayo janā pucchitū na labhanti, āruḥhāyeva mātikaṃ, saṅghato aṭṭha bhikkhū uddisāpetvā attanavamehi gantabbaṃ. Kasmā? Bhikkhusaṅghassa hi ete bhikkhū nissāya lābho uppajjati. Ganthadhutaṅgādṭhi pana anabhiññāto āvāsikabhikkhu pucchitū labhati, tasmā tena “kim saṅghato gaṇhāmi, udāhu ye jānāmi, tehi saddhiṃ āgacchāmi”ti mātikaṃ āropetvā yathā dāyaka vadanti, tathā paṭipajjitabbaṃ. “Tumhākaṃ nissitake vā ye vā jānātha, te gahetvā ethā”ti vutte pana ye icchanti, tehi saddhiṃ gantuṃ labhati. Sace “aṭṭha bhikkhū pahīṇathā”ti pesenti, saṅghatova pesetabbā. Attanā sace aññaṃ gāme sakkā hoti bhikkhā labhitū, añño gāmo gantabbo. Na sakkā ce hoti labhitū, soyeva gāmo piṇḍāya pavisitabbo.

Nimantitabhikkhū āsanāsālāya nisinnā honti, tatra ce manussā “patte dethā”ti āgacchanti, animantitehi na dātabbā. “Ete nimantitabhikkhū”ti vattabbaṃ. “Tumhepi dethā”ti vutte pana dātū vaṭṭati. Ussavādīsu manussā sayameva pariveṇāni ca padhānagharāni ca gantvā tipītake ca dhammakathike ca bhikkhusatenapi saddhiṃ nimantenti. Tadā yepi jānanti, te gahetvā gantuṃ vaṭṭati. Kasmā? Na hi mahābhikkhusaṅghena atthikā manussā pariveṇāni ca padhānagharāni gacchanti, sannipāṭāṭṭhānatova yathāsatti yathābalaṃ bhikkhū gaṇhitvā gacchantīti.

Sace pana saṅghatthero vā ganthadhutaṅgavasena abhiññātako vā bhattuddesako vā aññatra vā vassaṃ vasitvā katthaci vā gantvā puna sakatṭhānaṃ āgacchanti, manussā ca āgantukassa sakkāraṃ karonti, ekavāraṃ ye jānanti, te gahetvā gantabbaṃ. Paṭibaddhakālato pana paṭṭhāya dutiyavāre āradde saṅghatoyeva gahetvā gantabbaṃ. Abhinavaāgantukāva hutvā ñāti vā upaṭṭhāke vā passissāmāti gacchanti, tatra tesam ñāti ca upaṭṭhākā ca sakkāraṃ karonti. Ettha pana ye jānanti, te gahetvā gantuṃ vaṭṭati.

Yo pana atilābhī hoti, sakatṭhānaṃ āgantukatṭhānaṃ ekasadisam, sabbattha manussā saṅghabhattaṃ sajjetvāva nisīdanti, tena saṅghatova gahetvā gantabbanti ayaṃ nimantane viṣeso. Avaseso sabbapañho uddesabhatte vuttanayeneva veditabbo. Kurundiyam pana “aṭṭha mahāthere dethā”ti vutte “aṭṭha mahātherāva dātabbā”ti vuttaṃ. Esa nayo majjhimādīsu. Sace pana avisesetvā “aṭṭha bhikkhū dethā”ti vadati, saṅghato dātabbā.

Nimantanabhattakathā niṭṭhitā.

Salākabhattakathā

Salākabhatte pana “anujānāmi, bhikkhave, salākāya vā paṭṭikāya vā upanibandhitvā opuñjitvā uddisitu”nti vacanato rukkasāramayāya salākāya vā veḷuvilīvatālapaṇṇādīmayāya paṭṭikāya vā “asukassa nāma salākabhatta”nti evaṃ akkharāni upanibandhitvā pacchiyaṃ vā cīvarabhoge vā katvā sabbā salākāyo opuñjitvā punappunam heṭṭhuparivaseneva āloṭevā pañcaṅgasamānāgatena bhattuddesakena sace ʘhitikā atthi, ʘhitikato paṭṭhāya; no ce atthi, therāsanato paṭṭhāya salākā dātabbā. Pacchā āgatānampi ekābaddhavasena dūre ʘhitānampi uddesabhatte vuttanayeneva dātabbā.

Sace vihārassa samantato bahū gocaragāmā, bhikkhū pana na bahukā, gāmasenapi salākāyo pāpuṇanti, “tumhākaṃ asukagāme salākabhattaṃ pāpuṇāti”ti gāmaseneva gāhetabbā. Evaṃ gāhentena sacepi ekekasmim gāme nānappakārāni saṭṭhisalākabhattāni, sabbāni gāhitāneva honti, tassa pattaḡāmasamīpe aññānīpi dve tīṇi salākabhattāni honti, tānīpi tasseva dātabbāni. Na hi sakkā tesam kāraṇā aññaṃ bhikkhum pahīṇituntī.

Sace ekaccesu gāmesu bahūni salākabhattāni sallakkhetvā sattannampi aṭṭhannampi bhikkhūnaṃ dātabbāni. Dadantena pana catunnaṃ pañcannaṃ bhattānaṃ salākāyo ekato bandhītvā dātabbā. Sace taṃ gāmaṃ atikkamītvā añño gāmo hoti, tasmīṃca ekameva salākabhattaṃ, taṃ pana pātova denti, tampi etesu bhikkhūsu ekassa nigghahena datvā “pātova taṃ gahetvā pacchā orimagāme itarāni bhattāni gaṇḥāhī”ti vattabbo. Sace orimagāme salākabhattesu agāhitesveva gāhitasaññāya gacchati, parabhāgagāme salākabhattaṃ gahetvā puna vihāraṃ āgantvā itarāni gahetvā orimagāmo gantabbo. “Na hi bahisīmāya saṅghalābho gahetuṃ labbhātī”ti ayaṃ nayo kurundiyaṃ vutto.

Sace pana bhikkhū bahū honti, gāmavasena salākā na pāpuṇanti, vīthivasena vā vīthiyaṃ ekagehavasena vā kulavasena vā gāhetabbā. Vīthiādīsu ca yattha bahūni bhattāni, tattha gāme vuttanayeneva bahūnaṃ bhikkhūnaṃ gāhetabbāni. Salākāsu asati uddisītvāpi gāhetabbāni.

Salākādāyakena pana vattaṃ jānitabbaṃ. Tena hi kālasseva vuṭṭhāya pattacīvaraṃ gahetvā bhojanasālaṃ gantvā asammatṭhaṭṭhānaṃ sammajjītvā pānīyaṃ paribhojanīyaṃ upaṭṭhāpetvā “idāni bhikkhūhi vattaṃ kataṃ bhavissatī”ti kālaṃ sallakkhetvā ghaṇṭiṃ paharītvā bhikkhūsu sannipatītesu paṭhamameva vāragāme salākabhattaṃ gāhetabbaṃ. “Tuyhaṃ asukasmīṃ nāma vāragāme salākā pāpuṇātī tatra gacchā”ti vattabbaṃ.

Sace atirekagāvute gāmo hoti, taṃ divasaṃ gacchantā kilamanti, “sve tuyhaṃ vāragāme pāpuṇātī”ti ajjeva gāhetabbaṃ. Yo vāragāmaṃ pesiyamāno na gacchati, aññaṃ salākāṃ maggati, na dātabbā. Saddhānañhi manussānaṃ puññāhāni saṅghassa ca lābhacchedo hoti, tasmā tassa dutiyepi tatiyepi divase aññā salākā na dātabbā, “attano pattaṭṭhānaṃ gantvā bhujjāhī”ti vattabbo, tīṇi pana divasāni agacchantassa vāragāmato orimavāragāme salākā gāhetabbā. Tañce na gaṇḥātī, tato paṭṭhāya tassa aññaṃ salākāṃ dātuṃ na vaṭṭati, daṇḍakammaṃ pana gālhaṃ kātabbaṃ, saṭṭhito vā paṇṇāsato vā na pariḥāpetabbaṃ. Vāragāme gāhetvā vihāravāro gāhetabbo, “tuyhaṃ vihāravāro pāpuṇātī”ti vattabbaṃ. Vihāravārikassa dve tisso yāgusalākāyo tisso catasso vā bhattasalākāyo ca dātabbā, nibaddhaṃ katvā pana na dātabbā. Yāgubhattadāyakaḥ hi “amhākaṃ yāgubhattaṃ vihāragopakāva bhujjāntī”ti aññathattaṃ āpajjeyyūṃ, tasmā aññesu kulesu dātabbā.

Sace vihāravārikānaṃ sabhāgā āharītvā denti, iccetaṃ kusalaṃ; no ce, vāraṃ gāhetvā tesāṃ yāgubhattaṃ āharāpetabbaṃ. Tāva nesāṃ salākā phātikammameva bhavanti, vassaggena pattaṭṭhāne pana aññampi paṇītabhattasalākāṃ gaṇḥitūṃ labhantiyeva. Atirekauttaribhaṅgassa ekacārikabhattassa visūṃ ṭhitikaṃ katvā salākā dātabbā.

Sace yena salākā laddhā, so taṃdivasaṃ taṃ bhattaṃ na labhati, punadivase gāhetabbaṃ. Bhattameva labhati, na uttaribhaṅgaṃ; evampi puna gāhetabbaṃ. Khīrabhattassa salākāyapi eseva nayo. Sace pana khīrameva labhati, na bhattaṃ; khīralābhato paṭṭhāya puna na gāhetabbaṃ. Dve tīṇi ekacārikabhattāni ekasseva pāpuṇanti, dubbhikkhasamaye saṅghanavakena laddhakāle vijātetvā visūṃ gāhetabbāni, pakātikasalākabhattaṃ aladdhassāpi punadivase gāhetabbaṃ.

Sace khuddako vihāro hoti, sabbe bhikkhū ekasambhogā, ucchusalākāṃ gāhentena yassa kassaci sammukhībhūtassa pāpetvā mahātherādīnaṃ divā tacchetvā dātuṃ vaṭṭati. Rāsasalākāṃ pāpetvā pacchābhattaṃ parissāvetvā vā phāṇitaṃ vā kāretvā piṇḍapātikādīnampi dātabbaṃ. Āgantukānaṃ āgatānāgatabhāvaṃ ñatvā gāhetabbā, mahāvāse ṭhitikaṃ katvā gāhetabbā.

Takkasalākampi sabhāgaṭṭhāne pāpetvā vā pacāpetvā vā dhūmāpetvā vā therānaṃ dātuṃ vaṭṭati. Mahāvāse vuttanayeneva paṭipajjitabbaṃ phalasalākapūvasalākabhesajjagandhamālasalākāyopi visūṃ ṭhitikāya gāhetabbā. Bhesajjādisalākāyo cettha kiñcāpi piṇḍapātikānampi vaṭṭanti, salākavasena gāhitattā pana na sādītabbā. Aggabhikkhāmattaṃ salākabhattaṃ denti, ṭhitikaṃ pucchītvā gāhetabbaṃ. Asatīyā ṭhitikāya therāsanato paṭṭhāya gāhetabbaṃ. Sace tādisāni bhattāni bahūni honti, ekekassa bhikkhuno dve tīṇi dātabbāni; no ce, ekekameva datvā paṭipāṭīyā gatāya puna therāsanato paṭṭhāya dātabbaṃ. Sace antarāva upacchijjati, ṭhitikā sallakkhetabbā. Yadi pana tādisānaṃ bhattaṃ nibaddhameva hoti, yassa pāpuṇātī, so vattabbo “laddhā vā aladdhā vā svepi gaṇḥeyyāsī”ti. Ekam anibaddhaṃ hoti, labhanadivase pana yāvadatthaṃ labhati, alabhanadivasā bahutarā honti, taṃ yassa pāpuṇātī, so alabhītvā “sve gaṇḥeyyāsī”ti vattabbo.

Yo salākāsu gāhitāsu pacchā āgacchati, tassa atikkantāva salākā na upaṭṭhāpetvā dātabbā. Salākāṃ nāma ghaṇṭīppaharaṇato paṭṭhāya āgantvā hatthaṃ pasārentova labhati. Aññassa āgantvā samīpe ṭhitassāpi atikkantā atikkantāva hoti. Sace panassa añño gaṇḥanto atthi, sayaṃ anāgatopi labhati. Sabhāgaṭṭhāne asuko anāgototi ñatvā “ayaṃ tassa salākā”ti ṭhapetuṃ vaṭṭati. Sace “anāgatassa na dātabbā”ti katikaṃ karonti, adhammīkā hoti. Antoupacāre ṭhitassa hi bhājanīyabhaṇḍaṃ pāpuṇātī. Sace pana “anāgatassa dethā”ti mahāsaddaṃ karonti, daṇḍakammaṃ ṭhapetabbaṃ, “āgantvā gaṇḥantū”ti vattabbaṃ.

Chappañcasalākā naṭṭhā honti, bhattuddesako dāyakanāṃ nāmaṃ nassarati, so ce naṭṭhasalākā mahātherassa vā

attano vā pāpetvā bhikkhū vadeyya, “mayā asukagāme salākabhataṃ mayhaṃ pāpitaṃ, tumhe tattha laddhaṃ salākabhataṃ bhuñjeyyāthā”ti, vaṭṭati. Vihāre apāpitaṃ pana āsanasālāya taṃ bhataṃ labhitvā tattheva pāpetvā bhuñjituṃ na vaṭṭati. “Ajja paṭṭhāya mayhaṃ salākabhataṃ gaṇhathā”ti vutte tatra āsanasālāya gāhetuṃ na vaṭṭati, vihāraṃ ānetvā gāhetabbaṃ. “Sve paṭṭhāyā”ti vutte pana bhattuddesakassa ācikkhitabbaṃ “sve paṭṭhāya asukakulaṃ nāma salākabhataṃ deti, salākaggāhaṇakāle sareyyāsī”ti. Dubbhikkhe salākabhataṃ pacchinditvā subhikkhe jāte kiñci disvā “ajja paṭṭhāya amhākaṃ salākabhataṃ gaṇhathā”ti puna paṭṭhapenti, antogāme agāhetvā vihāraṃ ānetvāva gāhetabbaṃ. Idañhi “salākabhataṃ” nāma. Uddesabhataṃsadisaṃ na hoti, vihārameva sandhāya diyyati, tasmā bahiupacāre gāhetuṃ na vaṭṭati. “Sve paṭṭhāyā”ti vutte pana vihāre gāhetabbaṃmeva.

Gamiko bhikkhu yaṃ disābhāgaṃ gantukāmo, tattha aññena vāragāmasalākā laddhā hoti, taṃ gāhetvā itaraṃ bhikkhuṃ “mayhaṃ pattasalākākaṃ tvam gaṇhāhi”ti vatvā gantuṃ vaṭṭati. Tena pana upacārasīmaṃ anatikkanteyeva tasmīṃ tassa salākā gāhetabbā.

Chaḍḍitavihāre manussā bodhicetiyādīni jaggitvā bhuñjantūti salākabhataṃ paṭṭhapenti, bhikkhū sakaṭṭhānesu vasitvā kālasseva gantvā tattha vattaṃ karitvā taṃ bhataṃ bhuñjanti, vaṭṭati. Sace tesu svātanāya attano pāpetvā gatesu āgantuko bhikkhu chaḍḍitavihāre vasitvā kālasseva vattaṃ katvā ghaṇṭiṃ paharivā salākabhataṃ attano pāpetvā āsanasālāya gacchati, sova tassa bhataṃ issaro. Yo pana bhikkhūsu vattaṃ karontesuyeva bhūmiyaṃ dve tayo sammūñjanipahāre datvā ghaṇṭiṃ paharivā “dhuṛagāme salākabhataṃ mayhaṃ pāpuṇāti”ti gacchati, tassa taṃ corikāya gahitattā na pāpuṇāti, vattaṃ katvā pāpetvā pacchā gatabhikkhūnaṃyeva hoti.

Eko gāmo atidūre hoti, bhikkhū niccaṃ gantuṃ na icchanti, manussā “mayā puññena paribāhirā homā”ti vadanti, ye tassa gāmassa āsanavihāre sabhāgabhikkhū, te vattabbā “imesaṃ bhikkhūnaṃ anāgatadivase tumhe bhuñjathā”ti. Salākā pana devasikaṃ pāpetabbā, tā ca kho pana ghaṇṭippaharaṇamattena vā pacchicālanamattena vā pāpitā na honti, pacchiṃ pana gāhetvā salākā piṭhake ākiritabbā, pacchiṃ pana mukhavaṭṭiyaṃ na gāhetabbā. Sace hi tattha ahi vā vicchiko vā bhavēyya, dukkhaṃ uppādeyya; tasmā heṭṭhā gāhetvā pacchiṃ parammukhaṃ katvā salākā ākiritabbā “sacepi sappo bhavissati, ettova palāyissati”ti. Evaṃ salākā ākiritvā gāmādivasena pubbe vuttanayeneva gāhetabbā. Apica ekaṃ mahātherassa pāpetvā “avasesā mayhaṃ pāpuṇāti”ti attano pāpetvā vattaṃ katvā cetiyaṃ vanditvā vitakkamālake ṭhitehi bhikkhūhi “pāpitā, āvuso, salākā”ti vutte “āma, bhante, tumhe gatagatagāme salākabhataṃ gaṇhathā”ti vattabbaṃ; evaṃ pāpitāpi hi supāpitāva honti.

Bhikkhū sabbarattīṃ dhammasavanattaṃ aññaṃ vihāraṃ gacchantā “mayā tattha dānaṃ aggāhetvāva amhākaṃ gocaragāmeva piṇḍāya caritvā āgamissāmā”ti salākā aggāhetvāva gatā, vihāre therassa pattasalākabhataṃ bhuñjituṃ āgacchanti, vaṭṭati. Atha mahātheropi “ahaṃ idha kiṃ karomī”ti tehiyeva saddhiṃ gacchati, tehi gatavihāre abhuñjitvāva gocaragāmaṃ anuppattehi “detha, bhante, patte salākāyāguādīni āharissāmā”ti vutte pattā na dātabbā. “Kasmā, bhante, na dethā”ti “vihāraṭṭhakaṃ bhataṃ vihāre vutthānaṃ pāpuṇāti, mayā aññasmiṃ vihāre vutthā”ti. “Detha, bhante, na mayā vihāre pālīkāya dema, tumhākaṃ dema, gaṇhathā amhākaṃ bhikkha”nti vutte pana vaṭṭati.

Salākabhataṃkathā niṭṭhitā.

Pakkhikabhataṃdīkathā

Pakkhikādīsu pana yaṃ abhilakkhitesu cātuddasī pañcadasī pañcamī aṭṭhamīti imesu pakkhesu kammappasutehi uposathaṃ kātuṃ satikaraṇatthāya diyyati, taṃ **pakkhikaṃ** nāma. Taṃ salākabhataṃgatikameva hoti, gāhetvā bhuñjitabbaṃ. Sace salākabhataṃtampi pakkhikabhataṃtampi bahu sabbesaṃ vinivijjhivā gacchati, dvepi bhataṃni visuṃ visuṃ gāhetabbāni. Sace bhikkhusaṅgho mahā, pakkhikaṃ gāhetvā tassa ṭhitikāya salākabhataṃ gāhetabbaṃ, salākabhataṃ vā gāhāpetvā tassa ṭhitikāya pakkhikaṃ gāhetabbaṃ. Yesaṃ na pāpuṇāti, te piṇḍāya carissanti. Sace dvepi bhataṃni bahūni, bhikkhū mandā; salākabhataṃ nāma devasikaṃ labbhati, tasmā taṃ ṭhāpetvā “pakkhikaṃ āvuso bhuñjathā”ti pakkhikameva gāhetabbaṃ. Pakkhikaṃ paṇītaṃ denti, visuṃ ṭhitikā kātabbā. “Sve pakkho”ti ajja pakkhikaṃ na gāhetabbaṃ. Sace pana dāyakā vadanti “sve amhākaṃ ghare lūkhabhataṃ bhavissati, ajjeva pakkhikabhataṃ uddisathā”ti, evaṃ vaṭṭati.

Uposathikaṃ nāma anvaḍḍhamāse uposathāṅgāni samādiyitvā yaṃ attanā bhuñjati, tadeva diyyati. **Pātipadikaṃ** nāma “uposathe bahū saddhā pasannā bhikkhūnaṃ sakkāraṃ karonti, pātipade pana bhikkhū kilamanti, pātipade dinnāṃ dubbhikkhadānasadisāṃ mahapphalaṃ hoti, uposathakammaṃ vā parisuddhasīlānaṃ dutiyadivase dinnāṃ mahapphalaṃ hoti”ti sallakkhetvā pātipade diyyanakādānaṃ, tampi ubhayaṃ salākabhataṃgatikameva. Iti imāni sattapi bhataṃni piṇḍapātikānaṃ na vaṭṭanti, dhutaṅgabhedāṃ karontiyeva.

Aparānīpi cīvarakkhandhake visākhāya varaṃ yācitvā dinnāni āgantukabhataṃ gamiyabhataṃ gilānabhataṃ gilānupaṭṭhākabhataṃti cattāri bhataṃni pāliyaṃ āgatāneva, tattha āgantukānaṃ dinnāṃ bhataṃ “**āgantukabhataṃ**”.

Esā nayo sesesu. Sace panettha āgantukabhattānīpi āgantukāpi bahū hontī, sabbesaṃ ekekaṃ gāhetabbaṃ, bhattesu appahontesu ʘhitikāya gāhetabbaṃ. Eko āgantuko paṭhamameva āgantvā sabbāṃ āgantukabhattāṃ attano gāhetvā nisīdatī, sabbāṃ tasseva hotī, pacchā āgatehī āgantukehī tena dinnānī paribhuñjītabbānī. Tenapī ekaṃ attano gāhetvā sesānī dātābbānī. Ayaṃ ulāro.

Sace pana yo paṭhamaṃ āgantvāpi attano aggahetvā tuṅhībhūto nisīdatī, pacchā āgatehī saddhiṃ paṭipāṭiyā gaṇhitabbaṃ. Sace nīccāṃ āgantukā āgacchanti, āgatādivaseyeva bhuñjītabbaṃ, antarantarā ce āgacchanti, dve tīṇī divasānī bhuñjītabbaṃ. Mahāpaccariyaṃ pana “satta divasānī bhuñjītuṃ vaṭṭatī”ti vuttaṃ.

Āvāsiko katthaci gantvā āgato, tenāpi āgantukabhattāṃ paribhuñjītabbaṃ. Sace pana taṃ vihāre nibandhāpitaṃ hotī, vihāre gāhetabbaṃ. Atha vihāro dūre hotī, āsanāsālāya nibandhāpitaṃ āsanāsālāya gāhetabbaṃ. Sace pana dāyakā “āgantukesu asatī āvāsīkāpi paribhuñjantū”ti vadanti, vaṭṭatī.

Gamiyabhatterpi ayameva kathāmaggo. Ayaṃ pana viseso – āgantuko āgantukabhattameva labhati, gamiko āgantukabhattampi gamiyabhattampi. Āvāsīkopi pakkamitukāmo gamiko hotī; gamiyabhattāṃ labhati. Yathā pana āgantukabhattāṃ; evamidaṃ dve vā tīṇī vā satta vā divasānī na labbhati. “Gamissāmī”ti bhutto taṃdivasaṃ kenacideva kāraṇena na gato, punādivasepi bhuñjītuṃ vaṭṭatī, saussāhattā. “Gamissāmī”ti bhuttassa corā vā panthaṃ rundhanti udakaṃ vā, devo vā vassatī, sattho vā na gacchati, saussāhena bhuñjītabbaṃ. Ete upaddave olokentena “dve tayo divase bhuñjītuṃ vaṭṭatī”ti mahāpaccariyaṃ vuttaṃ. “Gamissāmī”ti pana lesaṃ oḍḍetvā bhuñjītuṃ na labhati.

Gilānabhattampi sace sabbesaṃ gilānānaṃ pahotī, sabbesaṃ dātābbāṃ; no ce, ʘhitikaṃ katvā gāhetabbaṃ. Eko gilāno arogarūpo sakkotī antogāmaṃ gantuṃ, eko na sakkotī, ayaṃ “**mahāgilāno**” nāma. Etassa gilānabhattāṃ dātābbāṃ. Dve mahāgilānā – eko lābhī abhiññāto bahuṃ khādanīyaṃ bhojanīyaṃ labhati, eko anātho appalābhatāya antogāmaṃ pavasatī – etassa gilānabhattāṃ dātābbāṃ. Gilānabhatter pana divasaparicchedo natthī. Yāva rogo na vūpasammatī, sappāyabhojanaṃ abhuñjanto na yāpetī, tāva bhuñjītabbaṃ. Yadā pana missakayāguṃ vā missakabhattāṃ vā bhuttassāpi rogo na kuppattī, tato paṭṭhāya na bhuñjītabbaṃ.

Gilānupaṭṭhākabhattampi yaṃ sabbesaṃ pahotī, taṃ sabbesaṃ dātābbāṃ; no ce pahotī, ʘhitikaṃ katvā gāhetabbaṃ. Idampi dvīsu gilānesu mahāgilānupaṭṭhākassa gāhetabbaṃ, dvīsu mahāgilānesu anāthagilānupaṭṭhākassa. Yaṃ kulaṃ gilānabhattampi detī gilānupaṭṭhākabhattampi, tatha yassa gilānassa bhattāṃ pāpuṇātī tadupaṭṭhākassāpi tattheva gāhetabbaṃ. Gilānupaṭṭhākabhatterpi divasaparicchedo natthī, yāva gilāno labhati, tāvassa upaṭṭhākopi labhatī. Imānī cattārī bhattānī sace evaṃ dinnānī hontī “āgantukagamikāgilānupaṭṭhākā mama bhikkhaṃ gaṇhantū”ti, piṇḍapātīkānampi vaṭṭatī. Sace pana āgantukādīnaṃ bhattāṃ nibandhāpemi, “mama bhattāṃ gaṇhantū”ti evaṃ dinnānī hontī, piṇḍapātīkānaṃ na vaṭṭatī.

Aparānīpi “dhurabhattāṃ, kuṭībhattāṃ, vārabhatta”ntī tīṇī bhattānī. Tatha **dhurabhattanti** nīccabhattāṃ vuccatī, taṃ duvidhaṃ – saṅghikaṃ puggalīkaṃ. Tatha yaṃ “saṅghassa dhurabhattāṃ demā”ti nibandhāpitaṃ, taṃ salākabhattāgatīkaṃ. “Mama nibaddhaṃ bhikkhaṃ gaṇhantū”ti vatvā dīnaṃ pana piṇḍapātīkānampi vaṭṭatī. Puggalīkepi “tumhākaṃ dhurabhattāṃ dammī”ti vutte piṇḍapātīko ce, na vaṭṭatī. “Mama nibaddhaṃ bhikkhaṃ gaṇhathā”ti vutte pana vaṭṭatī, sādītābbāṃ. Sacepi pacchā katīpāhe vītīvatte “dhurabhattāṃ gaṇhathā”ti vadatī, mūle suṭṭhu sampācchītattā vaṭṭatī.

Kuṭībhattāṃ nāma yaṃ saṅghassa āvāsaṃ kāretvā “amhākaṃ senāsanāvāsīno amhākaṃyeva bhattāṃ gaṇhantū”ti evaṃ nibandhāpitaṃ, taṃ salākabhattāgatīkameva hotī, gāhetvā bhuñjītabbaṃ. “Amhākaṃ senāsanāvāsīno amhākaṃyeva bhikkhaṃ gaṇhantū”ti vutte pana piṇḍapātīkānampi vaṭṭatī. Yaṃ pana puggale pasīditvā tassa vā āvāsaṃ katvā “tumhākaṃ demā”ti dīnaṃ, taṃ tasseva hotī, tasmīṃ katthaci gate nīssītakehī bhuñjītabbaṃ.

Vārabhattāṃ nāma dubbhikkhasamāye “vārena bhikkhū jaggiṣṣāmā”ti dhuragehato paṭṭhāya dīnaṃ, tampi bhikkhāvācanena dīnaṃ piṇḍapātīkānaṃ vaṭṭatī. “Vārabhatta”ntī vutte pana salākabhattāgatīkaṃ hotī. Sace taṇḍulādīnī pesentī, “sāmaṇerā pacītvā dentū”ti, piṇḍapātīkānaṃ vaṭṭatī. Itī imānī ca tīṇī āgantukabhattādīnī ca cattārīti satta, tānī saṅghabhattādīhī saha cuddasa bhattānī hontī.

Aṭṭhakathāyaṃ pana vihārabhattāṃ, aṭṭhakabhattāṃ, catukkabhattāṃ, guḷhakabhattanti aññānīpi cattārī bhattānī vuttānī. Tatha **vihārabhattāṃ** nāma vihāre tatrūpādābhattāṃ, taṃ saṅghabhattena gāhitaṃ. Taṃ pana tīssamahāvīhāracītalapabbatādīsū paṭīsamabhīdāpattehī khīṇāsavēhī yathā piṇḍapātīkānampi sakkā hotī paribhuñjītuṃ, tathā paṭīggahītattā tādisesu ʘhānesu piṇḍapātīkānampi vaṭṭatī. “Aṭṭhannaṃ bhikkhūnaṃ dema, catunnaṃ demā”ti evaṃ dīnaṃ pana **aṭṭhakabhattānceva catukkabhattānceva**; tampi bhikkhāvācanena dīnaṃ piṇḍapātīkānaṃ vaṭṭatī. Mahābhīsaṅkhārīkena atīrasakapūvena pattāṃ pūretvā thaketvā dīnaṃ **guḷhakabhattāṃ** nāma. Imānī tīṇī salākabhattāgatīkāneva.

Aparampi **gulakabhataṃ** nāma atthi, idhekacce manussā mahādhammasavanañca vihārapūjañca kāretvā sakalasaṅghassa dātum na sakkomāti, “dve tīṇi bhikkhusatāni amhākaṃ bhikkhaṃ gaṇhantū”ti bhikkhuparicchedajānanatthaṃ gulake denti, idaṃ piṇḍapātikanampi vaṭṭati. Iti cīvarakkhandhake cīvarabhājanīyaṃ, imasmiṃ pana senāsanakkhandhake senāsanabhājanīyañceva piṇḍapātābhājanīyañca vuttaṃ.

Gilānapaccayabhājanīyaṃ pana evaṃ vedittabbaṃ – sappiādīsu bhesajjesu rājarājamahāmattā sappissa tāva kumbhasatampi kumbhasahassampi vihāraṃ pesenti, ghaṇṭiṃ paharivā therāsanato paṭṭhāya gahitabhājanaṃ pūretvā dātābbaṃ, piṇḍapātikanampi vaṭṭati. Sace alasajātikā mahātherā pacchā āgacchanti, “bhante, vīsativassānaṃ diyyati, tumhākaṃ ṭhitikā atikkantā”ti na vattabbā, ṭhitikaṃ ṭhapetvā tesam datvā pacchā ṭhitikāya dātābbaṃ.

“Asukavihāre bahu sappi uppanna”nti sutvā yojanantaravihāratopi bhikkhū āgacchanti, sampattasampattānaṃ ṭhitatṭhānato paṭṭhāya dātābbaṃ. Asampattānaṃ upacārasīmaṃ pavittṭhānaṃ antevāsikādīsu gaṇhantesu dātābbaṃ. “Bahiupacārasīmāya ṭhitānaṃ dethā”ti vadanti, na dātābbaṃ. Sace pana upacārasīmaṃ okkantehi ekābaddhā hutvā attano vihāradvāre vā antovihāreyeva vā honti, parisāvāsena vaḍḍhitā nāma sīmā hoti, tasmā dātābbaṃ. Saṅghanavakassa dinnepi pacchā āgatānaṃ dātābbaṃ. Dutiyabhāge pana therāsaṇaṃ āruḷhe pacchā āgatānaṃ paṭhamabhāgo na pāpuṇāti, dutiyabhāgato vassaggena dātābbaṃ. Upacārasīmaṃ pavisitvā yattha katthaci dinnam hoti, sabbasannipātāṭṭhāneyeva bhājetābbaṃ.

Yasmiṃ vihāre dasa bhikkhū, daseva ca sappikumbhā diyyanti, ekekakumbhavaseneva bhājetābbaṃ. Eko sappikumbho hoti, dasa bhikkhūhi bhājetvā gahetābbaṃ. Sace yathāṭṭhitāmyeva “amhākaṃ pāpuṇāti”ti gaṇhanti, duggahitaṃ; gatagataṭṭhāne saṅghikameva hoti. Kumbhaṃ pana āvajjētvā thālake thokaṃ sappiṃ katvā “idaṃ mahātherassa pāpuṇāti, avasesaṃ amhākaṃ pāpuṇāti”ti vatvā tampi kumbheyeva ākiritvā yathicchitaṃ gahetvā gantum vaṭṭati. Sace thinam sappi hoti, lekhaṃ katvā “lekhatō parabhāgo mahātherassa pāpuṇāti, avasesaṃ amhāka”nti gahitampi suggahitaṃ, vuttaparicchedato ūnādhikesupi bhikkhūsu ca sappikumbhesu ca etenevupāyena bhājetābbaṃ.

Sace paneko bhikkhu, ekopi kumbho hoti, ghaṇṭiṃ paharivā “ayaṃ mayhaṃ pāpuṇāti”ti gahetum vaṭṭati. “Ayaṃ paṭhamabhāgo mayhaṃ pāpuṇāti, ayaṃ dutiyabhāgo”ti evaṃ thokaṃ thokampi pāpetum vaṭṭati. Esa nayo navanītādīsupi. Yasmiṃ pana vippasanne tilatelādīmihi lekhaṃ na santiṭṭhati, taṃ uddharivā bhājetābbaṃ. Siṅgiveramaricādībhesajjampi avasesapattathālakādīsamaṇaparikkhāropi sabbo vuttānurūpeneva nayena suṭṭhu sallakkhetvā bhājetābbaṃ.

Pāḷiṃ aṭṭhakathañceva, oloketvā vicakkhaṇo;
Saṅghike paccaye evaṃ, appamattova bhājayeti.

Iti sabbākārena paccayabhājanīyakathā niṭṭhitā.

Sammānitvā ṭhapitayāgubhājakādīhi bhājanīyaṭṭhānaṃ āgatamanussānaṃ anāpucchitvā upaḍḍhabhāgo dātābbo, asammatehi pana apaloketvā dātābbo. Sammatena appamattakavissajjanakena bhikkhunā cīvarakammaṃ karontassa “sūciṃ dehi”ti vadato ekā dīghā, ekā rassāti dve sūciyo dātābbaṃ. “Avibhattaṃ saṅghikaṃ bhaṇḍa”nti pucchitābbaṃ natthi. Pippalakatthikassa eko pippalako, addhānakantāraṃ paṭipajjitukāmassa upāhanayugaḷaṃ, kāyabandhanatthikassa kāyabandhanaṃ, “aṃsabaddhako me jīṇo”ti āgatassa aṃsabaddhako, parissāvanatthikassa parissāvanaṃ dātābbaṃ. Dhammakaraṇatthikassa dhammakaraṇo. Sace paṭako na hoti, dhammakaraṇo paṭakena saddhiṃ dātābbo. “Āgantukapaṭṭaṃ āropessāmi”ti yācantassa kusiyā ca aḍḍhakusiyā ca pahonakaṃ dātābbaṃ. “Maṇḍalaṃ nappahoti”ti āgatassa maṇḍalaṃ ekaṃ dātābbaṃ, aḍḍhamāṇḍalāni dve dātābbaṃ. Dve maṇḍalāni yācantassa na dātābbaṃ. Anuvātaparibhaṇḍatthikassa ekassa cīvarassa pahonakaṃ dātābbaṃ. Sappinavanītādīatthikassa gilānassa ekaṃ bhesajjaṃ nāḷimattaṃ katvā tato tatiyakoṭṭhāso dātābbo. Evaṃ tīṇi divasāni datvā nāḷiyā paripuṇṇāya catutthadivasato paṭṭhāya saṅghaṃ pucchitvā dātābbaṃ. Guḷapiṇḍepi ekadivasaṃ tatiyabhāgo dātābbo. Evaṃ tīhi divasehi niṭṭhite piṇḍe tato paraṃ saṅghaṃ pucchitvā dātābbaṃ. Sesam sabbattha uttānamevāti.

Pakkhikabhattādīkathā niṭṭhitā.

Senāsanakkhandhakavaṇṇanā niṭṭhitā.

7. Saṅghabhedakakkhandhakaṃ

Chasakyapabbajjākathā

330. Saṅghabhedakakkhandhake **abhiññātā abhiññātā**ti pākāṭā pākāṭā. **Sakyakumārā** nāma kāḷudāyippabbutayo

dasa dūtā saddhiṃ parivārehi aññe ca bahū janā. **Amhākanti** amhesu; amhākaṃ kulatoti vā vuttaṃ hoti. **Gharāvāsathāṃ anusāsissāmīti** gharāvāse yaṃ kattabbaṃ, taṃ jānāpessāmi. **Udakaṃ ninnetabbanti** yathā udakaṃ sabbatṭhāne samaṃ hoti, evaṃ kātabbaṃ. **Niddhāpetabbanti** tiṇāni uddharitabbāni. **Bhusikā uddharāpetabbāti** sukhumapalālamissadhaññā palālikā palāpetabbā. **Opunāpetabbanti** sukhumapalālaṃ apanetabbāṃ. **Tvaññeva gharāvāsathena upajānāhīti** tvaññeva gharāvāsathāṃ jānāhi. **Ahaṃ tayā yathāsukhaṃ pabbajāhīti** ettha ahaṃ tayā saddhiṃ pabbajissāmīti sahāyasinehena sahasā vattukāmo hutvā puna rajjasirilobhena parikaḍḍhiyamānahadayo “ahaṃ tayā”ti ettakameva vatvā sesaṃ vattuṃ nāsakkhīti evamattho veditabbo.

331. Nippātītāti nikkhamitā. **Mānassinoti** mānassayīno; mānanissitāti vuttaṃ hoti.

332. Yasantarato na santi kopāti tatiyamaggena samūhatattā yassa citte kopā na santi. Yasmā pana **bhavoti** sampatti, **vibhavoti** vipatti; tathā bhavoti vuḍḍhi, **vibhavoti** hāni; bhavoti sassataṃ, **vibhavoti** ucchedo; bhavoti puññaṃ, **vibhavoti** pāpaṃ; **vibhavoti** ca abhavoti ca atthato ekameva, tasmā **itibhavābhavatañca vītivattoti** ettha yā esā sampattivipattivuḍḍhihānisassatucchedapuññaṃpāpavasena iti anekappakārā bhavābhavatā vuccati; catūhipi maggehi yathāsambhavaṃ tena tena nayena taṃ itibhavābhavatañca vītivattoti evamattho daṭṭhabbo. **Nānubhavantīti** na sampāpuṇanti; tassa dassanaṃ devānampi dullabhanti adhippāyo.

333. Ahimekhalikāti ahiṃ kaṭiyāṃ bandhitvā. **Ucchaṅgeti** anke.

334. Sammānatīti sammāneti. **Yaṃ tumo karissatīti** yaṃ so karissati.

Chasakyaṃpabbajākathā niṭṭhitā.

Pakāsanīyakammādikathā

336. Kheḷāsakassāti ettha micchājīvena uppannapaccayā ariyehi vantabbā kheḷasadisā, tathārūpe paccaye ayaṃ ajjhoharatīti katvā kheḷāsakoti bhagavatā vutto.

340. Patthaddhena kāyenāti potthakarūpasadisena niccalena kāyena.

342. Mayaṃ kho bhaṇe rājañātakā nāmāti rājā amhe jānātīti rājañātakassa bhāvena attānaṃ ukkaṃsanto āha. **Pahaṭṭhakaṇṇavāloti** bandhane niccale katvā.

Dukkhañhi kuñjara nāgamāsadoti bho kuñjara buddhanāgaṃ āsādanaṃ vadhakacittena upagamaṃ nāma dukkhaṃ. **Nāgahatassāti** buddhanāgaṃ ghātakassa.

Paṭikuṭiyova osakkīti tathāgatābhīmukhoyeva piṭṭhimehi pādehi avasakki. **Alakkhikoti** ettha na lakkhetīti alakkhiko; na jānātīti attho, ahaṃ pāpakammaṃ karomīti na jānāti. Na lakkhitabboti vā alakkhiko; na passitabboti attho.

343. Tikabhojananti ettha tīhi janehi bhūñjitabbabhojanaṃ. **Taṃ paññāpessāmīti** taṃ anujānissāmi. Gaṇabhojane pana yathādharmo kāretabboti. **Pañcavatthuyācanakathā** saṅghādisesavaṇṇanāyaṃ vuttā. **Kappanti** āyukappaṃ. **Brahmaṃ puññanti** seṭṭhaṃ puññaṃ. **Kappaṃ saggamhīti** āyukappameva.

Pakāsanīyakammādikathā niṭṭhitā.

Saṅghabhedakakathā

344. Atha kho devadatto saṅghaṃ bhinditvāti so kira evaṃ salākaṃ gāhetvā tattheva āveṇikaṃ uposathaṃ katvā gato, tenetaṃ vuttaṃ.

345. Piṭṭhi me āgilāyatīti ciranisajjāya vedanābhībhūtā bādhati. **Tamaḥaṃ āyamissāmīti** taṃ ahaṃ pasāressāmi. **Ādesanāpāṭihāriyānusāsānī** nāma “evampi te mano, tathāpi te mano”ti evaṃ parassa cittaṃ jānitvā tadanurūpā dhammadesanā.

346. Mamānukubbanti mamānukiriyaṃ kurumāno. **Kapaṇoti** dukkhito. **Mahāvarāhassāti** mahānāgassa. **Mahiṃ vikubbatoti** pathaviṃ padālentassa. **Bhisaṃ ghasamānassāti** bhisaṃ khādantassa. **Nadīsu jaggatoti** ettha so kira hatthināgo sāyanhasamayaṃ taṃ nadināmakaṃ pokkharāṇiṃ ogāhetvā kilanto sabbarattiṃ vītināmesi, jālikaṃ karoti, tena vuttaṃ “nadīsu jaggato”ti.

347. Sutāti sotā. Asandiddho ca akkhātīti nissandeho hutvā akkhāti anusandhivasena yojetvā yojetvā.

350. Apāye nibbattissatīti **āpāyiko**. Evaṃ **nerayiko**. Kappaṃ ṭhassatīti **kappaṭṭho**. Idāni buddhasahassenāpi tikicchitum na sakkāti **atekiccho**.

Mā jātu koci lokasminti mā kadācīpi koci satto lokasmiṃ. **Udapajjathāti** upapajjatha. **Jalamva yasasā aṭṭhāti** yasasā jalanto viya ṭhito. **Devadattoti me sutanti** “īdiso devadatto”ti bhagavatā sutampi atthi, tadeva gahetvā idaṃ vuttam. **So pamādamanuciṇṇoti** ettha pamādaṃ anucināṭīti anuciṇṇo, pamādo appahīnoti attho. **Āsajja nanti** pāpakena cittena patvā, visosetvāti vā attho. **Avīcinirayaṃ pattoti** idaṃ pana āsīsayam aṭṭavacanaṃ. **Bhesmāti** bhayānako.

Saṅghabhedakakathā niṭṭhitā.

Upālīpañhākathā

351. Ekato upālī ekoti dhammavāḍipakkhe eko. **Ekato dveti** adhammavāḍipakkhe dve. **Catuttho anussāvetīti** saṅghaṃ bhindissāmīti adhammavāḍicatuttho hutvā anussāveti; ananayanto sāveti “na tumhākaṃyeva narakabhayaṃ atthi, amhākaṃyeva narakabhayaṃ atthi, na amhākaṃ avīcimaggo pihito, na mayaṃ akusalā na bhāyāma. Yadi hi ayaṃ adhammo avinayo asatthusāsanam vā bhavēyya, na mayaṃ gaṇheyyāmā”tiādīnā nayena “adhammaṃ dhammo”ti evaṃ aṭṭhārasa bhedakaravattūni bodhetīti attho. **Salākaṃ gāhetīti** evaṃ anussāvetvā pana “idaṃ gaṇhatha, idaṃ rocethā”ti vadanto salākaṃ gāheti.

Ekato upālī dve hontītiādīsūpi eseva nayo. **Evaṃ kho upālī saṅgharāji ceva hoti saṅghabhedo cāti** evaṃ hoti; na pana ettāvātā saṅgho bhinno hoti.

Bhikkhu kho upālī pakatatto samānasamvāsako samānasīmāyaṃ ṭhito saṅghaṃ bhindatīti ettha siyā evaṃ “devadatto kathaṃ pakatatto”ti. Kathaṃ tāva na pakatatto, rañño ghātāpitattā ruhiruppādassa ca katattāti? Tattha vadāma – āṇattiyā tāva viraddhattā rañño ghātāpanaṃ natthi. “Tena hi tvaṃ, kumāra, pītaṃ hantvā rājā hohi, ahaṃ bhagavantaṃ hantvā buddho bhavissāmī”ti evaṃhi tassa āṇatti. Kumāro pana rājā hutvā pacchā pītaṃ māresi; evaṃ tāva āṇattiyā viraddhattā rañño ghātāpanaṃ natthi. Ruhiruppāde pana katamatteyyeva ruhiruppādapaccayā bhagavatā abhbatā na vuttā, na ca sakkā bhagavato vacanaṃ vināyeva tassa abhbatā āropetum.

“Ruhiruppādako, bhikkhave, anupasampanno na upasampādetabbo, upasampanno nāsetabbo”ti –

Idaṃ pana bhagavatā saṅghabhedato pacchā vuttam, tasmā pakatatteneva tena saṅgho bhinnoti.

Adhammaṃ dhammoti dīpentītiādīsū aṭṭhārasasu bhedakaravattūsu suttantapariyāyena tāva dasa kusalakammapathā dhammo, dasa akusalakammapathā adhammo. Tathā cattāro satipaṭṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggoti sattatiṃsa bodhipakkhiyadhammā dhammo nāma; tayo satipaṭṭhānā, tayo sammappadhānā, tayo iddhipādā, cha indriyāni, cha balāni, aṭṭha bojjhaṅgā, navaṅgiko maggoti ca cattāro upādānā, pañca nīvaraṇā, satta anusayā, aṭṭha micchattāti ca ayaṃ adhammo.

Tattha yaṃkiñci ekaṃ adhammakotṭhāsaṃ gahetvā “imaṃ adhammaṃ dhammoti karissāma; evaṃ amhākaṃ ācariyakulaṃ nissāya niyyānikaṃ bhavissati, mayaṃ loka pākāṭā bhavissāmā”ti taṃ adhammaṃ “dhammo aya”nti kathayantā adhammaṃ dhammoti dīpentīti nāma. Tatheva dhammakotṭhāsesu ca ekaṃ gahetvā ayaṃ adhammoti kathentā dhammaṃ adhammoti dīpentīti nāma. Vinayapariyāyena pana bhūtena vatthunā codetvā sāretvā yathāpaṭiññāya kātabbaṃ kammaṃ dhammo nāma, abhūtena vatthunā acodetvā asāretvā apaṭiññāya kātabbaṃ kammaṃ adhammo nāma.

Suttantapariyāyena rāgavinayo dosavinayo mohavinayo saṃvaro pahānaṃ paṭisankhāti ayaṃ vinayo nāma, rāgādīnaṃ avinayo asaṃvaro appahānaṃ appaṭisankhāti ayaṃ avinayo nāma. Vinayapariyāyena vatthusampatti ñattisampatti anussāvanasampatti sīmāsampatti parisāsampattīti ayaṃ vinayo nāma, vatthuvipatti...pe... parisāvīpattīti ayaṃ avinayo nāma.

Suttantapariyāyena cattāro satipaṭṭhānā... aṭṭhaṅgiko maggoti idaṃ bhāsitaṃ lapitaṃ tathāgatena; tayo satipaṭṭhānā, tayo sammappadhānā, tayo iddhipādā, cha indriyāni, cha balāni, aṭṭha bojjhaṅgā, navaṅgiko maggoti idaṃ abhāsitaṃ alapitaṃ tathāgatena. Vinayapariyāyena cattāro pārājikā, terasa saṅghādisesā, dve aniyatā, tiṃsa nissaggiyā pācittiyāti idaṃ bhāsitaṃ lapitaṃ tathāgatena; tayo pārājikā, cuddasa saṅghādisesā, tayo aniyatā, ekattiṃsa nissaggiyā

pācittiyāti idaṃ abhāsitaṃ alapitaṃ tathāgatena.

Suttantapariyāyena devasikaṃ phalasamāpattisamāpajjanaṃ, mahākaruṇāsamāpattisamāpajjanaṃ, buddhacakkhunā lokavolokanaṃ, aṭṭhuppattivaseṇa suttantadesanā, jātakakathāti idaṃ āciṇṇaṃ; na devasikaṃ phalasamāpattisamāpajjanaṃ...pe... na jātakakathāti idaṃ anāciṇṇaṃ. Vinayapariyāyena nimantitassa vassāvāsaṃ vasitvā apaloketvā cāriyapakkamaṇaṃ, pavāretvā cāriyapakkamaṇaṃ, āgantukehi saddhiṃ paṭhamam paṭisanthārakaraṇānti idaṃ āciṇṇaṃ; tasseva āciṇṇassa akaraṇaṃ anāciṇṇaṃ nāma.

Suttantapariyāyena cattāro satipaṭṭhānā...pe... aṭṭhaṅgiko maggoti idaṃ paññattaṃ nāma; tayo satipaṭṭhānā...pe... navaṅgiko maggoti idaṃ apaññattaṃ nāma. Vinayapariyāyena cattāro pārājikā...pe... tiṃsa nissaggiyā pācittiyāti idaṃ paññattaṃ nāma; tayo pārājikā...pe... ekattiṃsa nissaggiyā pācittiyāti idaṃ apaññattaṃ nāma.

“Anāpatti aṇānantassa, attheyacittassa, na maraṇādhippāyassa, anullapanādhippāyassa, na mocanādhippāyassā”ti tattha tattha vuttā anāpatti anāpatti nāma. “Jānantassa, theyyacittassā”tiādīnā nayena vuttā āpatti āpatti nāma. Pañcāpattikkhandhā lahukāpatti nāma, dve āpattikkhandhā garukāpatti nāma. Cha āpattikkhandhā sāvasesāpatti nāma, eko pārājikāpattikkhandho anavasesāpatti nāma. Dve āpattikkhandhā duṭṭhullāpatti nāma, pañcāpattikkhandhā aduṭṭhullāpatti nāma.

Purimanayeneva panettha vuttapakāraṃ dhammaṃ “adhammo aya”nti kathayantā “dhammaṃ adhammo”ti dīpentī nāma. Avinayaṃ “vinayo aya”nti...pe... aduṭṭhullāpattiṃ “duṭṭhullāpatti aya”nti kathayantā “aduṭṭhullāpattiṃ duṭṭhullāpatti”ti dīpentī nāma. Evaṃ “adhammaṃ dhammo”ti vā...pe... “aduṭṭhullāpattiṃ duṭṭhullāpatti”ti vā dīpetvā pakkhaṃ labhitvā catunnaṃ saṅghakammānaṃ aññataraṃ saṅghakammaṃ ekasīmāyaṃ viṣuṃ karontehi saṅgho bhinno nāma hoti. Tena vuttaṃ – “te imehi aṭṭhārasahi vatthūhi **apakassanti**”tiādi.

Tattha **apakassanti** parisam ākaḍḍhanti, vijaṭenti, ekamantaṃ ussārenti ca. **Avapakāsanti** ati viya pakāsenti yathā viṣaṃsaṭṭhāva hontī, evaṃ karontī. **Āveninti** viṣuṃ. **Ettāvata kho upāli saṅgho bhinno hotti** evaṃ aṭṭhārasasu bhedakaravattḥūsu yaṃkiñci ekampi vatthum dīpetvā tena tena kāraṇena “imaṃ gaṇhatha, imaṃ rocethā”ti saññāpetvā salākaṃ gāhāpetvā viṣuṃ saṅghakamme kate saṅgho bhinno hoti. Parivāre pana “pañcahi upāli ākārehi saṅgho bhijjati”tiādi vuttaṃ, tassa iminā idha vuttena saṅghabhedalakkaṇaṇa atthato nānākaraṇaṃ natthi. Taṃ panassa nānākaraṇābhāvaṃ tattheva pakāsayissāma. Sesam sabbattha uttānamevāti.

Upālīpañhākathā niṭṭhitā.

Saṅghabhedakakkhandhakavaṇṇanā niṭṭhitā.

8. Vattakkhandhakaṃ

Āgantukavattakathā

357. Vattakkhandhake **idāni āraṃaṃ pavisissāmīti** iminā upacārasīmasamīpaṃ dasseti; tasmā upacārasīmaṃ patvā upāhanāomuñcanādi sabbam kātabbam. **Gahetvāti** upāhanadaṇḍakena gahetvā. **Paṭikkamanti** sannipatanti. **Vissajjetabbanti** pattharītabbam. **Gocaro pucchitabboti** “gocaragāmo āsanne udāhu dūre, kālasseva piṇḍāya carītabbam udāhu divā”ti evaṃ bhikkhācāro pucchitabbo. **Agocaro** nāma micchādīṭṭhikānaṃ vā gāmo paricchinnabhikkho vā gāmo; yattha ekassa vā dvinnaṃ vā bhikkhā diyyati, sopi pucchitabbo. **Pāniyaṃ pucchitabbanti** “kiṃ imissā pokkharāṇiyā pāniyaṃyeva pivanti, nahānādi paribhogampi karontī”ti evaṃ pāniyañceva paribhojanīyañca pucchitabbam. Kesuci thānesu vālamigā vā amanussā vā hontī, tasmā “kaṃ kālam pavisitabbam, kaṃ kālam nikkhamitabba”nti pucchitabbam.

Bahi ṭhitenāti bahi nikkhamantassa ahino vā amanussassa vā maggaṃ datvā ṭhitenā nilloketabbo. **Sace ussahati sodhetabboti** yadi sakkoti, sabbo vihāro sodhetabbo. Asakkontena attano vasanokāso jaggitabbo. Sabbam sodhetum sakkontassa pana dassite vihārasodhanavatte vinicchayo mahākhandhake vuttanayeneva vedītabbo.

Āgantukavattakathā niṭṭhitā.

Āvāsikavattakathā

359. Āvāsikavatte – **āsanam paññāpetabbanti** evamādi sabbam vuḍḍhatāre āgate cīvarakammaṃ vā navakammaṃ vā ṭhapetvāpi kātabbam. Cetiyaṅgaṇaṃ sammajjantena sammajjanim nikkhipitvā tassa vattaṃ kātum

ārabhitabbaṃ. Paṇḍito hi āgantuko “sammajjāhi tāva cetiyaṅgaṇa”nti vakkhati. Gilānabhesajjaṃ karontena pana sace nātiāturo gilāno hoti, bhesajjaṃ akatvā bhesajjaṃ vattameva kātappaṃ. Mahāgilānassa pana bhesajjameva kātappaṃ. Paṇḍito hi āgantuko “karohi tāva bhesajja”nti vakkhati. Pāṇiyena pucchantena sace sakim ānītaṃ pāṇiyaṃ sabbam pivati, “puna ānemi”ti pucchitabboyeva. Apica bījanenapi bījitaṃ, bījantena sakim pādapiṭṭhiyaṃ bījitvā sakim majjhe sakim sīse bījitaṃ, “alaṃ hotū”ti vuttana tato mandatarāṃ bījitaṃ. Puna “ala”nti vuttana tato mandatarāṃ bījitaṃ. Tatiyavāraṃ vuttana bījanī ṭhapetabbā. Pādāpissa dhovitaṃ, dhovitvā sace attano telam atthi, tena makkhetabbā. No ce atthi, tassa santakena makkhetabbā. Upāhanāpuñchanam pana attano rucivasena kātappaṃ. Teneva hettha “sace ussahati”ti vuttaṃ. Tasmā upāhanā apuñchantassāpi anāpatti. “Kattha mayham senāsanaṃ pāpuṇāti”ti pucchitena senāsanaṃ paññapetabbam, “etaṃ tumhākaṃ senāsanaṃ pāpuṇāti”ti evam ācikkhitabbanti attho. Papphoṭtvā hi pattharitam pana vaṭṭatiyeva.

Navakassa vatte – **pāṇiyaṃ ācikkhitabbanti** “etaṃ pāṇiyaṃ gahetvā pivāhī”ti ācikkhitabbam. Paribhojanīyepi eseve nayo. Sesam purimasadisameva. Mahāāvāsepi attano santikaṃ sampattassa āgantukassa vattam akātam na labhati.

Āvāsikavattakathā niṭṭhitā.

Gamikavattakathā

360. Gamikavattesu **dārubhaṇḍanti** senāsanaṃ khandhake vuttaṃ mañcapīṭhādī. **Mattikābhaṇḍampi** rajanabhājanādī sabbam tattha vuttappabhedameva. Tam sabbam aggisālāya vā aññatarasmim vā guttaṭṭhāne paṭisāmetvā gantabbam. Anovassake pabbhārepi ṭhapetum vaṭṭati. **Senāsanaṃ āpucchitabbanti** ettha yaṃ pāsānapīṭṭhiyaṃ vā pāsānatthambhesu vā katasenāsanaṃ, yattha upacikā nārohani, tam anāpucchantassāpi anāpatti. **Catūsu pāsānakesūti**ādī upacikānaṃ uppattiṭṭhāne paññasālādisenāsane kattabbākāradassanattam vuttaṃ. **Appeva nāma aṅgānīpi seseyyunti** ayam ajjhokāse ṭhapitamhi ānisaṃso. Ovassakagehe pana tiṇesu ca mattikāpīṇḍesu ca upari patantesu mañcapīṭhānaṃ aṅgānīpi vinassanti.

Gamikavattakathā niṭṭhitā.

Anumodanavattakathā

362. Anumodanavattusmim **iddham ahoṣīti** sampannam ahoṣi. **Catūhi pañcahīti** saṅghattherena anumodanattāya nisinne heṭṭhā paṭipāṭiyā catūhi nisīditabbam. Anuthere nisinne mahātherena ca heṭṭhā ca tīhi nisīditabbam. Pañcame nisinne upari catūhi nisīditabbam. Saṅghattherena heṭṭhā daharabhikkhusmim ajjhīṭṭhepi saṅghattherato paṭṭhāya catūhi nisīditabbameva. Sace pana anumodako bhikkhu “gacchatha bhante, āgametabbakiccaṃ natthī”ti vadati, gantum vaṭṭati. Mahātherena “gacchāma āvuso”ti vutte “gacchathā”ti vadati, evampi vaṭṭati. “Bahigāme āgamaṃ sāmā”ti ābhogaṃ katvāpi bahigāmaṃ gantvā attano nissitake “tumhe tassa āgamaṃ āgamethā”ti vatvāpi gantum vaṭṭatiyeva. Sace pana manussā attano rucikena ekena anumodanaṃ kārenti, neva tassa anumodato āpatti, na mahātherassa bhāro hoti. Upanisinnakathāyameva hi manussesu kathāpentesu mahāthero āpucchitabbo, mahātherena ca anumodanāya ajjhīṭṭhova āgametabboti idamettha lakkhaṇam. **Vaccitoti** sañjātavacco; vaccapīṭṭoti adhippāyo.

Anumodanavattakathā niṭṭhitā.

Bhattachavattakathā

364. Bhattachavatte “antogāmo vā hotu vihāro vā, manussānaṃ parivesanattānaṃ gacchantena cīvaraṃ pārupitvā kāyabandhanaṃ bandhanaṃ vattati”ti atṭhakathāsu vuttaṃ. **Na there bhikkhū anupakhajjāti** there bhikkhū atiallīyitvā na nisīditabbam. Sace mahātherassa nisinnāsanaṃ samakam āsanaṃ hoti, bahūsu āsanesu sati ekam dve āsanāni ṭhapetvā nisīditabbam. Bhikkhū gaṇetvā paññattāsanesu anisīditvā mahātherena nisīdāti vuttana nisīditabbam. No ce mahāthero vadati, “idaṃ, bhante, āsanaṃ ucca”nti vattabbam. “Nisīdā”ti vutte nisīditabbam. Sace pana evam āpucchitepi na vadati, nisīdantassa anāpatti; mahātherasseva āpatti. Navako hi evarūpe āsane anāpucchā nisīdanto āpajjati, therō āpucchite ananujānanto. **Na saṅghāṭim ottharivāti** na saṅghāṭim avattharivāti nisīditabbam.

Ubhoḥi hatthehīti pattadhovanaudakam sandhāya vuttaṃ. Dakkhiṇodakam pana purato ādhāraṃ pattam ṭhapetvā gahetabbam. **Sādhukanti** udakasaddam akarontena.

Sūpassa okāsoti yathā sūpassa okāso hoti; evam mattāya odano gaṇhitabboti attho. **Samakam sampādehīti** idaṃ na kevalam sappiādisuyeva odanepi vattabbam. Sappiādisu pana yaṃ appam hoti ekassa vā dvinnam vā anurūpakaṃ,

taṃ sabbesaṃ samakaṃ sampādehīti vutte manussānaṃ vihasā hoti, tasmā tādisaṃ sakiṃ vā dvikkhattuṃ vā gahetvā sesaṃ na gahetabbaṃ.

Na tāva therena bhuñjitabbanti idaṃ yaṃ paricchinna bhikkhukaṃ bhattaggaṃ, yattha manussā sabbesaṃ pāpetvā dātukāma honti, taṃ sandhāya vuttaṃ. Yaṃ pana mahābhattaggaṃ hoti, yattha ekasmiṃ padese bhuñjanti, ekasmiṃ padese udakaṃ diyyati, tattha yathāsukhaṃ bhuñjitabbaṃ.

Na tāva udakanti idaṃ hatthadhovanaudakaṃ sandhāya vuttaṃ. Antarā pipāsitena pana gale vilaggāmisena vā pānīyaṃ pivtvā hatthā na dhovitabbā. Sace manussā “dhovatha bhante pattañca hatthe cā”ti vadanti, bhikkhū vā “tumhe udakaṃ gaṇhathā”ti vadanti, vaṭṭati.

Nivattantenāti bhattaggato uṭṭhāya nivattantena saṅghena evaṃ nivattitabbanti dasseti. Kathaṃ? “**Navakehi**”ti sabbaṃ daṭṭhabbaṃ. Sambādhesu hi gharesu mahātherānaṃ nikkhamanokāso na hoti, tasmā evaṃ vuttaṃ. Evaṃ nivattantehi pana navakehi gehadvāre ṭhatvā thesū nikkhantesu paṭipāṭiyā gantabbaṃ. Sace pana mahātherā dhure nisinnā honti, navakā antogehe, therāsanato paṭṭhāya paṭipāṭiyā eva nikkhamitabbaṃ. Kāyena kāyaṃ aghaṭṭentena yathā antarena manussā gantuṃ sakkonti, evaṃ virāḷāya paṭipāṭiyā gantabbaṃ.

Bhattaggavattakathā niṭṭhitā.

Piṇḍacārikavattakathā

366. Piṇḍacārikavatte – **kammaṃ vā nikkhipatīti** kappāsaṃ vā suppaṃ vā musalaṃ vā yaṃ gahetvā kammaṃ karonti, ṭhitā vā nisinnā vā honti, taṃ nikkhipati. **Na ca bhikkhādāyikāyāti** itthī vā hotu puriso vā, bhikkhādānasamaye mukhaṃ na ulloketabbaṃ.

Piṇḍacārikavattakathā niṭṭhitā.

Āraññikavattakathā

368. Āraññikavatte – **senāsana otaritabbanti** vasanaṭṭhānato nikkhamitabbaṃ.

Pattaṃ thavikāya pakkhipitvāti ettha sace bahigāme udakaṃ natthi, antogāmeveva bhattakiccaṃ katvā atha bahigāme atthi, bahigāme bhattakiccaṃ katvā patto dhovitvā vodako katvā thavikāya pakkhipitabbo.

Paribhojanīyaṃ upaṭṭhāpetabbanti sace bhājanāni nappahonti, pānīyameva paribhojanīyampi katvā upaṭṭhāpetabbaṃ. Bhājanaṃ alabhantena vejunālikāyapi upaṭṭhāpetabbaṃ. Tampi alabhantassa yathā samīpe udakaāvāto hoti, evaṃ katabbaṃ. Araṇisahite sati aggaṃ akātumpi vaṭṭati. Yathā ca āraññikassa, evaṃ kantārapaṭipannassāpi araṇisahitaṃ icchitabbaṃ. Gaṇavāsino pana tena vināpi vaṭṭati. Nakkhattāneva **nakkhattapadāni**.

Āraññikavattakathā niṭṭhitā.

Senāsanavattakathā

369. Senāsanavatte – **dvāraṃ** nāma yasmā mahāvaḷaṅgaṃ, tasmā tattha āpucchana kiccaṃ natthi, sesāni pana uddesadānādīni āpucchitvāva katabbāni. Devasikampi āpucchitūṃ vaṭṭati. Athāpi “bhante āpucchitameva hotū”ti vutte vuḍḍhataro “sādhū”ti sampaṭicchati, sayameva vā “tvam yathāsukhaṃ viharāhi”ti vadati; evampi vaṭṭati. Sabhāgassa vissāsenāpi vaṭṭatiyeva. **Yena vuḍḍho tena parivattitabbanti** vuḍḍhābhimukhena parivattitabbaṃ. **Bhojanasālā**dīsipi evameva paṭipajjitabbaṃ.

Senāsanavattakathā niṭṭhitā.

Jantāgharavattādikathā

371. Jantāgharavatte – **paribhaṇḍanti** bahijagati.

373. Ācamaṇavattusmiṃ – **sati udaketi** ettha sace udakaṃ atthi, paṭicchannaṭṭhānaṃ pana natthi, bhājanena nīharitvā ācamitabbaṃ. Bhājane asati pattena nīharitabbaṃ. Pattepi asati asantaṃ nāma hoti. “Idaṃ ativivaṭṭaṃ purato

aññaṃ udakaṃ bhavissatī”ti gatassa udakaṃ alabhantasseva bhikkhācāraṇelā hoti, kaṭṭhena vā kenaci vā puñchitvā gantabbaṃ, bhuñjitumpi anumodanampi kātuṃ vaṭṭati. **Āgatapaṭipāṭiyāti** vaccakuṭiyam passāvattāhāne nhānatittheti tīsupi āgatapaṭipāṭiyeva pamāṇam.

374. Vaccakuṭivatte – **na dantakaṭṭham khādantenāti** ayam vaccakuṭiyāpi avaccakuṭiyāpi sabbattheva paṭikkhepo. **Na pharusena kaṭṭhenāti** phālitaṭṭhena vā kharena vā gaṇṭhikena vā kaṇṭakena vā susirena vā pūtinā vā na avalekhitabbaṃ. Avalekhanakaṭṭham pana aggahetvā pavittāhassa āpatti natthi.

Na ācamanasarāvaketi sabbasādhāraṇaṭṭhānaṃ sandhāyetaṃ vuttaṃ. Tatra hi aññe aññe āgacchanti, tasmā udakaṃ na sesetabbaṃ. Yam pana saṅghikepi vihāre ekadesa nibaddhagamanatthāya kataṃ ṭhānaṃ hoti puggalikaṭṭhānaṃ vā, tasmim vaṭṭati. Virecanaṃ pivivā punappunam pavisantassāpi vaṭṭatiyeva.

Ūhatāti ūhaditā; bahi vaccamakkhītāti attho. **Dhovitabbāti** udakaṃ āharitvā dhovitabbā. Udakaṃ atthi, bhājanam natthi, asantaṃ nāma hoti. Bhājanam atthi, udakaṃ natthi, etampi asantaṃ. Ubhaye pana asati asantameva, kaṭṭhena vā kenaci vā puñchitvā gantabbaṃ. Sesam sabbattha uttānamevāti.

Jantāgharavattādikathā niṭṭhitā.

Vattakkhandhakavaṇṇanā niṭṭhitā.

9. Pātimokkhaṭṭhapanakkhandhakam

Pātimokkhuddesayācanakathā

383. Pātimokkhaṭṭhapanakkhandhake – (**nandimukhiyā rattiyāti** aruṇuṭṭhitakālepi hi nandimukhā viya ratti khāyati. Tenāha “nandimukhiyā rattiyā”ti. **Antopūtinti** attacittasantāne kilesapūtibhāvena antopūtīm. **Avassutanti** kilesavassanavasena avassutaṃ. **Kasambukajātanti** ākiṇṇadosatāya saṃkiliṭṭhajātaṃ.) **Yāva bāhāgahaṇāpi nāmāti** “aparissuddhā ānanda parisā”ti vacanaṃ sutvāyeva hi tena pakkamitabbaṃ siyā, evam apakkamitvā yāva bāhāgahaṇāpi nāma so moghapuriso āgamessati, acchariyamidanti dasseti.

384. **Na āyatakeneva papātoti** na paṭhamameva gambhīro; anupubbena gambhīroti attho. **Ṭhitadhammo velaṃ nātivattatīti** vīcīnaṃ osakkanakandaram mariyādavelam nātikkamati. **Tiram vāhetīti** tirato appeti; ussāretīti attho. **Aññāpaṭivedhoti** arahattappatti.

385. **Channamativassatīti** āpattim āpajjitvā paṭicchādentō aññaṃ navaṃ āpattim āpajjati idametam sandhāya vuttaṃ. **Vivaṭam nātivassatīti** āpattim āpajjitvā vivaranto aññaṃ nāpajjati idametam sandhāya vuttaṃ.

Pātimokkhuddesayācanakathā niṭṭhitā.

Pātimokkhasavanārahakathā

386. **Ṭhapitam hoti pātimokkhanti** ettha pure vā pacchā vā ṭhapitampi aṭṭhapitam hoti, khetto ṭhapitameva pana ṭhapitam nāma hoti. Tasmā “suṇātu me, bhante saṅgho, ajujposatho pannaraso, yadi saṅghassa pattakallaṃ, saṅgho uposatham kareyyā”ti ettha yāva re-kāram bhaṇati, tāva ṭhapetabbaṃ, idaṇhi khettaṃ. Yya-kāre pana vutte ṭhapentena pacchā ṭhapitam nāma hoti. “Suṇātu me”ti anāraddeyeva ṭhapentena pure ṭhapitam hoti.

Pātimokkhasavanārahakathā niṭṭhitā.

Dhammikādhammikapātimokkhaṭṭhapanakathā

387. **Amūlikāya sīlavipattiyā pātimokkham ṭhabeti akatāyāti** tena puggalena sā vipatti katā vā hotu akatā vā, pātimokkhaṭṭhapanakassa saññāamūlikavasena amūlikā hoti. **Katākatāyāti** katañca akatañca ubhayaṃ gahetvā vuttaṃ.

Dhammikam sāmaggiṃ na upetīti kammaṃ kopetukāmatāya saṅghassa kamme karīyamāne neva āgacchati, na chandaṃ deti, sammukhībhūtoṃ paṭikkosati, tena dukkaṭam āpajjati. Iccassāpi sāpattikasēva pātimokkham ṭhapitam hoti. **Paccādiyati** “puna kātābbaṃ kamma”nti paccādiyati, tena ukkoṭānakena pācittiyam āpajjati. Iccassāpi sāpattikasēva pātimokkham ṭhapitam hoti.

Dhammikādhammikapātimokkhaṭṭhapanakathā niṭṭhitā.

Dhammikapātimokkhaṭṭhapanakathā

388. Yehi ākārehi yehi liṅgehi yehi nimittehi ettha maggenamaggapaṭipādanādīsu ākāradisaññā veditabbā. **Tena diṭṭhena tena sutena tāya parisāṅkāyāti** ettha diṭṭhañca sutañca pāliyaṃ āgatameva. Sace pana tehi diṭṭhasutehi parisāṅkaṃ uppādeyya, taṃ sandhāya vuttaṃ “tāya parisāṅkāyā”ti.

Dhammikapātimokkhaṭṭhapanakathā niṭṭhitā.

Attādānaaṅgakathā

398. Attādānaṃ ādātukāmenāti ettha sāsanaṃ sodhetukāmo bhikkhu yaṃ adhikaraṇaṃ attanā ādiyati, taṃ attādānanti vuccati. **Akālo imaṃ attādānaṃ ādātunti** ettha rājabhayaṃ corabhayaṃ dubbhikkhabhayaṃ vassārattoti yaṃ akālo, viparīto kālo.

Abhūtaṃ idaṃ attādānanti asantamidaṃ, mayā adhammo vā dhammoti, dhammo vā adhammoti, avinayo vā vinayoti, vinayo vā avinayoti, dussīlo vā puggalo sīlavāti, sīlavā vā dussīloti gahitoti attho; vipariyāyena bhūtaṃ veditabbaṃ. **Anatthasaṃhitam idaṃ attādānanti** ettha yaṃ jīvitantarāyāya vā brahmacariyantarāyāya vā saṃvattati, idaṃ anatthasaṃhitam, viparītaṃ atthasaṃhitam nāma.

Na labhissāmi sandiṭṭhe sambhatte bhikkhūti appekadā hi rājabhayaṃādīsu evarūpā attano pakkhassa upatthambhaka bhikkhū laddhuṃ na sakkā honti, taṃ sandhāya vuttaṃ “na labhissāmī”ti. Appekadā pana khemasubhikkhādīsu laddhuṃ sakkā honti, taṃ sandhāya “labhissāmī”ti vuttaṃ.

Bhavissati saṅghassa tatonidānaṃ bhaṇḍananti kosambakānaṃ viya bhaṇḍanaṃ kalaho viggaho vivādo saṅghabhedo ca bhavissatīti. **Pacchāpi avipparisāraṅkaraṃ bhavissatīti** subhaddaṃ vuḍḍhapabbajitaṃ niggahetvā pañcasatikasaṅgītiṃ karontassa mahākassapattherasseva, dasavatthuke adhikaraṇe dasabhikkhusahassāni niggahetvā sattasatikasaṅgītiṃ karontassa āyasmato yasseva, saṭṭhibhikkhusahassāni niggahetvā sahasikasāṅgītiṃ karontassa moggaliputtatissattherasseva ca pacchā samanussaraṅkaraṇaṃ hoti, sāsanaṃ ca vigatupakkilesacandimasūriyasassirikatāya saṃvattati.

Attādānaaṅgakathā niṭṭhitā.

Codakenapaccavekkhitabbadhammakathā

399. Acchiddena appaṭimaṃsenātiādīsu yena gahaṭṭhapabbajitesu yo koci pahaṭo vā hoti, gihīnaṃ gaṇḍaphālanādīni vejjakammāni vā katāni, tassa kāyasamācāro upacikāhi khāyitatālapaṇṇamiva chiddo ca paṭimāsituṃ yattha katthaci gahetvā ākaḍḍhituṃ sakuṇeyyatāya sappaṭimaṃso ca hoti, viparīto acchiddo appaṭimaṃsoti veditabboti. Vacīsamācāro pana musāvādaomasavādapesuññaamūlakānuddhamṣanādīhi chiddo ca sappaṭimaṃso ca hoti, viparīto acchiddo appaṭimaṃso.

Mettaṃ nu kho me cittanti palibodhe chinditvā kammaṭṭhānabhāvanānuyogena adhigataṃ mettacittaṃ. **Anāghātanti** āghātaviraṇaṃ, vikkhambhanavasena vihatāghātanti attho. **Idaṃ panāvuso kattha vuttaṃ bhagavatāti** idaṃ sikkhāpadaṃ katarasmiṃ nagare vuttanti attho.

Codakenapaccavekkhitabbadhammakathā niṭṭhitā.

Codakenaupaṭṭhāpetabbakathā

400. Kālena vakkhāmītiādīsu eko ekaṃ okāsaṃ kāretvā codento **kālena vadati** nāma. Saṅghamaṃjijhagaṇamaṃjijhasalākaggayāguaggavitakkamañjakabhikkhācāramaggaāsanāsālādīsu upaṭṭhākehi parivāritakkhaṇe vā codento **akālena vadati** nāma. Tacchena vadanto **bhūtena vadati** nāma. “Ambho mahallaka, parisāvacara, paṃsukūlika, dhammakathika, patirūpaṃ tava ida”nti vadanto **pharusena vadati** nāma. Kāraṇanissitaṃ pana katvā “bhante mahallakattha, parisāvacara, paṃsukūlikā, dhammakathikattha, patirūpaṃ tumhākaṃ ida”nti vadanto **saṅghena vadati** nāma. Kāraṇanissitaṃ katvā vadanto **atthasaṃhitena vadati** nāma. **Mettacitto vakkhāmi no dosantaroti** mettacittaṃ upaṭṭhāpetvā vakkhāmi, na duṭṭhacitto hutvā.

Codakenaupatthāpetabbakathā niṭṭhitā.

Codakacuditakapaṭisaṃyuttakathā

401. Ajjhataṃ manasikarivāti attano citte uppādetvā. **Kāruṇātāti** karuṇābhāvo. Iminā karuṇaṇca karuṇāpubbabhāgaṇca dasseti. **Hitesitāti** hitagavesanā. **Anukampitāti** tena hitena saṃyojanatā. Dvīhipi mettaṇca mettāpubbabhāgaṇca dasseti. **Āpattivuṭṭhānatāti** āpattito vuṭṭhāpetvā suddhante paṭiṭṭhāpanā. Vatthum codetvā sāretvā paṭiṇṇaṃ āropetvā yathāpaṭiṇṇāya kammakaraṇaṃ **vinayapurekkhārātā** nāma. **Ime paṇca dhammeti** ye ete kāruṇātātiādīnā nayena vuttā, ime paṇca dhamme ajjhataṃ manasi karivā paro codetabboti.

Sacce ca akuppe cāti vacīsacce ca akuppanatāya ca. Cuditakena hi saccaṇca vattabbaṃ, kopo ca na kātabbo. Neva attanā kujjhitabbo, na paro ghaṭṭetabboti atho. Sesam sabbattha uttānamevāti.

Codakacuditakapaṭisaṃyuttakathā niṭṭhitā.

Pātimokkhatthapanakkhandhakavaṇṇanā niṭṭhitā.

10. Bhikkhunikkhandhakam

Mahāpajāpatigotamīvattukathā

402. Bhikkhunikkhandhake – alam gotami mā te rucṅti kasmā paṭikkhipati, nanu sabbesampi buddhānaṃ catasso parisā hontīti? Kāmaṃ honti, kilametvā pana anekakkhattum yācitenā anuññātaṃ pabbajjaṃ “dukkhena laddhā ayam amhehī”ti sammā paripālessantīti bhaddakam katvā anujānitukāmo paṭikkhipati. **Aṭṭhagarudhammakathā** mahāvibhaṅgeva kathitā.

403. Kumbhathenakehīti kumbhe dīpaṃ jāletvā tena ālokena paraghare bhaṇḍaṃ vicinitvā thenakacorehi.

Setatthikā nāma rogajātīti eko pāṇako nālimajjhagataṃ kaṇḍaṃ vijjhati, yena viddhattā nikkhantampi sālīsīsaṃ khīraṃ gaheṭṭuṃ na sakkoti.

Mañjīṭṭhikā nāma rogajātīti ucchūnaṃ antorattabhāvo. **Mahato taḷākassa paṭikacceva āḷinti** iminā pana etamatthaṃ dasseti – yathā mahato taḷākassa āḷiyā abaddhāyapi kiṅci udakaṃ tiṭṭheyya, paṭhamameva baddhāya pana yaṃ abaddhapaccayā na tiṭṭheyya, tampi tiṭṭheyya; evameva ye ime anuppanne vatthusmiṃ paṭikacceva avīṭṭikkamanatthāya garudhammā paññattā. Tesu apaññattesupi mātugāmassa pabbajitattā pañceva vassasatāni saddhammo tiṭṭheyya. Paṭikacceva paññattattā pana aparānīpi pañcavassasatāni ṭhassatīti evaṃ paṭhamam vuttam vassasahassameva ṭhassatīti. **Vassasahassanti** cetam paṭisambhidāpabhedappattakhīṇāsavavaseneva vuttam. Tato pana uttarimpi sukkhavipassakakhīṇāsavavasena vassasahassaṃ, anāgāmivasena vassasahassaṃ, sakadāgāmivasena vassasahassaṃ, sotāpannavasena vassasahassanti evaṃ pañcavassasahassāni paṭivedhasaddhammo ṭhassati. Pariyattidhammopi tāniyeva. Na hi pariyattiyā asati paṭivedho atthi, nāpi pariyattiyā sati paṭivedho na hoti; liṅgaṃ pana pariyattiyā antarahitāyapi ciraṃ pavattissatīti.

Mahāpajāpatigotamīvattukathā niṭṭhitā.

Bhikkhunīupasampadānujānanakathā

404. Anujānāmi bhikkhave bhikkhūhi bhikkhuniyo upasampādetunti imāya anupaññattiyā bhikkhū pañcasatā sākiyāniyo mahāpajāpatiyā saddhivihāriniyo katvā upasampādesuṃ. Iti tā sabbāpi ekatoupasampannā nāma ahesuṃ. Ye kho tvaṃ gotamīti iminā ovādena gotamī arahattaṃ pattā.

409. Kammaṃ na kariyatīti tajjanīyādi sattavidhampi kammaṃ na kariyati. **Khamāpentīti** na puna evaṃ karissāmīti khamāpentī.

410. Anujānāmi, bhikkhave, bhikkhūhi bhikkhunīnaṃ kammaṃ ropetvā niyyādetunti ettha tajjanīyādīsu “idaṃ nāma kammaṃ etissā kātabba”nti evaṃ ropetvā “taṃ dāni tumheva karothā”ti niyyādetabbaṃ. Sace pana aññasmim ropite aññaṃ karonti, “tajjanīyakammārahassa niyassakammaṃ karotī”ti ettha vuttanayena kāretabbaṃ āpajjanti.

411. Kaddamodakenāti ettha na kevalaṃ kaddamodakena, vipassanauddakaraṇakaddamādīsipi yena kenaci osiñcantassa dukkaṭameva. **Avandiyo so bhikkhave bhikkhu bhikkhunisaṅghena kātabboti** bhikkhunupassaye sannipatīvā “asuko nāma ayyo bhikkhunīnaṃ apasādanīyaṃ dasseti, etassa ayyassa avandiyakaraṇaṃ ruccati”ti evaṃ tikkhattuṃ sāvetabbaṃ. Ettavatā avandiyo kato hoti. Tato paṭṭhāya yathā sāmaṇere disvā na vandanti; evameva disvāpi na vanditabbo. Tena bhikkhunā sammā vattantena bhikkhunupassayaṃ āgantvā vihāreyeva saṅghaṃ vā gaṇaṃ vā ekapuggalaṃ vā upasaṅkamtīvā ukkuṭikaṃ nisīditvā añjaliṃ paggahetvā “bhikkhunisaṅgho mayhaṃ khamatū”ti khamāpetabbaṃ. Tena bhikkhunā bhikkhunīnaṃ santikaṃ āgantvā “eso bhikkhu tumhe khamāpeti”ti vattabbaṃ. Tato paṭṭhāya so vanditabbo. Ayamettha saṅkhepo, vitthāraṃ pana kammavibhaṅge vakkhāma.

Obhāsentiti asaddhammena obhāsenti. **Bhikkhunīhi saddhiṃ sampayojeti**ti bhikkhunīhi saddhiṃ purise asaddhammena sampayojeti. Avandiyakaraṇaṃ vuttanayameva. **Avāraṇanti** vihārappavesane nivāraṇaṃ. **Ovādaṃ ṭhapetunti** ettha na bhikkhunupassayaṃ gantvā ṭhapetabbo. Ovādatthāya pana āgatā bhikkhuniyo vattabbā “asukā nāma bhikkhunī sāpattikā, tassā ovādaṃ ṭhapemi, mā tāya saddhiṃ uposathaṃ karitthā”ti. Kāyavivaraṇādīsipi daṇḍakammaṃ vuttanayameva.

413. Na bhikkhave bhikkhuniyā ovādo na gantabbotiti bhikkhunivibhaṅgavaṇṇanāyaṃ vuttameva.

416. Phāsukā namentiti gihidārikāyo viya ghanapaṭṭakena kāyabandhanena phāsukā namanatthāya bandhanti. **Ekapariyākatanti** ekavāraṃ parikkhipanaṃ.

Vilivena paṭṭenāti saṅhehi veḷuvilivehi katapaṭṭena. **Dussapaṭṭenāti** setavatthapaṭṭena. **Dussaveṇiyāti** dussena kataveṇiyā. **Dussavaṭṭiyāti** dussena katavaṭṭiyā. **Coḷapaṭṭādīsu** coḷakāsāvaṃ coḷanti veditabbaṃ.

Aṭṭhillenāti gojaṅghaṭṭhikena. **Jaghananti** kaṭippadeso vuccati. **Hatthaṃ koṭṭāpentīti** aggabāhaṃ koṭṭāpetvā morapaṭṭādīhi cittālaṅkāraṃ karonti. **Hatthakocchanti** piṭṭhihatthaṃ. **Pādanti** jaṅghaṃ. **Pādakocchanti** piṭṭhipādaṃ.

417. Mukhalimpanādīni vuttanayāneva. **Avāṅgaṃ karontīti** akkhī añjantiyo avāṅgadese adhomukhaṃ lekhaṃ karonti. **Visesakanti** gaṇḍappadeso vicitrasaṅghānaṃ visesakaṃ karonti. **Oloketīti** vāpānaṃ vivaritvā vīthiṃ oloketi. **Sāloke tiṭṭhanti**ti dvāraṃ vivaritvā upaḍḍhakāyaṃ dassentiyo tiṭṭhanti. **Naccanti** naṭasamajjaṃ kārenti. **Vesim vuttāpentīti** gaṇikaṃ vuttāpentīti. **Pānāgāraṃ ṭhapenti**ti suraṃ vikkiṇanti. **Sūnaṃ ṭhapenti**ti maṃsaṃ vikkiṇanti. **Āpaṇanti** nānābhaṇḍānaṃ anekavidhaṃ āpaṇaṃ pasārenti. **Dāsaṃ upaṭṭhāpentīti** dāsaṃ gahetvā tena attano veyyāvaccamaṃ kārenti. Dāsādīsipi eseva nayo. **Haritakapakkikaṃ pakiṇanti**ti haritakañceva pakkañca pakiṇanti; pakiṇṇakāpaṇaṃ pasārentīti vuttaṃ hoti.

418. Sabbanīlakādīkathā kathitāyeva.

419. Bhikkhunī ce, bhikkhave, kālaṃ karontītitiādīsipi ayaṃ pālīmuttakavinicchayo – sace hi pañcasu sahadhammikesu yo koci kālaṃ karonto “mamaccayena mayhaṃ parikkhāro upajjhāyassa hotu, ācariyassa hotu, saddhivihārikassa hotu, antevāsikassa hotu, mātu hotu, pitu hotu, aññassa vā yassa kassaci hotū”ti vadati tesamaṃ na hoti, saṅghasseva hoti. Na hi pañcannaṃ sahadhammikānaṃ accayadānaṃ ruhati, gihīnaṃ pana ruhati. Bhikkhu hi bhikkhunivihāre kālaṃ karoti, tassa parikkhāro bhikkhūnaṃyeva hoti. Bhikkhunī bhikkhuvihāre kālaṃ karoti, tassā parikkhāro bhikkhunīnaṃyeva hoti.

420. Purāṇamallīti purāṇe gihikāle mallakassa bhariyā. **Purisabyañjananti** purisanimittaṃ, chinnaṃ vā hotu acchinnaṃ vā, paṭicchannaṃ vā appaṭicchannaṃ vā. Sace etasmiṃ ṭhāne purisabyañjananti cittaṃ uppādetvā upanijjhāyati, dukkaṭaṃ.

421. Attano paribhogatthāya dinnam nāma yaṃ “tumheyyeva paribhuñjathā”ti vatvā dinnam, taṃ aññassa dadato dukkaṭaṃ. Aggaṃ gahetvā pana dātuṃ vaṭṭati. Sace asappāyaṃ, sabbamaṃ apanetuṃ vaṭṭati. Cīvaraṃ ekāhaṃ vā dvīhaṃ vā paribhuñjitvā dātuṃ vaṭṭati. Paṭṭādīsipi eseva nayo.

Bhikkhūnaṃ sannidhiṃ bhikkhunīhi paṭiggāhāpetvāti hiyyo paṭiggahetvā ṭhapitamamaṃsaṃ ajja aññasmiṃ anupasampanne asati bhikkhūhi paṭiggāhāpetvā bhikkhunīhi paribhuñjitabbaṃ. Bhikkhūhi paṭiggahitañhi bhikkhunīnaṃ appaṭiggahitakatthāne tiṭṭhati, bhikkhunīnaṃ paṭiggahitampi bhikkhūsu eseva nayo.

426. Āsanaṃ saṃkasāyantiyo kālaṃ vītināmesunti aññaṃ vuttāpetvā aññaṃ nisīdāpentīyo bhojanakālaṃ atikkāmesuṃ.

Aṭṭhannaṃ bhikkhunīnaṃ yathāvuḍḍhanti ettha sace pure aṭṭhasu nisinnāsu tāsamaṃ abbhantarimā aññā āgacchati, sā attano navakaṃ uṭṭhāpetvā nisīdituṃ labhati. Yā pana aṭṭhahipi navakatarā, sā sacepi saṭṭhivassā hoti, āgatapaṭipāṭiyāva nisīdituṃ labhati. **Aññattha sabbattha yathāvuḍḍhaṃ na paṭibāhitabbanti** ṭhapetvā bhattaggaṃ aññasmiṃ catupaccayabhājanīyaṭṭhāne “ahaṃ pubbe āgatā”ti vuḍḍhaṃ paṭibāhitvā kiñci na gahetabbaṃ; yathāvuḍḍhameva vaṭṭati. **Pavāraṇākathā** kathitāyeva.

429. Itthiyuttantiādīhi sabbayānāni anuññātāni. **Pāṭaṅkinti** paṭapoṭṭalikaṃ.

430. Dūtena upasampadā dasannaṃ antarāyānaṃ yena kenaci vaṭṭati. Kammavācāpariyosāne sā bhikkhunī bhikkhunupassaye ṭhitā vā hotu nipannā vā jāgarā vā niddaṃ okkantā vā, upasampannāva hoti. Tāvadeva chāyādīni āgatāya dūtabhikkhuniyā ācikkhitabbāni.

431. Udositoti bhaṇḍasālā. **Na sammatīti** nappahoti. **Upassayanti** gharaṃ. **Navakammanti** saṅghassatthāya bhikkhuniyā navakammampi kātuṃ anujānāmīti attho.

432. Tassā pabbajitāyāti tassā pabbajitakāle. **Yāva so dārako viññutaṃ pāpuṇāṭīti** yāva khādītuṃ bhujjītuṃ nahāyituñca maṇḍītuñca attano dhammatāya sakkotīti attho.

Ṭhapetvā sāgāranti sahaḡāraseyyamattaṃ ṭhapetvā. Yathā aññasmiṃ purise; evaṃ dutiyikāya bhikkhuniyā tasmīṃ dārake paṭipajjitabbanti dasseti. Mātā pana nahāpetuṃ pāyētuṃ bhojētuṃ maṇḍētuṃ ure katvā sayītuñca labhati.

434. Yadeva sā vibbhantāti yasmā sā vibbhantā attano ruciyā khantiyā odātāni vatthāni nivatthā, tasmāyeva sā abhikkhunī, na sikkhāpaccakkhānenāti dasseti. Sā puna upasampadaṃ na labhati.

Sā āgatā na upasampādetabbāti na kevalaṃ na upasampādetabbā, pabbajjampi na labhati. Odātāni gahetvā vibbhantā pana pabbajjāmatthaṃ labhati.

Abhivādanantiādīsu purisā pāde sambāhantā vandanti, kese chindanti, nakhe chindanti, vaṇapaṭīkammaṃ karonti, taṃ sabbamaṃ kukkuccāyantaṃ na sādiyantīti attho. Tatreke ācariyā “sace ekato vā ubhato vā avassutā honti sārattā, yathāvattukameva”. Eke ācariyā “natthi ettha āpattī”ti vadanti. Evaṃ ācariyavādaṃ dassetvā idaṃ odissa anuññātaṃ vaṭṭatīti aṭṭhakathāsu vuttaṃ. Taṃ pamāṇaṃ. “Anujānāmi bhikkhave sādītu”nti hi vacaneneva taṃ kappiyaṃ.

435. Pallāṅkena nisīdantīti pallāṅkaṃ ābhujitvā nisīdanti. **Aḍḍhapallāṅkanti** ekaṃ pādaṃ ābhujitvā katapallāṅkaṃ. **Heṭṭhā vivaṇe upari paṭicchanneti** ettha sace kūpo khato hoti, upari pana padaramattameva sabbadisāsu paññāyati, evarūpepi vaṭṭati.

436. Kukkuṣaṃ mattikanti kuṇḍakañceva mattikañca. Sesamettha uttānamevāti.

Bhikkhunīupasampadānujānanakathā niṭṭhitā.

Bhikkhunikkhandhakavaṇṇanā niṭṭhitā.

11. Pañcasatikakkhandhakaṃ

Khuddānukhuddakasikkhāpadakathā

441. Pañcasatikakkhandhake – **cattāri pārājikāni ṭhapetvā avasesāni khuddānukhuddakānīti** evamādi ekasikkhāpadampi aparicajitvā sabbesaṃ saṅghetabbabhāvadassanattaṃ pariyāyena vuttaṃ. **Idaṃ vo samañānanti** idaṃ samañānaṃ. Padapūraṇamatte vokāro.

443. Idampi te āvuso ānanda dukkaṭanti “idaṃ tayā duṭṭhu kata”nti kevalaṃ garahantehi therehi vuttaṃ, na āpattīṃ sandhāya vuttaṃ. Na hi te āpattānāpattīṃ na jānanti. Idāneva cetamaṃ anussāvītaṃ – “saṅgho apaññattaṃ na paññāpeti, paññattaṃ na samucchindatī”ti. **Desehi taṃ dukkaṭanti** idampi ca “āma, bhante, duṭṭhu mayā kata”nti evaṃ paṭijānāhi, taṃ dukkaṭanti idaṃ sandhāya vuttaṃ, na āpattīdesanaṃ. Thero pana yasmā asatiyā na pucchi na anādarena, tasmā tattha duṭṭhukatabhāvampi asallakkhento “nāhaṃ taṃ dukkaṭaṃ passāmī”ti vatvā thesesu gāraṃ dassento “apicāyasmantānaṃ sandhāya desemi taṃ dukkaṭa”nti āha. Yathā tumhe vadatha, tathā paṭijānāmīti vuttaṃ

hoti. Eseva nayo avasesesu catūsu thānesu. Sesamettha yaṃ vattabbaṃ siyā, taṃ nidānavañṇanāyameva vuttaṃ.

Khuddānukhuddakasikkhāpadakathā niṭṭhitā.

Pañcasatikakkhandhakavañṇanā niṭṭhitā.

12. Sattasatikakkhandhakam

Dasavatthukathā

446. Sattasatikakkhandhake – **bhikkhagenā**ti bhikkhuaggena, bhikkhū gaṇetvā tattake paṭivise thapesunti attho. **Mahiyā**ti himapātasamaye himavalāhakā.

447. **Avijjānivūṭā**ti avijjāpaṭicchannā. **Posā**ti purisā. Piyarūpaṃ abhinandanti patthentīti **piyarūpābhinandino**. **Aviddasū**ti avijjānantā. Rāgarajehi **sarajā**. Magasadisāti **magā**. Saha nettiyāti **sanettikā**. **Vaḍḍhenti kaṭasinti** punappunaṃ kaḷevaraṃ nikkhipamānā bhūmiṃ vaḍḍhenti. Evaṃ vaḍḍhentāva ghoraṃ ādiyanti punabbhavaṃ.

454. **Pāpakaṃ no āvuso katanti** āvuso amhehi pāpakaṃ katanti attho.

455. **Katamena tvam bhūmi vihārenā**ti ettha **bhūmī**ti piyavacanametam. Piyam vattukāmo kira āyasmā sabbakāmī navake bhikkhū evaṃ āmanteti. **Kullakavihārenā**ti uttānavihārena.

457. **Sāvattiyā suttavibhaṅgeti** katham suttavibhaṅge paṭikkhittam hoti? Tatra hi “sannidhi nāma ajja paṭiggahitam aparajjū”ti vatvā puna “sannidhikārake asannidhikārakasaññī khādanīyam vā bhojanīyam vā khādāti vā bhuñjati vā āpatti pācittiyassā”ti āpattiṃ vadantena paṭikkhittam hoti. Tatreke maññanti “yo pana bhikkhu sannidhikāraṃ khādanīyam vā bhojanīyam vā”ti hi vuttaṃ, idaṃca loṇam nāma yāvajjivikattā sannidhibhāvaṃ nāpajjati. Yampi aloṇakaṃ āmisam paṭiggahetvā tena saddhiṃ paribhuñjati, taṃ tadahupaṭiggahitameva, tasmā “yāvakālikena, bhikkhave, yāvajjivikaṃ tadahupaṭiggahitam kāle kappati, vikāle na kappati”ti vacanato dukkaṇettha bhavitabba”nti. Te vattabbā – “tumhākaṃ matena dukkaṇenapi na bhavitabbaṃ, na hi ettha yāvajjivikaṃ tadahupaṭiggahitam, yāvakālikameva tadahupaṭiggahitam, na ca taṃ vikāle paribhuttaṃ. Yadi vā “vikāle na kappati”ti vacanena tumhe dukkaṇam maññetha, yāvajjivikamissaṃ yāvakālikaṃ vikāle bhuñjantassa vikālabhojanapācittiyam na haveyya. Tasmā na byañjanamattaṃ gaheṭṭabbaṃ, attho upaparikkhitabbo.

Ayañhettha attho – yāvakālikena yāvajjivikaṃ tadahupaṭiggahitam yadi sambhinnarasam hoti, yāvakālikagatikameva hoti. Tasmā “yo pana bhikkhu vikāle khādanīyam vā bhojanīyam vā”ti iminā sikkhāpadena kāle kappati, vikāle na kappati. Na idha “na kappati”ti vacanamattenettha dukkaṇam hoti. Yatheva yāvajjivikaṃ tadahupaṭiggahitam yāvakālikena sambhinnarasam vikāle na kappati, vikālabhojanapācittiyāvahaṃ hoti. Evaṃ ajja paṭiggahitampi aparajju yāvakālikena sambhinnarasam na kappati, sannidhibhojanapācittiyāvahaṃ hoti. Taṃ “sannidhikataṃ ida”nti ajānantopi na muccati. Vuttañhetam – “sannidhikārake asannidhikārakasaññī khādanīyam vā bhojanīyam vā khādāti vā bhuñjati vā āpatti pācittiyassā”ti. Tasmā “kattha paṭikkhitta”nti imissā pucchāya “parisuddhamidaṃ byākaraṇam sāvattiyā suttavibhaṅge”ti.

Rājagahe uposathasamyutteti idaṃ “na bhikkhave ekasmiṃ āvāse dve uposathāgārāni sammannitabbāni; yo sammaneyya, āpatti dukkaṭassā”ti etaṃ sandhāya vuttaṃ. **Vinayātisāre dukkaṇanti** “na bhikkhave ekasmiṃ āvāse dve uposathāgārāni sammannitabbāni”ti etassa vinayassa atisāre dukkaṇam. **Campeyyake vinayavattthusminti** idaṃ “adhammena ce bhikkhave vaggakammaṃ, akammaṃ na ca karaṇīya”nti evamādiṃ katvā campeyyakkhandhake āgataṃ vinayavattthum sandhāya vuttaṃ.

Ekacco kappatiti idaṃ dhammikaṃ āciṇṇam sandhāya vuttaṃ. **Chedanake pācittiyanti** suttavibhaṅge hi “nisīdanaṃ nāma sadasam vuccati”ti āgataṃ, tasmā dvinnam sugatavidatthīnam upari dasāyeva vidatthimattā labbhati. Dasāya vinā taṃ pamāṇam karontassa idaṃ āgatameva hoti – “taṃ atikkāmayato chedanakaṃ pācittiya”nti. Tasmā “kiṃ āpajjati”ti puṭṭho “chedanake pācittiya”nti āha. Chedanakasikkhāpade vuttapācittiyam āpajjati attho. Sesam sabbattha uttānamevāti.

Dasavatthukathā niṭṭhitā.

Samantapāsādikāya vinayasamvañṇanāya

Sattasatikakkhandhakavaṇṇanā niṭṭhitā.

Dvivaggasaṅgahā vuttā, dvāvīsatiṭṭhedanā;
Khandhakā sāsane pañcakkhandhadukkhappahāyino.

Yā tesam vaṇṇanā esā, antarāyaṃ vinā yathā;
Siddhā sijaṅṅantu kalyāṇā, evaṃ āsāpi paṇinanti.

Cūlavagga-aṭṭhakathā niṭṭhitā.